

7

ATOMI PERIPATETICÆ

SIVE

TVM VETERVM,

TVM RECENTIORVM

ATOMISTARUM PLACITA,

AD NEOTERICÆ PERIPATETICÆ


Scholæ methodum redacta:

A. R. P. CASIMIRO TOLOSATE

Capucino, in sex Tomos distributa.

TOMVS II.

Præcipuam partem Physicæ complectens.



BITERRIS,

HENRICUS MARTELLI



Cum Approbatione & Privilegio excudebat.

M. DC. LXXIV.





INDEX

DISPUTATIONVM, Articulorum, & Quæstio- num Physicæ.

PARS PRIMA.

DISP. I.  E corpore naturali se-
secundùm principia
intrinseca. Pag. 7

ART. I. De Natura & Arte. ibid.

Quæst. I. *Quid sit natura & naturale.* 8

2. *Quid sit Ars, & in quo conueniat
cum natura.* 14

3. *An ars possit efficere opera natura.*
16

4. *In quo consistat forma artificialis.*
19

ART. II. Quænam sint celebriores opi-
niones de principiis rerum natura-
lium. 24

Quæst. I. *Quænam sit definitio prin-*
I. P. Physica. † 2 cipio

Index Disputationum

| | |
|---|---------------|
| <i>cipiorum,</i> | <i>ibid.</i> |
| 2. <i>Quenam sit opinio Chymicorum circa principia physica.</i> | 26 |
| 3. <i>Quenam sit opinio Gassendi.</i> | 29 |
| 4. <i>Quenam sit opinio Cartesij.</i> | 29 |
| 5. <i>Quenam sit opinio Aristotelis.</i> | 31 |
| ART. III. <i>Quid sentiendum de principiis ab Aristotele positis.</i> | 34 |
| Quæst. 1. <i>An detur & quid sit materia prima.</i> | <i>ibid.</i> |
| 2. <i>Quid sentiendum de appetitu materiae.</i> | 36 |
| 3. <i>Quomodo materia prima dicatur pura potentia.</i> | 40 |
| 4. <i>Quid sit priuatio, & quomodo dicatur esse principium.</i> | 43 |
| 5. <i>Quid sit forma.</i> | 45 |
| ART. IV. <i>De Principiis physicè sumptis.</i> | 47 |
| Quæst. 1. <i>Quid sit materia prima physicè sumpta.</i> | <i>ibid.</i> |
| 2. <i>Quid neoterici sentiant de forma physica.</i> | 60 |
| 3. <i>Num reuerâ detur forma physicè sumpta sic intellecta.</i> | 61 |
| 4. <i>Quid reuera sit forma physicè sumpta.</i> | 76 |
| 5. <i>Quomodo respondendum sit argumentis</i> | <i>mentis</i> |

Physica.

mentis Aduersariorum. 81

6. *Quotuplex sit forma in composito
sublunari.* 96

7. *Quomodo respondendum aliis qua-
stiunculis qua fieri solent de forma.*

101

ART. V. De composito. 104

Quæst. 1. Quid sit unio. *ibid.*

2. *An compositum distinguatur à suis
partibus.* 111

3. *An unio sit essentialis composito.*
114

4. *An hæ numero partes sint de essentia
huius numero compositi.* 117

DISP. II. De Quanto. 119

ART. II. De Quantitate. *ibid.*

*Quæst. 1. In quo consistat ratio quan-
titatis.* 120

2. *An Quantitas sit aliquid realiter
distinctum à rebus quantis.* 123

ART. II. De Continuo. 132

*Quæst. 1. Quid sit continuum, quanam
partes illius, quid & quotuplex pun-
ctum.* 133

2. *Quid sentiendum de opinione Zeno-
nis.* 135

3. *Quid sentiendum de opinione Ari-
stotelis.* 141

† 3 4. *Quid*

Index Dispositio

4. Quid sentiendum
ex praecedentibus

5. Quid sentiendum
Dabo & Temo

6. Quid sentiendum
inter contrarium &
propositum

Art. II. De Infinito

Quaest. 1. Quid &
nomen

2. An dicitur infinitum

3. Quomodo sciendum

4. Quomodo circa infinitum

Deus. III. De Locis

Art. I. De Locis

Quaest. 1. Quid &
nomen

2. An quid loci

3. Quid sit habitatio

4. An diversa corpora
in eodem loco

5. An una materia
diversis locis

Art. II. De Vacuo

Quaest. 1. An dicitur
vacuum

2. Quomodo sciendum

Physica.

rientiis quæ afferuntur à negantibus
vacuum. 205

3. *An & qualis daretur motus in va-*
cuo. 213

DISP. IV. De Motu. 216

ART. I. De Motu generaliter sumpto.
ibid.

Quæst. 1. *Quid sit motus & quotuplex.*
ibid.

2. *Quomodo se habeat motus respectu*
termini. 227

3. *Quomodo se habeat motus respectu*
temporis. 230

DISP. V. De Duratione. 233

Quæst. 1. *Quid & quotuplex sit dura-*
tio. 234

2. *An duratio sit distincta à re duran-*
te. 235

3. *Quid sit Tempus.* 238

P A R S S E C V N D A.

DISP. I. **D**E Mundo. 241

Quæst. 1. *Quid & quo-*
tuplex sit mundus. 242

2. *An mundus fuerit, vel esse potuerit*
ab aeterno. 246

† 4 3. *Quo*

Index Disputationum

| | |
|--|-------|
| 3. <i>Quomodo soluenda alia quaestiuncula de mundo.</i> | 252 |
| DISP. II. De Cælo. | 259 |
| ART. I. De cæli natura, proprietatibus & numero. | 260 |
| Quæst. 1. <i>Quid sit calum.</i> | ibid. |
| 2. <i>An calum sit fluidum.</i> | 264 |
| 3. <i>Quot sint cali.</i> | 266 |
| ART. III. De Astris. | 268 |
| Quæst. 1. <i>Quanam sit Astrorum natura.</i> | ibid. |
| 2. <i>Quomodo moueantur Astra.</i> | 271 |
| ART. IV. De influentiis cælestibus. | 276 |
| Quæst. 1. <i>An corpora caelestia agant in sublunaria, & per quid?</i> | 277 |
| 2. <i>An Astra agant in animam hominis.</i> | 281 |
| 3. <i>An Astrologi ex syderum observatione possint futura certò præcognoscere.</i> | 284 |
| ART. V. De Luce. | 286 |
| Quæst. 1. <i>Quanam sit origo lucis.</i> | 287 |
| 2. <i>Cuius natura sit sol.</i> | 291 |
| 3. <i>Quid sit lux.</i> | 296 |
| 4. <i>Quid sint tenebræ.</i> | 313 |
| DISP. III. De Elementis. | 315 |
| ART. I. De Elementis in communi. | ibid. |

Quæstio

Physica.

Quæstio I. Quid sint Elementa & quot.

316

2. *Quid sint qualitates vulgò dictæ primæ.* 323

3. *Quomodo respondendum sit aliis quæstiunculis quæ proponi solent de illis quatuor qualitatibus.* 330

ART. II. De motu elementorum. 336

Quæst. I. Quid sit raritas & densitas.
ibid.

2. *An Elementa habeant intrinsecam vim mouendi se.* 341

3. *Quid sit gravitas & leuitas.* 350

4. *Quid sit impetus & quomodo se habeat.* 356

5. *Quomodo se habeat motus reflexionis.* 364

ART. III. De Alteratione. 371

Quæst. I. Quid sit alteratio & in quo subiecto fiat. 372

2. *Quomodo fit intensio qualitatis.*
377

3. *Quid sit reflexio qualitatum & antiperistasis.* 385

4. *An simile possit agere in simile.*
388

5. *Utrum detur actio & reactio & quomodo se habeat resistentia.* 391

ART I

Index Disputationum

ART. IV. De generatione & corruptione. 393

Quæst. I. *Quid sit generatio & corruptio.* 394

2. *An Elementa in se inuicem transmutentur & an remaneant secundum suam naturam in mixtis.* 401

3. *An detur resolutio usque ad materiam primam.* 411

ART. V. De Temperamento. 416

Quæst. I. *Quid & quotuplex sit temperamentum.* ibid.

2. *An detur temperamentum ad pondus.* 418

3. *Quodnam temperamentum ad excellentiam ingenij idoneum sit.* 421

4. *Quanam sint dispositiones, quæ diuersa temperamenta consequuntur.*

424

ART. VI. De Elementis in particulari.

429

Quæst. I. *Quomodo soluantur problemata de iis quæ ad ignem spectant.* ibid.

2. *Quomodo soluantur problemata de iis quæ ad aërem spectant.* 441

3. *Quomodo soluantur problemata de iis*

Physica.

iis quæ ad aquam pertinent. 449

4. *Quomodo solvantur problemata de
iis quæ ad terram pertinent.* 455

DISP. IV. *De iis quæ vulgò meteora
dicuntur.* 464

ART. I. *De Meteoris ignitis.* 465

Quæst. 1. *Quid sint aliqua meteora
ignita minoris considerationis.* 466

2. *Quid sit tonitru, fulgur & fulmen.*
468

3. *Quænam sit formatio cometarum,
atque proprietates.* 474

ART. II. *De reliquis meteoris non ig-
nitis quæ sursum apparent.* 479

Quæst. 1. *Quid sit circulus lacteus.*
480

2. *De Voragine, Hiato, Arca, Virgis,
Pareliis, Iride.* 481

3. *Quomodo fiant venti.* 486

4. *Quomodo fiant aqueæ concretiones
in aëre.* 489

5. *Quomodo fiat mel, manna & saccha-
rum.* 494

ART. III. *De phœnomenis quæ in aqua
visuntur.* 495

Quæst. 1. *Quomodo se se habet motus
maris.* 496

2. *Vnde*

Index Disputationum Physica.

2. *Vnde proueniat maris salsedo.* 504
3. *Quomodo scaturiant fontes & flumina.* 506

ART. IV. De terræ motu atque fossilibus. 512

Quæst. 1. *Quanam sit causa terræ motus.* 513

2. *Quid sint terra insigniores & succi concreti.* 519





PHYSICÆ PRÆLVDIVM.



OSTQVAM Logica intellectum instruxit regulis quibus scientiarum inquisitioni mens possit securius incumbere, facémque, vt ita dicam, prætulit, vt veritatem detegat : postquam Metaphysica intentionalis de iis egit, quæ ad rationes entis magis abstractas, & vniuersitatibus spectant, doctrinæ ordo rectaque methodus, vt ad particularia descendamus, corporumque Naturam, Principia, proprietatesque contemplemur, postulat. Sic mens abstractionibus fatigata, sibi paulisper indulgebit, & varietate corporum recreata vires novas sumet, quibus ad Metaphysicam realem sese accinget. Quapropter, cum longa
Physica. A nobis





INDEX

DISPUTATIONVM,

Articulorum, & Quæstionum Physicæ.

PARS PRIMA.

DISP. I.  E corpore naturali secundum principia intrinseca. Pag. 7

ART. I. De Natura & Arte. *ibid.*

Quæst. I. *Quid sit natura & naturale.* 8

2. *Quid sit Ars, & in quo conveniat cum natura.* 14

3. *An ars possit efficere opera natura.* 16

4. *In quo consistat forma artificialis.* 19

ART. II. Quænam sint celebriores opiniones de principiis rerum naturalium. 24

Quæst. I. *Quænam sit definitio principii.* 24
I. P. Physica. † 2

Index Disputationum

cipiorum,

ibid.

2. *Quenam sit opinio Chymicorum circa principia physica.* 26
3. *Quenam sit opinio Gassendi.* 29
4. *Quenam sit opinio Cartesij.* 29
5. *Quenam sit opinio Aristotelis.* 31
- ART. III. *Quid sentiendum de principiis ab Aristotele positis.* 34
- Quæst. 1. *An detur & quid sit materia prima.* *ibid.*
2. *Quid sentiendum de appetitu materia.* 36
3. *Quomodo materia prima dicatur pura potentia.* 40
4. *Quid sit priuatio, & quomodo dicatur esse principium.* 43
5. *Quid sit forma.* 45
- ART. IV. *De Principiis physicè sumptis.* 47
- Quæst. 1. *Quid sit materia prima physicè sumpta.* *ibid.*
2. *Quid neoterici sentiant de forma physica.* 60
3. *Num reuerà detur forma physicè sumpta sic intellecta.* 61
4. *Quid reuera sit forma physicè sumpta.* 76
5. *Quomodo respondendum sit argumentis*

Physica.

mentis Aduersariorum. 81

6. *Quotuplex sit forma in composito
sublunari.* 96

7. *Quomodo respondendum aliis qua-
stiunculis qua fieri solent de forma.*

101

ART. V. De composito. 104

Quæst. 1. *Quid sit unio.* ibid.

2. *An compositum distinguatur à suis
partibus.* 111

3. *An unio sit essentialis composito.*
114

4. *An ha numero partes sint de essentia
huius numero compositi.* 117

DISP. II. De Quanto. 119

ART. II. De Quantitate. ibid.

Quæst. 1. *In quo consistat ratio quan-
titatis.* 120

2. *An Quantitas sit aliquid realiter
distinctum à rebus quantis.* 123

ART. III. De Continuo. 132

Quæst. 1. *Quid sit continuum, quanam
partes illius, quid & quotuplex pun-
ctum.* 133

2. *Quid sentiendum de opinione Zeno-
nis.* 135

3. *Quid sentiendum de opinione Ari-
stotelis.* 141

† 3

4. *Quid*

Index Disputationum

| | |
|---|-------|
| 4. <i>Quid sentiendum de opinione mixta ex precedentibus.</i> | 146 |
| 5. <i>Quid sentiendum sit de opinione Digbæi & Thomæ Angli.</i> | 149 |
| 6. <i>Quid sentiendum de opinione asserente continuum constare ex punctis physicis.</i> | 157 |
| ART. II. <i>De Infinito.</i> | 161 |
| Quæst. 1. <i>Quid & quodplex sit infinitum.</i> | ibid. |
| 2. <i>An detur infinitum.</i> | 163 |
| 3. <i>Quomodo soluenda sint reliquæ quaestiuuncula circa infinitum.</i> | 174 |
| DISP. III. <i>De Locato.</i> | 176 |
| ART. I. <i>De Loco.</i> | 177 |
| Quæst. 1. <i>Quid & quodplex sit locus.</i> | ibid. |
| 2. <i>Per quid locatum constituatur in loco.</i> | 182 |
| 3. <i>Quid sint spatia imaginaria.</i> | 188 |
| 4. <i>An diuersa corpora possint esse simul in eodem loco.</i> | 190 |
| 5. <i>An idem numero corpus possit esse in diuersis locis.</i> | 192 |
| ART. II. <i>De Vacuo.</i> | 196 |
| Quæst. 1. <i>An detur vel dari possit vacuum.</i> | 197 |
| 2. <i>Quomodo respondendum sit experientiis</i> | |

Physica.

*rientiis quæ afferuntur à negantibus
vacuum.* 205

3. *An & qualis daretur motus in va-
cuo.* 213

DISP. IV. De Motu. 216

ART. I. De Motu generaliter sumpto.
ibid.

Quæst. 1. *Quid sit motus & quotuplex.*
ibid.

2. *Quomodo se habeat motus respectu
termini.* 227

3. *Quomodo se habeat motus respectu
temporis.* 230

DISP. V. De Duratione. 233

Quæst. 1. *Quid & quotuplex sit dura-
tio.* 234

2. *An duratio sit distincta à re duran-
te.* 235

3. *Quid sit Tempus.* 238

PARS SECVNDA.

DISP. I. **D**E Mundo. 241

Quæst. 1. *Quid & quo-
tuplex sit mundus.* 242

2. *An mundus fuerit, vel esse potuerit
ab aeterno.* 246

† 4 3. *Quo*

Index Disputationum

| | |
|--|-------|
| 3. <i>Quomodo soluenda alia quaestiu- la de mundo.</i> | 252 |
| DISP. II. De Cælo. | 259 |
| ART. I. De cæli natura, proprietatibus & numero. | 260 |
| Quæst. 1. <i>Quid sit calum.</i> | ibid. |
| 2. <i>An calum sit fluidum.</i> | 264 |
| 3. <i>Quot sint cali.</i> | 266 |
| ART. III. De Astris. | 268 |
| Quæst. 1. <i>Quenam sit Astrorum natu- ra.</i> | ibid. |
| 2. <i>Quomodo moveantur Astra.</i> | 271 |
| ART. IV. De influentiis cælestibus. | 276 |
| Quæst. 1. <i>An corpora caelestia agant in sublunaria, & per quid?</i> | 277 |
| 2. <i>An Astra agant in animam hominis.</i> | 281 |
| 3. <i>An Astrologi ex syderum observa- tione possint futura certò præcognos- cere.</i> | 284 |
| ART. V. De Luce. | 286 |
| Quæst. 1. <i>Quenam sit origo lucis.</i> | 287 |
| 2. <i>Cuius natura sit sol.</i> | 291 |
| 3. <i>Quid sit lux.</i> | 296 |
| 4. <i>Quid sint tenebra.</i> | 313 |
| DISP. III. De Elementis. | 315 |
| ART. I. De Elementis in communi. | ibid. |

Quæstio

Physica.

Quæstio I. Quid sint Elementa & quot.

316

2. *Quid sint qualitates vulgò dictæ primæ.* 323

3. *Quomodo respondendum sit aliis quæstiunculis quæ proponi solent de illis quatuor qualitatibus.* 330

ART. II. De motu elementorum. 336

Quæst. I. Quid sit raritas & densitas.
ibid.

2. *An Elementa habeant intrinsecam vim mouendi se.* 341

3. *Quid sit gravitas & leuitas.* 350

4. *Quid sit impetus & quomodo se habeat.* 356

5. *Quomodo se habeat motus reflexionis.* 364

ART. III. De Alteratione. 371

Quæst. I. Quid sit alteratio & in quo subiecto fiat. 372

2. *Quomodo fit intensio qualitatis.* 377

3. *Quid sit reflexio qualitatum & antiperistasis.* 385

4. *An simile possit agere in simile.* 388

5. *Utrum detur actio & reactio & quomodo se habeat resistentia.* 391

ART I

Index Disputationum

ART. IV. De generatione & corruptione. 393

Quæst. I. *Quid sit generatio & corruptio.* 394

2. *An Elementa in se inuicem mutantur & an remaneant secundum suam naturam in mixtis.* 401

3. *An detur resolutio usque ad materiam primam.* 411

ART. V. De Temperamento. 416

Quæst. I. *Quid & quatuorplex sit temperamentum.* ibid.

2. *An detur temperamentum ad pondus.* 418

3. *Quodnam temperamentum ad excellentiam ingenij idoneum sit.* 421

4. *Quanam sint dispositiones, quæ diuersa temperamenta consequuntur.*

424

ART. VI. De Elementis in particulari.

429

Quæst. I. *Quomodo soluantur problemata de iis quæ ad ignem spectant.* ibid.

2. *Quomodo soluantur problemata de iis quæ ad aërem spectant.* 441

3. *Quomodo soluantur problemata de iis*

Physica.

iis quæ ad aquam pertinent. 449

4. *Quomodo solvantur problemata de
iis quæ ad terram pertinent.* 455

DISP. IV. *De iis quæ vulgò meteora
dicuntur.* 464

ART. I. *De Meteoris ignitis.* 465

Quæst. 1. *Quid sint aliqua meteora
ignita minoris considerationis.* 466

2. *Quid sit tonitru, fulgur & fulmen.*
468

3. *Quænam sit formatio cometarum,
atque proprietates.* 474

ART. II. *De reliquis meteoris non ig-
nitis quæ sursum apparent.* 479

Quæst. 1. *Quid sit circulus lacteus.*
480

2. *De Voragine, Hiato, Arca, Virgis,
Pareliis, Iride.* 481

3. *Quomodo fiant venti.* 486

4. *Quomodo fiant aqueæ concretiones
in aëre.* 489

5. *Quomodo fiat mel, manna & saccha-
rum.* 494

ART. III. *De phœnomenis quæ in aqua
visuntur.* 495

Quæst. 1. *Quomodo se se habet motus
maris.* 496

2. *Vnde*

Index Disputationum Physica.

2. *Vnde proueniat maris salsedo.* 504
3. *Quomodo scaturiant fontes & flumina.* 506

ART. IV. De terræ motu atque fossilibus. 512

Quæst. I. *Quanam sit causa terræ motus.* 513

2. *Quid sint terræ insigniores & succi concreti.* 519





PHYSICÆ PRÆLVDIVM.



OST QVAM Logica intellectum instruxit regulis quibus scientiarum inquisitioni mens possit securius incumbere, facemque, vt ita dicam, prætulit, vt veritatem detegat : postquam Metaphysica intentionalis de iis egit, quæ ad rationes entis magis abstractas, & vniuersitatibus spectant, doctrinæ ordo rectaque methodus, vt ad particularia descendamus, corporumque Naturam, Principia, proprietatesque contemplemur, postulat. Sic mens abstractionibus fatigata, sibi paulisper indulgebit, & varietate corporum recreata vires novas sumet, quibus ad Metaphysicam realem sese accinget. Quapropter, cum longa
Physica. **A** nobis

nobis supersit via, antequam ad metam perueniamus, terit, ut arbitror, tempus, qui in ipso initio longas ducit moras prolioresque de ipsa Physica tractatus edit: ne tamen insalutato, ut dicunt, hospite eam aggrediamur, quæstiunculis breuiter Respondebo.

QVÆRES I. *Quid sit Physica.*

Respondeo esse quæstionem rerum naturalium, maximè earum, quæ sub sensu cadere possunt: & ex mox dicendis patebit rectè definiri posse, si dicatur; scientia speculatiua corporis naturalis, ut mobile est.

QVÆRES II. *An Physica sit scientia.*

Respondeo affirmatiuè; illa enim facultas scientiæ nomen meretur, quæ docet cognoscere causam per effectus, effectusque per causam, & inquit causas & principia eorum, quæ visuntur in naturâ; atqui hoc præstat Physica; ergo Physica est scientia.

Obiicies cum heraclito: de mutabilibus & corruptibilibus non datur scientia; atqui Physica agit de mutabilibus & corruptibilibus; ergo non est scientia.

Respondeo: distinguo maiorem, de mutabilibus secundum accidentalia non datur

Physica Præludium.

tur scientia, esto maior : secundum essentialia, nego.

Dices : plura opinatiue tantum cognoscimus circa res naturales.

Contra, quia nulla est scientia de cuius obiecto plura solum opinatiue non innotescant ; ergo hoc non tollit rationem scientiæ. Adde quod ex nobiliori parte desumenda est denominatio.

QVÆRES III. *An Physica sit scientia speculativa.*

Respondeo affirmatiue, quia sistit in nuda contemplatione sui obiecti ; nullas enim assignat regulas, quibus illud dirigat, sed nudè contemplatur elementa, cœlos & mixta.

Obiicies primò, medicina est pars Physicæ ; atqui medicina est practica ; ergo & physica.

Respondeo : Medicinam non esse partem Physicæ, sed scientiam subalternatam.

Obiicies secundò, ex cognitione rerum naturalium physica excitat ad amorem Dei ; ergo est practica.

Respondeo : indirectè excitare & per accidens tantum ; quatenus dat fundamentum ex visibilibus ad inuisibilem cognitionem

tionem progrediendi , sed ipsa directè & per se non dirigit voluntates nostras ad amorem Dei.

QVÆRES IV. *Quodnam sit obiectum Physicæ.*

Respondeo obiectum Physicæ esse corpus naturale , prout mobile est , quæ conclusio est omnium Philosophorum, nisi sit inanis quæstio de voce , licet aliqui non satis sese explicant , dum dicunt obiectum Physicæ esse ens mobile : nam Angeli sunt entia mobilia , & tamen eorum consideratio non pertinet ad Physicam , igitur corpus naturale est obiectum materiale , ratio verò formalis sub quâ consideratur à physica est mobilitas , hoc est , vt est capax alicuius motus , siue alterationis , siue generationis, siue localis; aut alterius.

Dices : priùs est esse naturale , quam esse mobile ; ergo dicendum esset obiectum physicæ esse corpus naturale, vt naturale est.

Respondeo : principium radicale motus , & naturale esse prorsus vnum & idem, quod patebit , cum explicauerimus quid sit natura & naturale.

QVÆRES V. *Quomodo diuidenda sit
Physica?*

Respondeo commodè trifariam diuidi posse. Prima quidem pars de corpore naturali aget in communi. Secunda verò de corpore naturali inanimato differet. Tertia denique de corpore naturali animato disputabit. Ratio autem diuisionis patet, mens enim statim corpus in communi intuetur; deinde ad species progreditur, & cum imperfectior ad perfectioris cognitionem iuuat, priùs corpus omni vitæ gradu expers considerat, & illius cognitione illustratus ad corporis viuientis notitiam assurgit.






PHYSICÆ

PARS PRIMA.

De corpore naturali in communi.

CORPVS naturale in communi non uno dumtaxat, sed variis modis considerari potest. Primò quidem, ut est in se constitutum per principia intrinseca: Deinde secundum ipsius affectiones, atque proprietates communes. Sunt autem quatuor præcipua, quantitas, locus, tempus, & motus. Ideò quinque subiicientur disputationes. Prima erit de principiis intrinsecis. Secunda de quantitate, ubi de infinito disputabitur. Tertia de loco, ubi etiam de vacuo. Quarta de tempore ubi etiam de ævo & eternitate. Quinta de motu, uti etiam de quiete; sit igitur

DISPV



DISPUTATIO I.

De corpore naturali secundum principia intrinseca.

QUAM principia rerum naturalium sint valdè abscondita, & tamen ab illis pendeat solutio quæstionum omnium, quæ in hac Philosophiæ parte institui solent, simul & cognitio veritatis, quid de illis sentiendum sit, operæ pretium duco, sedulò inquirere. Sequentibus igitur articulis inquiremus, quænam sint opiniones præcipuæ de principiis; quid de materiâ & formâ statuendum. Sed quia quid sit naturale cognosci non potest, nisi naturæ notionem habuerimus, ordo legitimus postulare mihi visus est, ut instituat.

ARTICVLVS I.

De naturâ & arte.

Quæstiones de naturâ & arte coniunxi; quia ex cognitione compositi artificialis perfectior euadet cognitio naturæ.

Q V Æ S T I O I.

Quid sit natura, & naturale.

Natura variis accipitur modis. Primò, pro Deo Optimo Maximo, quem aliqui vocant naturam naturantem, siue producentem alias naturas; quas naturas, naturatas nominant. Secundò, pro essentiâ, siue quidditate rei: vbi nota, hos tres terminos, essentia, quidditas & natura, idem omnino significare, sed diuersimodè: nam essentia importat ordinem ad esse rei, vt est principium omnium proprietatum Metaphysicarum. Natura dicit ordinem ad operationem, vt est principium omnium operationum physicarum, quidditas dicit ordinem ad definitionem, quâ satisfat interrogationi, quid est. Tertiò, pro vniuersitate rerum creatarum; sic miraculum dicitur, quod superat omnem naturæ vim. Quartò, pro causis naturalibus; quatenus secundum insitam propensionem agunt; sic dicitur naturam se ipsam reparare. Quintò, pro temperamento quatuor primarum qualitatuum; sic dicitur Petrus sanguineus, Paulus Cholericus. Sextò, pro eo quod quælibet res est vi generationis, quâ de non esse, in esse educta est; sic hic sumi debet.

Dico primò, natura rectè definitur ab Aristotele, principium & causa motus & quietis eius in quo est, primò, & per se, & non ex accidenti.

Explicatur: dicitur, principium, per quod conuenit cum principiis cognitionis, & cum priuatione; si tamen priuatio inter principia annumeranda sit: ab iis autem differt cum dicitur causa. Motus significat omnem mutationem; quies cessationem.

Disp. I. De corpore naturali &c. 9

sationem motus quo tendebatur ad acquisitionem perfectionis, vel possessionem vegetam propriæ perfectionis iam acquisitæ, eius in quo est, per hanc particulam excluduntur causæ externæ, per se, & non ex accidenti ad excludendas causas, quæ ex accidente in ipsa re, quæ mouetur, insident: cuiusmodi est ars medendi, quâ, v.g. Hypocrates sibi ipsi sanitatem præstat, quæ idcirco natura non dicitur, quia esto, causa sit cur Hypocrates ad sanitatem redeat, non tamen ei per se, sed accidentario inest. Denique primò; indicat principia substantialia; siquidem motus & quies ab iis primariò oriuntur.

Nota, quando in definitione dicitur motus & quietis &, haberi locum particulæ disiunctivæ; sicut & cum Ioan. 4. dicitur, nisi signa & prodigia videritis. Aut facit sensum accommodum, vt cum 1. Ioan. 2. dicitur Antichristus qui negat Patrem & filium, & cum ex Aristotele, anima definitur esse qua viuimus, sentimus, loco mouemur, & intelligimus; sensus enim illius ex D. Ioan. non est cum solum debere dici Antichristum, qui negauerit Patrem & filium; sed qui vel vtrumque, vel vnum ex illis negauerit. Sensus etiam definitionis animæ non est quod quævis anima sit principium omnium harum operationum, aliàs plantæ & bruta non haberent animam; sed sensus est ibi esse animam vbicunque fuerint omnes illæ operationes, vel quælibet illarum. Circa naturæ definitionem pari ratione philosophandum est. Vt autem totum planius fiat.

Aduerte secundò, res omnes saltem sublunares variis mutationibus esse obnoxias; cernimus enim ex semine herbam fieri, quæ crescat, atque in thyrsum, frondes, flores, semen variè discriminetur,

A s,

dum

dum debitum nacta incrementum cessat augeri. Præterea cernimus motus illos & alios, siue generationis, siue corruptionis, siue diminutionis, siue alterationis, siue lationis; ab interno aliquo principio prouenire. Imò & omnium eiusmodi motuum cessationem obseruamus non minus ab eodem principio intimo, quam motum ipsum, & illud principium vocamus naturam, per quam nihil aliud intelligimus, quam internum illud principium quo res quævis, cum est & esse persistit, tum agendi, patiendique, item ab iis cessandi habet porentiam. Res autem quæ tale principium internum habent dicuntur naturales.

Quæres I. an naturâ sit principiû purè passiuum.

Respondeo. negatiuè, quia corpori naturali non minus naturale est agere, quam pati, & mouere se, quam moueri à se, vt patet in viuentibus, quæ operationes suas ab interno principio actiuo naturaliter edunt. Deinde aui volanti comparata ad volatum, prout causa illius est, conuenit tota naturæ definitio.

Obiicies cum frassen: illud principium motus est natura, à quo motus habet quod sit naturalis, prout naturale apponitur violento & neutri; sed solum principium passiuum est huiusmodi; ergo solum principium passiuum est natura. Probatur minor: motus ille est naturalis, qui fit secundum inclinationem naturalem mobilis; sed à solo principio passiuo motus habet quod sit secundum naturalem inclinationem mobilis; ergo à solo principio passiuo habet quod sit naturalis. Probatur minor, quia quoties passum mouetur à principio passiuo, mouetur secundum suam inclinationem, quoties verò mouetur à principio actiuo non mouetur secundum suam inclinationem.

Respon.

Disp. I. De corpore naturali &c. 11

Respondeo : vt motus sit adæquatè naturalis, non solum debet esse secundum inclinationem mobilis, sed etiam secundum inclinationem mouentis. Quis autem concipere potest mobile moueri à principio passiuo, non verò ab actiuo : certè, si mouetur, aliquod agens mouet. Itaque dicendum est, principium, in definitione naturæ esse aliquid abstractum ab actiuo & passiuo, & vtrumque sub se competens.

Quæres secundo, num ratio naturæ conueniat materiæ & formæ.

Respondeo : donec explicuerimus quid sentiendum sit de materiâ & formâ, dici potest, materiam esse principium passiuum, forma verò principium actiuum & compositum esse principium adæquatum, atque rationem naturæ illis omnibus diuersimodè conuenire. Quoad priuationem, dicendum non est rationem naturæ illi conuenire; quia priuatio non existit à parte rei, vt diximus in metaphysicâ. Nec sibi constant, qui ex vnâ parte asserunt naturam non solum esse principium motûs, sed etiam causam; quia verum habet influxum, & ex aliâ asserunt priuationi conuenire rationem naturæ : quemnam enim influxum habere potest priuatio, quæ nihil est, si sumatur in abstracto.

Obiicies : dantur naturæ quæ sunt principium motûs in alio; ergo hæc particula, in quo est, falso ponitur in definitione naturæ. Probatür antecedens: ignis producit calorem in alio, ergo est principium motûs in alio.

Respondeo : distingo antecedens dantur naturæ, quæ sunt principium motûs in alio primario nego, secundario concedo; primario enim natura est principium motûs in se.

Dico

Dico secundo, rectius definitur natura, si dicatur ratio artis diuinæ rebus naturalibus inserta, quâ ducuntur ad suos fines. Hæc definitio est D. Thomæ in 2. physicorum, lib. 14. & S. Gregorij Nysseni in Exam. citatarum à Campanella quaestionum Physiologicarum, quæst. 4. ad 1.

Explicatur: natura hic sumitur physicè pro rei essentiâ, vt à D. Augustino sumitur lib. 2. de moribus Manich. non quidem pro essentia præcisè; sed vt est participatio diuinitatis operans vbique eius operatione & imitatione; res enim omnis eam habet essentiam, quam sortitur ab artifice Deo. Ideò vis illa rebus indita, quâ sunt & operantur, vocatur ratio artis diuinæ, siue illius expressio, quia proficiscitur ab idea Dei; sic enim fuit, vt Deus res fecit, & sicut natura horologij non est ferrum, neque rotæ, sed illa entitas, & ratio artis quâ construitur in esse horologij, vnde ad talem vsum deseruit; sic natura plantæ non est elementa, sed ars illa idealis effusa in elementorum concinnationem, talem quâ constituitur planta, & non aliud ens, quare forma totius est natura, & sicut ferrarius non facit diploidem, sic neque planta hominem. Quanta verò aliunde industria suos fructus conficiant plantæ, & animalia natos, palam est; ita vt non immeritò naturam, dixerim rationem artis diuinæ, siue artem Dei in materia: natura quippe est principium innumerabilium, quæ sine summâ ratione perfici non possunt. Hinc ortum habuit vetus illud proverbium, opus naturæ est opus intelligentiæ. Ars igitur nostra imitatur naturam; lanceas enim facit ars, vt natura spinas, & natura est ars Dei participata, atque adeò necesse est ideas ponere, tam artis, quam naturæ: sed idea artis est in naturâ, idea

idea naturæ in Deo. Dixi melius definiri, quia clarius, quid sit, ostendit hæc definitio quam prima, nosque ducit ad cognitionem primæ causæ unde ab antiquis philosophis, Deus dictus est, *ἀπὸ τοῦ φύσιν*, ut autem communem loquendi modum facilius intelligas.

Aduerte illa dici esse secundum naturam quæ rei secundum naturam conueniunt v.g. productio rosarum verno tempore est rosæto secundum naturam. Præter naturam dicuntur ea quæ fiunt non quidem renitente, neque etiam exigente sed veluti permittente naturâ: sic mare moueri à vento est præter ipsius naturam. Supra naturam dicuntur quæ superant naturæ capacitatem & vires saltem in tali circumstantiâ v. g. visus cæco redditus est aliquid supernaturali homini, denique contra naturam quæ naturæ rei repugnant & dicuntur violenta.

Violentum autem communiter dicitur cuius principium est extra, passio non conferente vim: sed ut hæc definitio sit legitima hæc particula, passio non conferente vim, non solum negatiue est intelligenda quasi sufficiat subiectum cui vis inferitur non cooperari motui violento sed insuper positiue & contrarie: ita ut passum positiue renitatur & agenti extrinseco resistat, alioquin infusio habituum supernaturalium esset violenta. Clarius igitur sic definitur illud quod est à principio extrinseco passio renitente in contrarium qui nisus in contrarium si proprie sumatur importat resistantiam actiuam qualis est resistantia canis, fure tracti dum nititur fugere; non passiuam dumtaxat qualis est resistantia muri impediensis ne ultra prætergrediar.

Q V Æ S T I O II.

*Quid sit ars, & in quo conueniat
cum naturâ.*

Aduerte inter cognitiones practicas aliquas reducere suum obiectum ad prima principia, alias verò minime. Primæ sunt scientiæ, vt logica; medicina, ethica; secundæ verò sunt artes. Ars autem vt est habitus internus & intellectua- lis dicitur communiter habitus cum rectâ ratione factiuus, siue habitus residens in ratione & eam rectificans ad operandum in materiâ externâ, vt ad formandas statuas, ad pingendas imagines, ad fabricandas domos, cuius descriptionis examen in disputationem de intellectu remitto, accuratiori enim notitiâ illius hic non indigemus. Aliquando sumitur pro effectu artificioso ad extra producto v. g. pro figurâ seu formâ statuæ, domus, &c. & sic sumpta, quid sit, in quæstione quartâ differemus.

Natura & ars conueniunt primò, quia vtriusque opera procedunt ratis certisque legibus, vnde ab aliquibus natura dicitur ars intrinseca rei ad suos ipsarum fines perducens: ars verò dicitur natura extrinseca res ad nostros fines perducens.

Secundò, sicut agens naturale producit effectum sibi similem ratione formæ suæ; ita artifex assimilât opus formæ intelligibili, siue exemplari à se concepto; vnde sicut effectus naturalis, antequam habeat esse actuale, habet virtuale in causâ, ita artificialis habet esse ideale in artifice.

Tertiò, sicut ars naturam, ita natura Deum supponit;

supponit ; sicut enim ars nihil efficit nisi supposito sibi composito physico, in quo artificiosam formam concinnet : ita natura nihil gignit nisi è præiacente materia à Deo creatâ, in quam naturalem formam inducat : sicque res exeunt, Deus profert ex nihilo, natura ex ente in potentia, ars ex ente perfecto : Deus creando, natura gignendo, ars componendo concinnandoue.

Quartò, tam ars quam natura sensim proficit & ab imperfectioribus ad perfectiora procedit; ars enim v.g. pictoris, primò susceptum opus leuiter adumbrat, tum colorum varietate distinguit & paulatim perficit, natura item in effigendo fœtu initio rude aliquid sine membrorum distinctione exhibet, sed sensim perficit.

Quintò, vt natura artem diuinam, ita ars humana naturam, quoad fieri potest, æmulatur. Sic dicitur ars ex piscium pinnis efformare remos didicisse, ex caudâ verò gubernaculum, simiaque naturæ appellata est, sunt aliquæ aliæ conuenientia, sed hæ sunt insigniores.

Natura & ars differunt primò, quia ars res non veras efformat : vnde picturæ ab aliquibus dictæ sunt vigilantium insomnia.

Secundò, quoties ars & natura ad opus aliquod faciendum conspirant, ars perficit naturam arsq̃ tenet locum lucis & regulæ.

Tertiò, ars incipit vbi natura desinit, quia supponit opus naturæ.

Quartò, ars in externâ superficie versatur, natura verò in abditioribus elaborandis occupatur.

Quæres an natura sit nobilior arte vel è contrariis. Respondeo naturalia & artificialia posse sumi vel disiunctim vel coniunctim ; si disiunctim, natura est nobilior arte ; si coniunctim, ars est nobilior

biliior naturâ vel clarius, artefactum est nobilissimum opere naturæ, quod forma artificiali perficitur. Prima pars patet, quia natura est substantia, ars verò est tantum accidens. Secunda etiam patet, quia scilicet includens est nobilior incluso; sic statua est perfectior rudi ligno.

Q V Æ S T I O III.

Ans ars possit efficere opera natura.

Dico primò, ars modificare potest operationes naturæ.

Probatur: modificare operationes naturæ nihil est aliud quam efficere ut hoc vel illo modo fiant. Atqui hoc potest ars respectu operum naturæ. Probatur minor: saltatio est opus naturæ sed ars modum concinnum addere potest, ita ut fiat ad numeros; ita potest ars dare figuram rotundam, ex qua sequitur maior motus velocitas.

Dico secundò, ars potest opera naturæ efficere applicando actiua naturalia passivis.

Probatur, applicare actiua naturalia passivis nihil est aliud, quam cognita virtute agentium agentia applicare subiectis in quæ agere possint, & novam inducant formam. Atqui hoc potest ars, sic enim apes producuntur in mortui bouis ventre, si fimo regatur. Sic medici applicando virtutes naturales lapidum atque plantarum restitunt sanitatem. Sic magi Pharaonis Exod. 7. serpentes exhibuerunt non adumbratos sed veros ut sentit D. Aug. 3. lib. de Trin. c. 7. & in lib. 83. qq. quæst. 76. id autem fuit factum arte dæmonum qui collegerunt varia semina, & collectâ diversâ

uersâ materiâ illa semina putrefacta sunt & serpentes loco virgatum repserunt.

Dico tertio, non videtur impossibile fieri verum aurum Chymicæ artis operâ.

Probatur: angeli naturali cognitione perspectrum habent quam materiam, & quam qualitatibus temperationem veri auri generatio requirat. Igitur si omnia inuicem rite componant & tempestiue applicent, legitimum aurum perferent, sicut & veros serpentes. Poterunt autem angeli tale secretum aperire hominibus: vel etiam poterit fieri vt aliquis homo verum methodum inueniat post longum exantlatum laborem & post repetitas experientias.

Confirmatur ex eo quod quamplurimi asserant Lullium veram methodum calluisse & verum aurum effecisse; & quamvis nullus adhuc artem illam inuenisset, non sequitur nullum vnquam inuenturum; præsertim cum multa in dies hominum solertiâ & industriâ inueniantur superioribus sæculis ignota vt vsus tormentarij pulueris & pyxidis nauticæ, ars Typographica, &c.

Objicies: forma auri non inducitur nisi vi caloris ætherei, & à sole præsertim dilapsi; ergo arte chymicâ, quæ vtitur tantum calore elementari, non fiet nisi aurum adulterinum.

Respondeo calorem æthereum & elementarem esse eiusdem speciei; atque adeo nego consequentiam.

Objicies secundo: vendere illud aurum Chymicum pro vero est damnatum ab Ecclesiâ in Extrau. cap. spondet. Vbi etiam declaratur vendentes teneri ad restitutionem, ergo Ecclesia non censet posse fieri verum aurum arte Chymicâ.

Respon

Respondeo Ecclesiam ideo prohibuisse vendere illud aurum chymicum; quia raro fit verum aurum, sed tantum eumentitum & apparens quod vim ignis sustinere non potest; quare periculosa est illa ars dum aurum tentat conficere.

Dico quartò, neque ars, neque artificialis forma, aliquod naturæ opus, vi suâ, efficere valet.

Probat: ars non aliter concurret cum artifice quam dirigendo, hoc est, tradendo regulas operis faciendi. Deinde artificialis forma ex se nullam vim habet aliquid producendi, nihil enim aliud est, ut mox probabimus, quam compositio, ordo, & figura, seu modus quidam ac determinatio quantitatis, quæ ex se etiam ignava est.

Objicies: Dædali statuæ teste Aristotele huc illucque sponte discurrebant, item columba Archyræ lignea volabat, &c.

Respondeo hæc omnia fuisse opera artis; sed motus non proveniebant ab arte sed à natura, sicuti videmus in horologiis, quæ libratæ certa ratione ponderibus, cientur vel mouentur à lamina Chalybea violenter complicata & paulatim sese explicante. Itaque ars motiones illas non efficiebat, sed modificabat & attemperabat.

Objicies secundò, quædam artes possunt efficere effectus ad quos natura non potest pertinere; ergo à fortiori eos quos natura edere potest. Probat: autem exemplo imaginum astronomicarum quarum vi multa supra ordinarium naturæ modum efficiuntur.

Respondeo illas imagines vi sua nihil efficere, sed tantum ad summum modificant astrorum influxus; sed cum talia narrantur, cauendum est ne fabulæ pro veritate nuncientur, & ne tales effectus ad Dæmonum præstigias pertineant.

Q V Æ S T I O I V.

In quo consistat forma artificialis.

Q Væstio non procedit de illis artefactis, respectu quorum ars nihil efficit, sed agenta naturalia dumtaxat applicat; quales sunt pulli ex ovo per calorem ignis in furno temperatum editi; sed de artefactis proprie dictis v. g. de statua, pictura, &c. circa quam quæstionem.

Plurimi ex recentioribus docent, figuram esse entitatem aliquam superadditam; modum saltem aliquem distinctum totaliter ab entitate rei figuratæ.

Contra: talis modus esset omnino superfluous, si daretur, ut patebit.

Deinde quænam esset causa talis entitatulæ, primò non ars; hæc enim existit in mente; ergo non habet approximationem necessariam ad productionem talis entitatulæ; nec emittere potest ex se virtutem aliquam cum sit spiritalis; est enim habitus intellectus, ratio à priori est quia ars non dat virtutem physicam ad concinnandos, v. g. colores in tabula; sed virtutem physicam motuam, manus solum dirigit, dictando ubi eos debeat collocare. Sicut qui me docet, quæ sit eundem Tolosam, non dat mihi virtutem physicam ad deambulandum, sed solum ostendit quâ parte illam debeam exercere.

Secundò, non artifex; hic enim dumtaxat colores apponit in tabellis; at per talem appositionem non producit entitatulam aliquam de nouo; aliàs qui ad cumulum lapides, poma, congregaret, similè produceret, quod nullus diceret. In istis
autem

autem imago per meram partium superfluarum ablationem relinquitur ; at per talem ablationem non potest artifex positiuam formam aliquam producere in partibus remanentibus ; nam eas relinquit vt antea & solum ab eis alias separat.

Confirmatur : poterat Deus annihilare partes quas artifex separauit , & conseruare illas quas artifex reliquit ; atqui tunc non fuisset productio alicuius formæ aut entitatulæ de nouo ; ergo neque cum artifex separauit illas. Probatur minor, per annihilationem nihil producitur ; sed tunc fuisset vera annihilatio ergo nihil fuisset productum.

Tertiò, non natura ; alioquin illa figura non esset artificialis , sed naturalis : nec dici potest talis entitacula resultare ; quia solus Deus causam non habet, cætera omnia ab aliquâ causâ efficiente pendent.

Alij volunt figuram nihil aliud esse quam superficiem externam cuiuscumque rei.

Contra : eadem manente superficie figura mutari potest ; vt si quis filum ferreum in varias figuras contorqueat.

Alij, inter quos Hurtadus & Arriaga , contendunt figuram in vbicatione partium consistere formaliter, quam vbicationem esse modum quemdam de nouo productum totaliter à re vbicata distinctum existimant.

Contra : tales modos non dari probauimus in Metaphysica, & infra probabimus, cum de vbicatione : & potest huc aduocari argumentum quo primam sententiam refutauimus : nam tales vbicationes producerentur omninò naturaliter , & non per artem, & cum artifex aufert partes superfluas, non potest dici producere remanentium vbicationem ;

cationem ; erant enim antea taliter vbicata, quia, ut suppono, lignum, aut marmor, quod est materia, remanet immobile.

Deinde, quamvis vas mutetur localiter, adhuc est idem vas & habet eandem formam artificialem ; sed tunc partes eius non habent easdem vbicationes ac antea ; ergo illius forma non consistit formaliter in vbicatione partium. Idem dic de tabellâ, si de loco in locum transferatur, aut complicetur.

Præterea sequeretur mutari figuram quotiescunque loco mutaretur res artificiosa, quia mutarentur vbicationes.

Respondet Arriaga figuram mutari physicè inadæquatè, non verò moraliter, & in ordine ad apprehensionem nostram ; quia succedunt aliæ vbicationes eodem modo distantes inter se ac priores.

Contra : sequeretur eum qui mouet statuam esse causam illius formæ artificialis, cum sit causa vbicationum, in quibus consistit forma artificialis ; atque adeo erit artifex sine arte.

Respondet idem, eum qui mouet statuam non debere dici artificem vel figuræ illius auctorem ; quia non primò produxit illas vbicationes, sed potius ex dispositione priori ab artifice producta necessario sequitur secunda ad motum localem illius figuræ ; & hoc sine vlla arte requisita in mouente figuram.

Contra primò, ille debet dici auctor figuræ, qui producit quod est formale in figurâ ; atqui talis motor producit illud quod est formale in figura, nempe vbicationes ; ergo debet dici auctor figuræ. Esto, non primò produxerit vbicationes ; sufficit enim si secus producat : sicut Deus dicitur

citur creator noster, non solum, quia primo produxit nos, sed etiam, quia secundo producit, siue conseruat.

Deinde secunda vbicatio sequitur ad motum localem illius figuræ, inquit Arriaga; ergo vbicatio est aliquid posterius ipsâ figurâ; ergo non constituit eam formaliter. Imò si vbicatio constitueret figuram formaliter, impossibile esset figuram moueri. Probatur; impossibile est moueri figuram, nisi moueatur illud quod est de formali constitutiue figuræ; atqui vbicationes sunt de formali constitutiue figuræ; ergo impossibile est moueri figuram, nisi moueantur vbicationes; atqui impossibile est moueri vbicationes; ergo impossibile est moueri figuram, si vera sit sententia Arriagæ; atque adeò impossibile est ad motum figuræ sequi vbicationem.

Dico igitur: forma artefacti, physicè loquendo, nihil aliud est, quam partes rei artificiosæ taliter, hoc est tali distantia, talique coordinatione inter se per artem dispositæ, cum negatione partium superfluarum.

Probatur: hoc ipso quod in pictura colores sunt taliter dispositi, hoc ipso est imago; ergo hæc imago non est aliquid distinctum à partibus rei artificiosæ taliter dispositis. Clariùs hoc apparet in statua; quia hoc ipso quod partes ligni taliter sunt dispositæ, hoc ipso est statua; modò partes illæ statuæ intelligantur cum negatione partium superfluarum. Superfluas autem partes voco illas, quæ, si adessent, efficerent aliam figuram, v. g. in ligno cubice quadrato & polito non reperitur statua regis, si tamen partes aliquæ auferantur, inuenietur ibi statua egregiè artefacta: idem dic de imagine regis, fiet enim si tales co-
lores

Disp. I. De corpore naturali &c. 23

lores apponantur debito ordine, & quidem tot quot necessarij sunt, & non plures. Quod dico contra quosdam, qui dicebant illam negationem non esse necessariam; quorum opinionem esse absurdam patet: nam alioqui in eodem trunco essent omnes statuz non solum potentiâ, sed etiam actu; & qui projiceret atramentum in chartam, efficeret omnes characteres Græcos, Latinos, Hebraicos, quod est ridiculum.

Obiicies: negatio est aliquid extrinsecum formæ artificiali; ergo ad ipsam non est necessaria. Probatur antecedens: negatio est actus intellectus; ergo est aliquid extrinsecum formæ.

Respondco: negatio formalis est aliquid extrinsecum, concedo: fundamentalis, nego: fundamentalis negatio, nihil est aliud, quam tot esse partes præcisè, sic enim est fundamentum negandi plures; si autem essent plures, non esset fundamentum negandi plures, & si quis negaret, actus illius esset falsus. Itaque figura modus est, qui pro genere terminationem rei agnoscit, & in varias deinde diuiditur figurarum species, secundum quod partes terminatæ diuersam inter se distantiam consequuntur.

Inferes: quam ritè, & congruenter asseruerimus in metaphysicâ, accidentia non esse entia distincta ab omni substantia distinctione totali & adæquata, cum forma artificialis, & figura sint veræ qualitates, ex ipso etiam Aristotele, & tamen non distinguuntur realiter à substantia cui insunt.

ARTICVLVS II.

Quenam sint celebriores opiniones de principiis rerum naturalium.

Non mihi mens est omnium Philosophorum, tum antiquorum, tum recentiorum, de principiis rerum naturalium opiniones ad examinis libram adducere; difficile enim est certo cognitu, quid multi senserint Philosophi antiqui, quorum sententiæ deridentur ab iis, qui, ut suam doceant, aliorum opiniones ita proponunt, ut deliramenta videantur, licet dum viuerent, omnium ad se plausus, & admirationem traherent; quid enim Xenophones, Parmenides, & Melliſſus intellexerunt, dum rerum omnium vnum principium statuerunt? Quid Thales Milesius, dum aquam solam? Quid Anaximenes, dum aërem solum? Quid Heraclitus, dum ignem solum? quid Pythagorei, dum docuerunt principia sistere in numeris? quid alij, dum in lite & concordia? quid alij, dum in vacuo & pleno? Ne igitur in aërem dimicemus, quatuor aut quinque celebriores afferam, & ad examen adducam sequentibus questionibus.

QVÆSTIO I.

Quenam sit definitio principiorum.

Pincipium sumitur primò, pro initio cuiuslibet rei; sic vnitas dicitur principium numeri, &

Disp. I. De corpore naturali &c. 25

& locus, vnde aliquis proficiscitur dicitur principium via. Secundò, pro primo, vnde aliquid est, sic Seth est ab Adamo. Tertiò, pro eo ex quo aliquid est, aut à quo aliquid fit, aut per quod aliquid cognoscitur. Prima particula principia intrinseca denotat. Secunda verò principia extrinseca. Tertia denique principia cognitionis. De principiis cognitionis in Logicâ egimus; de principiis extrinsecis, nempe de causis efficiente, finali & exemplari in Metaphysica differuimus. Superest, vt intrinseca, sic dicta, quia sunt intra rem, explicemus.

Dico, principia intrinseca rerum naturalium rectè definiuntur ab Aristotele lib. I. Physicorum, cap. 5. quæ nec ex sese, nec ex aliis, sed omnia ex ipsis sunt.

Explicatur: principia non debent esse ex sese inuicem; alioquin vnum esset principium alterius: neque ex aliis; alioquin non haberent rationem principij, sed principijati: ex ipsis verò sunt omnia, corpora naturalia scilicet.

Obiicies: illa definitio conuenit principio externo; ergo non est legitima. Probatur antecedens, conuenit Deo: nam Deus non est ex alio principio, sed ex ipso sunt omnia, vt ait Apostolus.

Respondeo: particula, ex, si propriè loquamur, denotat principium compositionis; Deus autem non est principium compositionis creaturarum: vnde quando Apostolus dicit omnia esse ex Deo, intellige esse à Deo tanquam à causâ efficiente.

Obiicies secundò, principium debet esse primum; sed solus Deus est primus, cætera enim omnia ab ipso procedunt; ergo solus Deus deberet dici principium.

Physica.

B

Respon

Respondeo : principia dici prima non simpliciter, & in vniuersum per exclusionem cuiuscunque primi ; sed secundum quid & in genere determinato, nempe in genere compositionis ; Deus autem vt dictum est non est principium compositionis.

Q V Æ S T I O II.

Quenam sit opinio Chymicorum circa principia Physica.

CHymici , alio modo dicti Alchimiſtæ , Hermetici, & Spagirici, tria ſtatuunt rerum omnium ſublunarium principia mercurium , ſulphur & ſal. Tot , inquit , ſunt principia mixtorum , in quor partes intrinſecas reſolui poſſunt mixta ; atqui reſolui poſſunt in tria illa. Probatu minor, ſi planta v.g. aut quid ſimile applicetur ad ignem, ſtatim egredietur ſubſtantia quædam humida , quatenus propriis terminis difficile continetur, facile verò alienis, eſtque mercurius ; ſi verò fiat maior ignis applicatio , effluit ſubſtantia quædam viſcoſa & vinctuoſa, quæ ſulphur dicitur ; deinde ſi per calcinationem redigatur mixtum in cineres, ſub illis reperitur ſubſtantia quædam alba & ſicca corruptioni nullatenus obnoxia , imò à corruptione cætera præſeruans & eſt ſal. Quod autem abſtracto ſale è cineribus remanet , dicitur terra damnata, & caput mortuum, vtpote ad omnia inutile , idè non recenſetur inter principia, ſicut nec phlegma quoddam inſipidum , quod etiam reperitur in reſolutione corporum. Non eſt autem exiſtimandum illa tria principia eſſe eiſdem omninò rationis ac mercurius , ſulphur & ſal

sal, quæ venduntur à mercatoribus, sed habent cum istis affinitatem & conuenientiam.

Mercurius dat fluiditatem & colorem: sulphur vero, calorem & odorem: sal denique, consistentiam, grauitatem, atque saporem: difficillime separantur ab inuicem, ita vt vni semper aliquid aliorum adhæreat, eo tamen minus, quo operationes chymicæ erunt subtiliores & potentiores.

Præter illa tria principia admittunt spiritum quendam vniuersalem, qui corporibus omnibus sublunaribus insit, qui omnia informet ac viuificet, per quem omnia fiunt, & in suo esse conseruantur, qui vocatur *ἑνταλέχεια*, seu perfectio mundi, & à Petro Fabre in suo Panchym. lib. i. cap. 23. definitur pars tenuissima omnium elementorum, & cœli, seu lucis, quæ in visceribus terræ simul vnita transit, & mutatur in semen mundi à quo prodeunt omnia, quæ naturaliter fiunt in hoc mundo, & nata conseruantur. Inde est vt cessantibus tantisper talibus influentiis, v. g. ex parte solis propter eclipsem, mirum in modum alterantur omnia elementa. His positis.

Dico opinionem Hermeticorum circa numerum principiorum non posse sustineri physicè. Probat: ex eorum doctrina tot sunt principia mixtorum quot sunt partes in quas resolui possunt; atqui mixta resoluuntur non solum in sulphur, mercurium, & sal, sed etiam in phlegma, & caput mortuum, & etiam Endelechiam; ergo illa omnia sunt principia; licet enim caput mortuum sit aliquid vile & inutile quoad vsus nostros, non est tamen inutile quoad naturam, quæ illud in mixtis omnibus immiscuit; natura autem nihil frustra molitur. Deinde illud est principium, ex quo cum insit, aliquid fit, atqui ex capite mortuo,

vt ex aliquo inexistente, omnia fiunt; ergo caput mortuum deberet esse principium.

Probatur secundo, quia si mercurius extractus examinetur igne validiore, resoluitur in aliquid subtilius. Idem dic de mercurio & sulphure, sulphur enim siue oleum facile inflammatur; ergo sunt composita, sed quod est compositum constat ex principiis; ergo mercurius, sal, & sulphur constant & principiis; ergo non sunt prima principia. Aduerte me non negare illa tria esse prima principia mixtorum quoad illam scientiam; sunt enim prima, quia Chymia illis contenta non ulterius progreditur. Itaque dicendum est illa esse prima principia Hermeticè & Chymicè, non autem physicè & absolutè.

Quoad ea quæ dicuntur de Endelechis nihil est quod reprehendam; videbimus enim infrà tenuissima illa corpuscula, tum elementorum, tum syderum dare motum corporibus.

QVÆSTIO III.

Quanam sit opinio Gassendi.

Gassendus disertissimus sæculo nostro Democriteas atomos cruderauit. Ille igitur cum Democrito, Leucippo, Epicuro, Anaximandro, Lucretio, existimat omnia componi ex corpusculis, quæ vocat atomos. Est autem atomus corpusculum in extensione quâdam subsistens, attamen indiuisibile; vnde signabiles sunt in atomis, mente, particulae, quod geometricis demonstrationibus sufficiens est. Illas atomos supponit eiusdem rationis, differre tamen penes figuram; aliae enim sunt rotundæ, aliae planæ, aliae quadratæ,
aliae

Disp. I. De corpore naturali &c. 29

aliæ triangulares, aliæ oblongæ, &c. & ex illarum concursu, relinquentium spatiola vacua inter se dispersa, omniâ fiunt corpora.

Dicit autem illas atomos moueri diuina providentia; cum illi antiqui Philosophi dicerent casu tantum moueri; hanc sententiam fusius infra proponemus.

Q V Æ S T I O IV.

Quanam sit opinio Cartesij.

Renatus Cartesius sæculo nostro floruit natione Gallus nouam sectam inchoauit, & magna cum fama duxit. Hic igitur pro principiis tria statuit elementa: primum est corpus quoddam fluidum, & vt ipse loquitur in partes indefinitas diuisum; secundum est corpusculorum sphaericorum multitudo sensum singulatim fallentium; tertium multitudo corporum multangulorum, & specialiter striatorum, quæ transitu per ternas sphaerulas tangentes (cum cæteroqui angulosa, vel magis hamosa forent, & sic inter sese acruatim cohærerent) ex globulis strias cochleares, seu intortas traxerunt. Horum esse duas species statuit, ex eo quod huiusmodi corpuscula ex oppositis naturæ plagis citata, strias quoque opposito modo concipiant. Hæc tria elementa motu insito donat, ita tamen vt primum elementum, ex quo lucentia per se, vt solem & stellas fixas fabricat, acerrima velocitate cieatur; minimâ tertium, ex quo tellurem, planetas, cometasque componit; mediâ tandem secundum, ex quo cœlos, & Diaphana componit. Porro omnia

illa corpuscula diuisibilia in partes indefinitas esse asserit. His positis.

Dico : illa opinio est multum laudanda , eo quod per tria tantum principia omnium physicorum reddere rationem conetur nullasque admittat formas , siue substantiales , siue accidentales totaliter ab omni subiecto distinctas. Verum illa elementa non possunt dici prima principia , quandoquidem componuntur ex partibus ; atque adeo non sunt aliquid simplex. Deinde prima principia non debent esse ex sese inuicem ; atque hæc elementa fiunt ex sese inuicem , quatenus vnum fit ex attritione alterius ; ergo non possunt esse prima principia. Denique idem author pro stellis singulis , ex quarum numero terram esse arbitratur , singulos vortices admittit & triplicem in eis motum circa sua centra , & centra vorticum , & tertia centra respondentia planetis , sed & alios motus à centris , & versus centra quorum compositione spissæ creantur lectori tenebræ.

Cartesiani iuxta mentem authoris , & vt eius doctrinam paulo dilucident , aliquod discrimen ponunt inter principia & elementa : quinque enim principia statuunt , nempe motum , quietem , magnitudinem , figuram & situm. Substantia autem non est principium , quia in aliis principiis includitur ; figura enim non sumitur simpliciter , sed cum proprio subiecto : neque duratio principium peculiare constituit , quia est attributum generale , & omnibus conuenit ; adde quod corpora non agunt , quia durant , sed quia sunt.

Contra : illa principia physice sumpta nihil aliud sunt quam elementa , vt infra patebit. Deinde principia talia esse debent , vt reperiuntur semper in omnibus ; atqui motus & quies non reperiuntur.

Disp. I. De corpore naturali &c. 31

reperiuntur semper in omnibus corporibus naturalibus. Præterea situs, ut sumitur à Cartesianis pro positura per respectum ad alia, ferè continuo mutatur & est aliquid relatiuum; ergo non potest esse principium; principia enim debent esse aliquid absolutum saltem respectu cuiuscunque extrinseci, hoc est non debent dicere relationem ad quodvis extrinsecum, & sequeretur quod quoties aliquis loco moueretur, toties mutaretur secundum aliquod principium intrinsecum, nempe secundum situm.

Q V A E S T I O V.

Quanam sit opinio Aristotelis.

Hanc ultimam ordine constitui; quia ad sequentem articulum nobis aperit aditum, longoque stylo examinanda est. Igitur Aristoteles corporis naturalis in fieri, siue transmutationis rerum, quam communiter generationem in fieri vocant, tria principia statuit materiam, formam, & priuationem, eaque hoc modo colligi possunt; omnis mutatio tria includit, terminum à quo, terminum ad quem & res quæ dicitur transire; ergo sunt tria principia. Terminus à quo est priuatio formæ inducendæ. Terminus ad quem est forma, quæ introducitur; res autem quæ dicitur transire de vno statu in alium est materia.

Dices: sicut priuatio formæ inducendæ est principium, ita etiam à simili priuatio formæ quæ destruitur erit principium, consimili enim modo necessaria est.

Contra, priuatio formæ præcedentis per acci-

dens se habet ad generationem; si enim materia esset sine vlla forma, daretur vera generatio cum introduceretur aliqua forma. Fatendum tamen est, priuationem formæ præcedentis esse necessariam ad conuersionem formalem, quæ duplicem mutationem includit; vnā quidem à forma veteri ad eius priuationem; alteram verò à priuatione formæ nouæ ad ipsam formam nouam.

Aristoteles corporis, in factò esse, duo tantum principia statuit, materiam & formam, talia enim principia nihil aliud sunt quam partes intrinsecæ componentes; atqui tales partes sunt tantum duæ, nam priuatio est aliquid extrinsecum corpori iam constituto in esse.

Objicies primò, vnio intrinsece componit; ergo est principium.

Respondeo vnionem proprie non componere; atque adeo non est proprie principium, attamen respondetur communiter esse principium vt quo, non vt quod; hoc est, est id quo vniuntur partes, non tamen ipsa est pars quæ vniatur.

Objicies secundò, substantia est de complemento intrinseco; ergo est principium.

Respondeo: est de complemento intrinseco hoc est, est necessaria vt aliquid compleatur in ratione suppositi, concedo; in ratione naturæ, nego; & reuera humanitas Christi D. erat verum corpus naturale, & tamen non habebat propriam substantiam.

Objicies tertio, dispositiones sunt necessariae ad generationem; ergo sunt principium.

Respondeo: nego antecedens, non enim requiruntur per se & necessario ad generationem; fieri enim potest generatio sine vllis dispositionibus, saltem diuinitus; at materia, forma & priuatio

uatio requiruntur necessario & essentialiter ad generationem.

Objicies quartò, materia prima componitur ex pluribus partibus; ergo non est primum principium.

Respondeo, componitur tanquam ex partibus essentialiter constituentibus, nego; tanquam ex partibus integrantibus & continuatiuis, concedo.

Objicies quintò, forma equi fit ex materia, siquidem de illius potentia excitatur, fit item ex sui priuatione; cum generatio sit processio à priuatione formæ ad formam; ergo vel principia fiunt ex se, quod est contra definitionem principiorum, vel definitio à nobis tradita non est recta.

Respondeo cum Conimbric. lib. 1. phys. cap. 5. quæst. 1. art. 4. *Nulla principia modò abstracte sumantur, quomodo hic ab Aristotele accipiuntur, ut diuus Thomas annotauit, ex aliis fieri dicenda sunt, cum ne fiant quidem, sed sola singularia per se existentia; atque adeo sola concreta, docente Arist. c. 7. huius lib. Text. 64. & lib. 7. methaphy. cap. 8. Text. 26. & 27. Quare nec forma ignis, nec candor, nec frigus, aliæ huiusmodi abstracta fieri dicenda sunt; sed ignis, candidum, frigidum: atque ita res habet in cæteris. Hæc ratio quæ tota est Conimbricensium clarius patebit ex dicendis.*

Aliter Responder Poncius: quando dicitur quod principia non fiant ex se inuicem, sensus est, quod nullum ex illis fiat ex alio secundum eam rationem secundum quam illud, quod ex principio fit, fit ex illo principio: quia ergo compositum fit ex forma tanquam ex parte intrinseca actuante partem subiectiuam, propterea forma non debet fieri ex alio tali modo, quamvis alio modo fiat ex materia tanquam ex subiecto.

ARTICVLVS III.

Quid sentiendum de principiis ab Aristotele positis.

Aristoteles, vt mox vidimus, sumit abstracte principia materiam, formam & priuationem, nosque hoc etiam modo in ipso articulo sumemus; illa enim principia admittimus si debito modo explicentur. Sententia autem nostra innotescet per quaestiones sequentes: interim consule & repete ea quæ diximus de materia & forma in metaphysica.

QVÆSTIO I.

An detur & quid sit materia prima.

Dico primò, datur materia prima. Probatur: quando ex corpore mortuo fiunt vermes, vel totum omnino corpus perit, vel aliquid manet: si primum, annihilaretur & sic productio vermium non esset generatio, sed potius creatio, aut transsubstantiatio, quod admitti non debet; ergo datur aliquid quod sub vtraque forma remaneat. Corpus autem annihilari non posse naturaliter probatur ex illo Axiomate ab omnibus philosophis recepto, nihil ex nihilo fit & nihil in nihilum vadit vi agentium naturalium.

Confirmatur: si in destructione hominis, & sic dicendum de aliis corporibus naturalibus, nihil hominis remaneat, cui bono religiosa apud omnes omnium gentium populos sepulchi, consue-

tudo?

tudo? Cui bono, pia fidelium in sanctorum reliquias veneratio, si sub cinere aut puluere quem veneramur, nihil eorum remaneat.

Dico secundò, materia prima recte definitur ab Aristotele lib. 1. phys. cap. ultimo primum vniuscuiusque subiectum, ex quo cum insit, non per accidens, aliquid sit & si aliquid corrumpitur, in hoc abibit vltimum.

Explicatur: dicitur primum subiectum, vt excludatur materia secunda: licet enim sit subiectum formæ alicuius artificialis, attamen non est primum, constat enim ex materia & forma, debet autem inesse non per accidens, sed necessario ei quod sit ex ipsa, & si totum illud corrumpatur deuenietur ad illam materiam; sicut in artificialibus v. g. domus materia est lapides, cæmenta, lignum; quia ex illis intrinsece componitur, vnde dicuntur esse subiectum formæ domus, & si destruitur domus, remanebunt post destructionem lapides, cæmenta, lignum.

Quæres quanam sint proprietates materiæ.

Respondeo: multæ sunt, quæ explicari non possunt, nisi cognita forma. Quapropter non omnes hic referam. Prima est, quod sit quanta; cum enim forma non possit saltem naturaliter recipi nisi in materia ad locum extensa, talisque extensio per quantitatem tribuatur, hinc fit vt materia necessario debeat esse quanta ad formas recipiendas: dicitur autem quantitas esse cœua materiæ, quia materia non nisi extensa creata fuit.

Secunda est, quod sit in omnibus mixtis sublu-
naribus vna quoad speciem; probatur ex circulo
generationum; videmus enim mixta in se ipsa
in vicem transmutari; sic panis omnesque cibi
transeunt in sanguinem, sanguis in substantiam
viventis,

viuentis, substantia viuentis in vermes, &c. illa enim transmutationes fiunt, quia materia, quæ est sub vna forma, potest informari alia. Loquor autem de materia mixtorum sublunarium; nam de aliis alibi.

Tertia, quod sit ingenerabilis & incorruptibilis. Primum probatur; quia generari est fieri subiecto; at materia non potest fieri è subiecto cum ipsa sit subiectum ex quo omnia generantur, aliàs materia fieret ex se ipsa, adeoque esse antequam esset, quod plane repugnat. Secundum etiam est euidentius quia quod corrumpitur resoluitur in materiam tanquam in vltimum subiectum; at materia non potest resolui in se ipsam quia sic esset postquam corrupta esset quod est impossibile. Quando dixi esse incorruptibilem non dixi esse omnino indestructibilem, sicut enim à Deo creata fuit, ab illo etiam potest destrui.

Quarta: quod sit causa generationis & corruptionis rerum naturalium; quia cum sit capax omnium formarum & quando est sub vna, recipit dispositionem ad aliam per quam expellitur, dicitur appetere omnes formas vt ab iis perficiatur sed vt innotescat quid sit talis appetitus, sit.

QVÆSTIO II.

Quid sentiendum de appetitu materia.

Suppono appetitum, propriè, significat actum potentia vitaliter appetitiuæ quo ipsa potentia tendit in obiectum ex præuia cognitione, aut saltem sensatione. Est multiplex; alius enim est amor, vel simplex complacentia abstrahenda à præsentia, vel absentia; alius est desiderium

& respicit bonum absens; alius gaudium, & respicit bonum præsens. Alios actus hic recensere non est necesse. Porro appetitus de quo mox locuti sumus dicitur appetitus elicitus, quia dicitur à potentia appetitiua ex præuiâ cognitione ad distinctionem appetitus, quem vocant innatum, qui est tantum metaphoricus; consistit enim in capacitate & proportionem ad aliquam perfectionem siue recipiendam, siue communicandam v. g. ignis dicitur communiter appetere motum sursum, & calefactionem, sicut nos dicimur appetere quod nobis est conueniens. His positis.

Dico: materia, proprie non potest appetere formam.

Probat: quia appetere proprie pertinet tantum ad ea, quæ cognitione, vel saltem sensatione sunt prædita; atqui materia prima non est prædita cognitione, nec sensatione; ergo materia non potest appetere; atque adeo frustra quaereretur vtrum habeat appetitum gaudij, vel desiderij, vel complacentiæ, cum appetitum non habeat. Dicitur ergo appetere formas quia est capax illarum, vnde tantum metaphoricè dici debet appetere & totus appetitus consistit in potentia passiua ad formas recipiendas, quod adeo clarum est, vt nulla indigeat explicatione. Placet tamen illustrare illud exemplo ceræ & formæ sigilli allato à Titelm. lib. 1. cap. 13. Sicut igitur *massa cera ex se nullam habet imaginem aut formam, sed iuxta sigilli variam sculpturam nata est suscipere diuersas formas, siue hominis siue leonis imaginem, siue alterius cuiuslibet animalis, dum tamen sub una qualibet est, pariter nequit esse sub alia, nisi prior abiciatur, ut cum in cera impressa est imago leonis, non potest in eam introduci imago hominis, donec abjiciatur*

tur prior leonis, successiue tamen indifferenter quamlibet suscipere potest impressionem. Ita sane materia ex sese ad omnem prorsus formam indifferens est & indeterminata; iuxta autem agentis supra ipsam dominium obtinentis, naturalem impressionem recipit formam; iuxta autem formam varietatem, esse variam recipit; forma verò esse accidentarium dat materiam eius indifferentiam suo aduentu sic stringit, ut pariter secum aliam suscipere nequeat, quod quidem in formis ultimis debet intelligi; nam inconueniens non est plures formas substantiales simul eidem inesse composito, cum amba non ultima fuerint aut etiam cum altera non ultima fuerit. Huc vsque Titelm. quod verbo ad verbum referre volui utpote quæ ad intelligentiam materiæ & formæ omnino conducant.

Quæres num potentia illa passiuæ sit aliquo realiter distinctum à materiâ.

Respondeo negatiue; ratio negationis est quod illa potentia superaddita vel recipitur in materia immediatè, vel mediatè; si primum, tam bene forma poterit immediatè recipi in materiam quam illa potentia: quidni enim? si secundum, dabitur progressus in infinitum; quia iterum quam poterit, num illud quod mediat, recipiatur in materia mediatè necne: dicendum est igitur distinguendum tantum formaliter, non quidem à materia prima sed ab eo quod est materia prima; sicut enim potentia intellectiua non distinguitur formaliter à intellectu, sed ab animâ cum quâ intellectus identificatur: ita etiam hoc quod est esse potentia passiuæ formarum & subiectum ex quo formæ non distinguitur formaliter à materiâ, est enim conceptu formali materiæ; sed distinguitur formaliter ab eo quod est materia.

Objici

Objicies primò, remanente entitate materiæ perit potentia ad formam quam habet & ad formas destructas; sunt enim naturaliter, vt aiunt, impossibiles.

Respondeo: nego potentiam perire secundum quod dicit in recto, sed tantum secundum quod dicit in obliquo. Hoc est materia non potest recipere formas, quia ipsæ sunt improducibiles, vt aiunt. Deinde quoad formam quam habet, habet etiam potentiam ad illam, licet non puram. Demum infra videbimus num formæ corruptæ reprodici possint.

Objicies secundò, materia est vna & potentia illius multiplex iuxta diuersitatem formarum; ergo potentia realiter, distinguitur à materia.

Respondeo potentiam materiæ non esse realiter multiplicem; sicut enim per se ipsam potest vnā formam sustentare, ita & quamcunque aliam, cum æqualiter ad omnes sit indifferens; sicut est vna potentia visua ad omnia visibilia; aliàs cum infinitas formas eadem materia recipere possit, infinitas haberet potentias realiter distinctas, quod est absurdum.

Inferes rationem subiecti, vniuersaliter, consistere in eo quod illud, quod dicitur subiectum, sit aliquid indifferens & præsuppositum; sic cera est subiectum figurarum, quia est indifferens ad figuram hominis, ad figuram leonis, & vt patet, aliquid præsuppositum; neque enim imprimuntur imagines nisi cera præsupponatur.

Q V Æ S T I O III.

Quomodo materia prima dicatur pura potentia.

Suppono primò, potentiam aliam esse actiuam & aliam passiuam; actiua est virtus causæ idonea ad producendum effectum, v.g. quando arbor producit fructus suos, exercet potentiam suam actiuam. Potentia verò passiuæ est capacitas ad recipiendum, & est vel physica, vel metaphysica. Physica est capacitas ad recipiendum in se physicè aliquam formam, v.g. cera habet capacitatem ad recipiendum in se physicè figuram hominis, ideò dicitur habere potentiam physicam ad illam. Metaphysica est capacitas ad recipiendum metaphysicè aliquod esse, & quidem vel esse simpliciter, & dicitur potentia metaphysica obiectiuam, v.g. Antichristus habet potentiam metaphysicam obiectiuam ad essendum, siue existendum, quia non repugnat eum accipere esse simpliciter, cum nullum habeat: vel illud esse, quod recipitur, essentiam tantum esse determinatum, & tunc illa potentia retinet nomen potentia metaphysica sine additione, v.g. genus est potentia metaphysica, quia potest recipere aliquam differentiam, quæ ipsum determinet, animal ex se est indifferens, ut determinetur per rationale, vel irrationale, ut diximus alibi.

Suppono secundò, potentiam dici puram, quando non est coniuncta cum actu, sicut dicitur lapis purus, quando non ei admiscetur alius, aurum dicitur purum, quando non ei admiscetur argentum; ita potentia, v.g. physica, dicitur pura quando

Disp. I. De corpore naturali &c. 41

quando nullam habet in se formam per quam actuetur. Igitur

Quæritur utrum materia sit pura potentia. De potentiâ actiuâ hîc non videtur esse quæstio, paulò infrà illud examinâbimus; nec de potentia passiuâ physicâ; constat enim nullam ex se habere formam, ut forma sumitur hîc pro principio corporum naturalium; si enim haberet ex se formam, non esset materia prima, sed materia secunda; vel si ipsamet esset forma, deberet fieri ex subiecto, quod impossibile est. Neque quæstio est de potentia metaphysica ad recipiendum esse determinatum: nam habet genus & differentiam, ut constat ex definitione, atque adeò non est pura potentia metaphysica. Quæstio igitur est de potentiâ obiectiuâ, utrum scilicet ex se habeat propriam existentiam, an verò tantum existat per formam.

Dico: materia prima, in quocunque consistat, existit per suam propriam existentiam, & non per existentiam formæ.

Probatur: existentia & essentia physicè, sunt vnum & idem; atqui materia non habet suam essentiam, & entitatem à formâ; ergo neque existentiam.

Probatur secundo, si materia existentiam acciperet à formâ, toties materia corrumpetur quoties mutaret formam, cum illud corrumpatur quod amittit existentiam, at hoc repugnat sententiæ omnium philosophorum, qui dicunt materiam esse ingenerabilem & incorruptibilem.

Probatur tertio, cum materia sit subiectum, ex quo forma materialis educitur, necesse est eam existere saltem prius naturâ, quam formâ ex ea educatur, ac proinde habere debet existentiam in-

depen

dependentem à forma. Confirmatur : vel forma educitur ex materiâ existente, vel non existente hoc posterius dici nequit, quia res non existens est nihil, atque adeò forma è nihilo educeretur quod absurdum est ; ergo prius verum est ; sicq[ue] materia existit ante formam.

Obiicies primò, cum Thomistis : materia Aristotele dicitur ens in potentia, quod recipit suum omnem actum à forma ; atqui existentia est actus ; ergo materia ex se non habet existentiam sed illam recipit à forma.

Respondeo distinguendo : materia ex se est pura potentia physica, saltem quoad formas mixtorum, quatenus ex se nullam formam mixtorum habet, concedo ; pura potentia obiectiva, nega- alias ex se nihil esset ; sed nihil non potest esse subiectum formarum ; ergo materia ex se non potest esse subiectum formarum.

Obiicies secundò, forma est quæ dat esse rei, Aristotele ; ergo materia habet esse, seu existentiam à forma.

Respondeo : in definitione formæ nō esse, sumitur pro essentia, ita vt sensus sit compositum naturale in tali, vel tali essentia constitui per formam ; quia materia in omnibus mixtis sublunariis est eadem, sed forma eam determinat, vt equus, leo, &c.

Obiicies tertio, materia ex se est prope nihil ergo ex se non habet existentiam.

Respondeo me mirari, quomodo prope nihil dicatur ab iis etiam, qui prædicant eam esse ingenerabilem & incorruptibilem ; maximè ab Aristotele, à quo dicitur esse æterna, & est subiectum quod sustentat omnes formas, & sine quo omnes materiales formæ pereant necesse est. Deinde

eo quod non sit nihil, sed tantum sit prope nihil, sequitur habere existentiam; si enim non haberet existentiam, non esset prope nihil, sed esset simpliciter nihil.

Obiicies quarto, existentia est aliquis actus, sed omne quod habet actum ponitur in aliquo prædicamento; ergo quod habet existentiam ponitur in aliquo prædicamento, sed materia in nullo prædicamento ponitur; ergo nullum habet actum etiam obiectuum; atque adeo non habet existentiam.

Respondeo: materiam poni in prædicamento substantiæ; est enim substantia incompleta, & quamvis aliquis noller reponere materiam in prædicamento substantiæ, non bene constitueret prædicamenta; prædicamenta enim debent complecti omnia entia.

Q V A E S T I O I V.

Quid sit priuatio, & quomodo dicatur esse principium.

Priuatio sumi potest, vel physice, vel metaphysice; si metaphysice, siue abstractiue sumatur, ut sumitur hic ab Aristotele, est carentia formæ in subiecto apto; importat enim aptitudinem subiecti, ad differentiam puræ negationis, quæ licet subiectum connotet, non tamen connotat aptitudinem subiecti ad recipiendam talem formam. Si verò sumatur physice, nihil est aliud quam ipsum subiectum sine forma, ut diximus in metaphysica. His positis

Dico primo, priuatio metaphysice & abstracte sumpta est principium generationis sumptæ, prout est

est mutatio, in primo instanti suæ definitionis, seu cum primum incipit desinere esse.

Probatur primò, generatio sic sumpta est transitus à priuatione formæ ad formam; ergo mutatio in suo conceptu formali includit priuationem.

Probatur secundò, generatio sic sumpta differt à conseruatione, sed non per aliquid aliud, nisi quod mutatio importet priuationem formæ immediatè præcedentem tanquam terminum à quo.

Obiicies primò, non ens non potest esse principium, sed priuatio est non ens.

Respondeo: dist. maiorem, non ens non potest esse principium physicè influens, concedo: principium constituens ens aliquod successiuum, nego. *Ætas Petri*, v.g. ex 20. annis elapsis constituitur, momento quo existit, & tempore futuro quo videtur, sed præteritum & futurum sunt non entia, vt patet.

Obiicies secundò, quod est principium intrinsecum debet esse eo instanti quo principiat; at priuatio non est eo instanti quo principiat; ergo non est principium intrinsecum.

Respondeo: dist. maiorem, quod est principium permanens, concedo. Quod est principium terminatum, nego. Priuatio autem est tantum principium terminatum, alicuius successiui, generationis, scilicet, vt est mutatio, cuius partes, aut quasi partes simul esse non possunt.

Dico secundò, priuatio physicè sumpta, non est tertium aliquod principium.

Probatur: priuatio, sic sumpta, nihil est aliud quam materia, sine formâ; sed materia sine formâ non est tertium principium distinctum à materia ipsa; ergo, &c. minor patet ex absurdo: nam ma-

teria

teria bis principia ret. Primò, sub nomine materia, & secundò, sub nomine priuationis. Denique ita censet D. Bonau. lib. 2. dist. 1. dub. 3.

Q V Æ S T I O V.

Quid sit forma.

Forma generaliter nihil est aliud quam actus & perfectio Græcè ἐμπλήχεια. Sumitur autem variis modis. Primò, pro pulchritudine; unde pulchra dicuntur formosa. Secundò, pro intelligentiis; unde Angeli dicuntur formæ separatae, immateriales, completæ, actus puri non potentes cum materia commisceri. Tertiò, pro perfectione accidentali, v. g. albedo dicitur forma accidentalis papyri. Quarto, pro perfectione materiam primam actuante in ordine ad compositum; hoc modo sumimus in ista quæstione.

Dico primò, forma metaphysicè & abstractè sumpta rectè definitur, actus primus substantialis corporis naturalis.

Explicatur: dicitur actus, quia materia ex sese ad omnem prorsus formam indifferens est, & indeterminata, & in potentia ad quodlibet; per formam autem actuatur, siue determinatur, & in certam aliquam speciem reducitur, vt ait Titelm. de principiis, lib. 1. cap. 12. & 13. inde forma dicitur communiter illud quod dat esse rei, hoc est, reducit materiam ad aliquam certam speciem corporum, & sic dat esse specificum. Dicitur substantialis, quia actuatur materiam in ordine ad compositum; quare licet communicet materiæ esse accidentaliter, compositum tamen dat esse substantialiter & essentialiter, & distinguitur ab accidentibus

dentibus, quæ actuant tantum in ordine ad operationes. Dicitur actus corporis naturalis, siue corporis quod fit per generationem, & sic distinguitur à formis simplicibus, siue intelligentiis. Dicitur autem primus, tum quia primario tenditur à natura: tum quia est illud quod nobilissimum est in composito, & est de essentia, & per hoc distinguitur à modis substantialibus, qui non sunt actus primi; supponunt enim formam, quæ constituat essentiam.

Obiicies: forma non recipitur, nisi in materia affecta quantitate aliisque accidentibus; sed hæc accidentia sunt actus; ergo forma non est actus primus.

Respondeo formam esse actum primum in intentione, licet non sit primus in executione.

Instabis: cum nihil sit prius in re aliqua quam essentia illius, quæ est forma, ut ait Aristoteles 2. physic. cap. 3. text. 28. necesse est formam esse actum primum, non modò quoad intentionem, sed etiam quoad executionem.

Respondeo: hoc verum esse de forma colligitur cum composito naturali, siquidem tale compositum non est, nisi forma aduenerit, adeoque forma est actus respectu compositi absolute primus. tamen forma conferatur præcisè cum materia, fatendum est eam non esse actum primum quoad executionem, quia forma non recipitur in materia omnino nuda, sed aliquibus accidentibus & compositionibus affecta.

Huc usque cōuenimus manúsque iungimus cum communi Neotericorum, sed tota difficultas est explicando, quid sint illa principia physicè sumpta. hinc enim opus, hinc labor est, & quia res est momenti, ideò instituendus est.

ARTICVLVS IV.

De principiis physicè sumptis.

VNum quodlibet potest & metaphysicè, & physicè considerari, ideo cum superiori quæstione de principiis metaphysicè sumptis egerimus, de illis physicè sumptis differemus; sicut enim ab eo qui iam pronuntiauit, materiam domus esse illud ex quo inexistente fit domus, formam verò esse actum, quo tale subiectum ad esse domus perficitur, quæri potest, quid physicè sit illud ex quo inexistente fit domus, & respondere debet esse ligna, cæmenta, lapides; formam verò esse illorum omnium ordinationem, & dispositionem secundum regulas artis: ita adhuc inquire debemus in quo physicè consistat materia & forma. De priuatione nihil hic agemus, quia de illa physicè sumpta sufficienter egimus in metaphysica, & in conclusione secunda quæstionis quartæ superioris articuli.

QVÆSTIO I.

Quid sit materia prima physicè sumpta.

Qui docent continuum constare ex partibus in infinitum diuisibilibus, docere etiam debent, materiam primam esse substantiam in infinitum diuisibilem; sed infra sufficienter hæc sententiâ refutabitur; vt autem stabiliatur sententia nostra præmitti debet sequens conclusio.

Dico

Dico primò, non repugnat dari atomos, & puncta physica, & de facto dantur.

Probatur primò, punctum physicum est indiuisibile extensum impenetrabiliter; atqui hoc repugnat; ergo atomus non repugnat. Probat minor, non repugnat aliquid esse indiuisibile extensum impenetrabiliter, nam angeli sunt diuisibiles & extensi seseque possunt ad libitum impenetrabiles reddere; ergo sine contradictione & repugnantia concipi potest substantia corporea indiuisibilis & extensa & impenetrabilis; que adeo potest dari atomus.

Dices angelos esse spirituales; at vero puncta physica sunt res materiales & corporeæ; unde non valet consequentia; aliàs nullum esset discrimen inter substantiam angelicam & materialem.

Respōdeo res corporeas differre à spiritualibus in eo quod corporeæ vel habent partes integras quibus constant, vel sunt earum primordiales radices totum integrale constituere naturæ, quod non conuenit substantiæ spirituali. Deinde discrimen est, quia angeli sunt penetrabiles vel impenetrabiles ad libitum; at non sic puncta physica sunt enim impenetrabilia naturaliter, quid autem mirum, quod rei materiali indiuisibili conceamus extensionem, cum in sententia Complutensium, Mailhat & aliorum Thomistarum, quæ sententiam Conimbricenses vt probabilem tulerunt, animæ animalium perfectorum sunt simplices, indiuisibiles & extensæ licet materiales.

Probatur secundò, materia, secundum omnes Peripateticos, producta est per creationem, et constat ex punctis physicis. Probo consequentiam, sola puncta physica sunt termini creationis quæ terminatur ad res corporeas; illud enim

termini

terminus creationis quod fit ex nihilo; atqui sola puncta physica fiunt ex nihilo, non vero continuum; ergo sola puncta physica sunt termini creationis, quæ terminatur ad res corporeas. Probo minorem, continuum est compositum; sed compositum non fit ex nihilo; ergo non est terminus illius creationis. Probo minorem, quod fit ex partibus & resoluitur in partes non fit ex nihilo; atqui omne compositum fit ex partibus & in partes resoluitur; ergo materia, ut est terminus creationis, nullam admittit resolutionem; atque adeo est incapax diuisionis. Quia verò ea puncta non possunt esse simul incapacia extensionis, sic enim non possent constituere materiam extensam, necesse est ut sint simul incapacia diuisionis & simul extensa. Demum cum creatio non sit modus distinctus realiter, non potest vna creatio esse plurium simul per modum vnius, sed distincte quælibet singularis creatio est rei creatæ singularis, ac determinatè tot sunt creationes ex parte termini, quot sunt creatæ partes materiæ; ergo cuiuslibet puncti physici determinatè pariter sunt in se ipsis attributa omnia; ergo & extensio tanta, vel tanta, ut Deus nouit.

Dices, potest Deus creare totum, licet ante nullas creauerit partes, aut puncta; ergo totum erit terminus creationis.

Respondeo distinguendo, potest Deus producere totum nulla præsupposita partium antecessione temporis, concedo; naturæ, nego. Quia partes naturæ præsupponuntur toti. Quare totum erit terminus creationis, non ut sic, & ut totum est; sed ratione punctorum ex quibus constar.

Obijcies: omne ens extensum est quantum; sed punctum physicum non potest esse quantum;

Physica.

C

ergo

ergo non potest esse extensum. Probo minorem, quod est quantum habet quantitatem; atqui punctum physicum non potest habere quantitatem, quia non potest habere partes extra partes; ergo non potest esse quantum.

Respondeo negando maiorem: angeli enim sunt extensi, & tamen non sunt quanti: punctum itaque non est quantum, sed principium quantitatis: dici tamē potest quantum mathematicè; quia cum supponatur habere plures facies, vna est extra aliam mathematicè, quatenus vna post aliam designari potest: non verò est quantum physicè; ad hoc enim necesse esset vt haberet partes extra partes.

Obijcies secundò, cum Cartesio de principiis p. 2. non potest Deus priuare se potentiā diuidendi quodlibet; ergo non datur atomus.

Respondeo Dist. antecedens, non potest Deus priuare se potentiā diuidendi quodlibet, quod partibus constat, concedo antecedens; quodlibet etiam carens partibus, nego antecedens, & consequentiam.

Obijcies tertio, vbi datur vnum extremum & aliud extremum, ibi dantur partes; atqui in eo, quod est extensum, est vnum extremum & aliud extremum; ergo in eo omni quod est extensum sunt partes.

Respondeo disting. maiorem; si illa duo extrema sint res distinctæ, concedo maiorem; si sint vnica res, nego maiorem. Deinde distinguo minorem, in eo quod est extensum, est vnum extremum & aliud extremum, & illa extrema sunt res distinctæ in atomo, nego minorem, sunt vnica res, concedo minorem & nego consequentiam. Vel distinguo maiorem: dantur partes vel realiter & physicè,

physicè, vel per solâ designationē & mathematicè concedo maiorem; sunt partes realiter & physicè simpliciter, nego maiorem: tum concedendo minorem, distinguo consequens, in omni extenso sunt partes vel realiter & physicè, vel per designationem & mathematicè, concedo consequentiam, realiter & physicè semper, nego.

Instabis: vbi est vnum & aliud, ibi sunt res distinctæ; sed in omni extenso est vnum & aliud, nempe vnum extremum & aliud extremum; ergo sunt res distinctæ.

Respondeo distinguo maiorem, vbi est vnum & aliud substantiue, ibi sunt res distinctæ, concedo maiorem; vbi est vnum & aliud adiectiue duntaxat, ibi sunt res distinctæ, nego maiorem. At in atomo non est vnum & aliud substantiue, sic enim significat vnā & aliam rem; sed est vnum & aliud adiectiue, hoc est vnus & alius terminus, sed vterque realiter identificatus. Vel est vnica entitas virtualiter multiplex, quatenus æquiualeat pluribus in ordine ad locum.

Instabis secundo; terminus, A, non est terminus, B, ergo ibi est vnum & aliud substantiue.

Respondeo distinguo antecedens; terminus, A, non est terminus, B, realiter & physicè, nego antecedens; formaliter seu secundum designationem & mathematicè, concedo antecedens, & nego consequentiam, & retorqueo argumentum, ex suppositione quod anima rationalis sit in toto corpore & animæ brutorum sint indiuisibiles, anima quæ est in capite non est anima quæ est in pede, sunt enim in diuersis subiectis. Idem dici potest de angelo qui se ad figuram quadratam accommodat, quod respondebitur ego reponam.

Obicies quarto sequeretur dari in creaturis

aliquid simile Mytherio Sanctissimæ Trinitatis. Probatur consequentia ; eadem res haberet non duos realiter distinctos ; sit enim punctum cum una superficies sit plena , altera vero conuexa , duæ superficies distinguuntur realiter.

Respondeo primò propriè , esse unicum mundum , nempe unicam figuram ; Triangulum enim licet tres lineas habeat , unicam tantum figuram constituit. Secundò mysterij sanctissimæ Trinitatis vestigia aliqua in creaturis reperiri , nec in ullum sequitur absurdum : imò inde est Deum laudandi occasio , & ad aliqualem ipsius cognitionem perueniendi. Tertiò illæ duæ superficies non possunt dici distingui realiter , cum inter nullam habeant oppositionem naturalem. Quam nec Scotistæ nec Suaristæ negabunt idem corpus posse esse , etiam circumscriptiue , in pluribus locis. Sit igitur eadem cera Romæ cubica , Tholosæ rotunda , Monspelij Pyramidalis , tres modi impossibiles essent in eadem substantia ; si hæc omnia leuia sunt sanctissimæ Trinitatis vestigia , quod mysterium omnem mentis nostri aciem infinitis titulis superat.

Objicies secundo , cum Goudino 1. parte physice disp. 1. art. 3. sect. 1. Quantitas est proprietas corporis , ergo nullum est corpusculum indiuisibile. Probatur consequentia , tum quia diuisibilitas est proprietas quantitatis , tum quia quod habet partes integrantes est diuisibile , sed omne quantum habet partes integrantes , siquidem quantitas est extensio partium ; ergo omne quantum est diuisibile.

Secundò , quamvis illa corpuscula essent indiuisibilia , non tamen possent esse figurata ; nam figura consurgit ex varia partium quantitativa

rum dispositione ; sed atomus nullas habet partes.

Tertio dato quod atomi darentur, non tamen essent prima principia; quia componerentur ex potentia & actu corporeo, hoc est, ex materia & forma, alias essent actus purus.

Respondeo ad primum, distinguo antecedens : quantitas physica est proprietas corporis physici & quantitas mathematica est proprietas corporis mathematici, concedo antecedens ; quantitas physica est proprietas corporis mathematici, nego antecedens ; atomus autem non est corpus physicum ; sed punctum physicum & initium corporis physici, ideo est indivisibilis physice ; at quia est corpus mathematicum, habet enim triam dimensionem, ideo quantitas mathematica est illius proprietas & divisibilis est mathematicè, siue per designationem ; habet enim partes mathematicas in infinitum mathematicè divisibiles.

Ad secundum, patet iam solutio ; nam figura physica consurgit ex varia dispositione partium quantitariorum physicarum ; figura verò mathematica ex dispositione partium mathematicarum quas solas habet punctum physicum.

Ad tertium scrupulum Resp. atomos esse compositas ex potentia & actu metaphysicis, hoc est ex genere & differentia, atque etiam ex potentia obiectiva & actu obiectivo, quatenus possunt esse & de facto sunt, non autem ex materia & forma physica : maximè si hæc intelligantur neoterico modo ; non tamen sunt actus purus, quia actus purus dicit summam essendi necessitatem, ita ut non possit non esse, quam non dicit atomus ; potest enim annihilari : & nonne angelus

caret materia & forma physica; numquid ideo dicendus est actus purus? numquid ob tam parui momenti rationes, tam bellè triumphum agere auctor ille debebat: Postquam ratiunculam vnam quæ ex sola nostræ de forma sententiæ propositione euanescit, exposuit, rationibus conglobatis nos impetere conatur, tum tria argumenta, quæ mox solui, proponit, additque alia tria quibus respondebo post tertiam conclusionem huius quæstionis. Deinde phænomena philosophiæ, & Theologiæ mysteria recenset, dicitque nos non posse horum reddere rationem; sed fari, non modò absurda sed & delirio, fabellisque simillima: nos homines imaginationi deditos vocat; doctrinam nostram periculosam, omnium sapientum censurâ proscriptam, tanquam non modò rudem & ineptam, sed etiam de religionibus malè meritam, criminatur. Denique arraberratur, nos vt vanitatis cultores tali doctrinæ adherere, vt ingenij acumen in malæ causæ defensione ostentemus. Verum legat auctorum, qui iam secundum eadem principia scripsere, libros. Deprehendetque eos omnes obiectiones soluere. Decurrat mente, quæ iam in methaphysica tradidi & quæ in philosophia trado, sit æquus rerum æstimator, iudicabitque me difficultatibus omnibus sufficienter satisfacere. Quoad conuicia hoc vnum respondeo, hæc parum omnino modestiæ religiosæ, imo & philosophicæ congruerunt vnde dicta sunt, lotricium cæterarumque mulierularum argumenta.

Dico secundò, materia prima physicè sumpta est congeries atomorum.

Probatur: illud est materia prima, cui cōueniunt definitio & proprietates materiæ; atqui atomorum

& definitio & proprietates materiæ conueniunt ; ergo atomi sunt materia prima. Probatur minor ; quia sunt primum subiectum , cum non sint compositæ & ex illis inexistentibus fiunt omnia corpora naturalia & in illas resoluuntur , si fiat resolutio vsque ad prima componentia , cum sint omnino simplices , non possunt fieri nisi per creationem iuxta doctrinam D. Thomæ 1. parte. quæst. 118. art. 1. ergo sunt ingenerabiles : quia sunt indiuisibiles , sunt incorruptibiles. Deinde sunt quantæ mathematicè , si sumatur quælibet atomus seorsim ; & , si plures vniantur , faciunt quantitatem physicam ; ergo illis conueniunt definitio & proprietates materiæ. Totum autem hoc probabitur fassus in toto decursu philosophiæ , præcipuè cum de continuo & elementis ageamus. Interim conclusio confirmari potest auctoritate Aristotelis qui lib. 1. de gen. cap. 8. loquens de Leucippo fatetur positis his principiis facile reddi posse rationem omnium motuum & Platoni Democritum anteponit ; quia licet vterque indiuisibilia poneret , Plato tamen atomos dicebat esse superficies , Democritus verò corpora minutissima.

Dico tertio , omnes atomi non sunt eiusdem figuræ & æquales.

Probatur ; sic enim debuerunt creari vt inuicem conuincerentur & diuersas operationes ederent.

Obijcies cum Goudino vbi supra , hæc sine vlllo fundamento fingi ; rogo enim , inquit , quibus conspiciis , aut quo microscopio explorauerint illas figuras. Deinde sequitur atomos illas non esse indiuisibiles ; nam atomus oblonga vel est longior & gracilior alterâ quadratâ , vel non : si non est gracilior , neque longior quadratâ ; ergo nō

est oblonga; si verò sit longior & gracilior; ergo vna est longior altera: atque adeo diuidi poterit secundum excessum.

Respondeo me conspiciis intellectus; & microscopio rationis, tales figuras explorasse: nam postquam statui dari atomos, mens mea, intellectus vi, illas deprehendit finitas secundum extensionem; ergo terminatas, ergo figuratas: tum ratio iudicauit debere esse variè figuratas, vt inuicem se complecterentur, & inde eruitur ratio cur subito per colum vinum persuat, oleum verò non item, nempe quod oleum maioribus constet atomis, aut saltem magis hamatis magisque inter se implicatis, quæ proinde tam cito diduci nequeunt. Deinde quod vna excedat aliam, non sequitur illas esse diuisibiles; sint enim duo animalia perfecta, canis, v. g. & Elephas iam retorqueo argumentum, vel anima elephantis est plus extensa, quam anima canis, vel non: si secundum, non potest informare corpus tam ingens: si primum, diuide elephantis animam secundum excessum, quem habet supra animam canis; certe hoc possibile dicere non concedunt principia Thomistica. Castiga igitur imaginationem, quantitatem physicam à mathematica distingue & rectè omnia concipies.

Dico quartò, omnes atomi sunt eiusdè rationis, sicut vult Gassendus post Democritum, non diuersæ rationis, vt vult Maignanus post Empedoclem.

Probat, materia est omnino simplex, sed non esset omnino simplex, si atomi statuerentur esse diuersæ rationis, saltem non esset tam simplex, quam à nobis statuitur, cum congeries atomorum diuidi posset in plures congeries substantialiter inter se discrepantes.

Probat.

Probatur secundo, nulla diuersitas sine necessitate est inducenda; sed atomorum diuersitatem substantialem inducendi nulla est necessitas, cum sine illa naturæ phænomena omnia per inæqualitatem atomorum, diuersitatem figurarum, variamque dispositionem explicari possint, vt in decursu patebit. Sicut in artificialibus experimur ex eodem ferro, sed in varias figuras accommodato variæque disposito diuersas prodire operationes.

Obiicies, cum Maignano Viro eruditissimo Phil. nat. cap. I. prop. 5. si generans nihil ageret, quam vt adderet materiæ similis partem vnā alteri parti, non faceret nouam naturam, adeoque nec nouam essentiam physicam, sed faceret totum integrale homogeneous, quod non esset diuersæ rationis ab vna parte suæ totalis materiæ; sicut si musicus duas voces per omnia inuicem similes coniungeret, nunquam faceret Diapason, sed ad hoc necesse est, vt vocem inferiorem cum superiori iungat, ita vt inferior sit dupla superioris.

Respondeo agens non facere nouam naturam, nec nouam essentiam materialiter, bene tamen formaliter; sicut in Arithmeticis, qui binario numero addit vnitatem similem prioribus, facit numerum specie diuersum à priori; & in ordine artificiali horologium specie differt à ferra ex eodem ferro facta. Sed de tali diuersitate specifica iterum, cum de forma agemus. Ratio autem responsionis est, quia diuersitas naturæ & essentiae non est desumenda ex diuersitate materiæ, cum certum sit equum, & Leonem inter se specie differre, & tamen ex eadem materiæ congerie constant, nempe ex quatuor elementis, vt vult Maignanus; ergo talis diuersitas desumenda est

ex parte formæ, quam à diuersa partium distributione, & harmonia non distinguit; neque enim admittit formas Neotericas. Ad similitudinem autem ex musica mutuata, Respondeo mihi fauere plurimum: nam vox inferior & superior non differunt essentialiter, sed solum accidentaliter, & penes modum; ex eo enim quod aliquid sit duplum alterius, non sequitur distingi ab eo essentialiter, & certè si vna vox est ipsa alterius, dici nequit eas esse per omnia similes, quod tamen ille supponit.

Obiicies secundò, sicut ex multiplici A, r formantur varia vocabula, quamvis variam habeant figuram, si vnum formatur, sic A, aliud A, aliud sic A; coniungantur enim illa omnia, nunquam facient diuersum sonum; ita ex atomis eiusdem rationis, licet variè figuratis, non potest fieri diuersum compositum.

Respondeo; similitudinem confundere duos terminos; facit enim transitum à scriptura ad vocem. Fateor igitur quod, si A, A, A, coniungantur, non facient diuersum sonum, quia in ratione soni, vocis non habent diuersam figuram; habent eundem valorem, vt loquuntur grammatici. si solius scripturæ ratio habeatur, quis dubitet A, A, A, simul sumpta facere diuersam scripturam ab ista A, A, A, atque adeò nihil inde contrarium concluditur.

Obiicies tertio, cum Goudino, vbi suprà, omnes atomi sint eiusdem speciei, debent habere eundem motum naturalem: nam corpora eiusdem speciei mouentur eodem motu naturali, & tamè dicitur illarum atomorum alias sursum; alias deorsum, alias in transversum moueri.

Respondeo, in disputatione de motu ostendatur corpuscu-

corpuscula illa, imò & corpora omnia naturalia esse, quantum est de se, indifferentia ad quemlibet motum, & moueri duntaxat versùs eam partem, versùs quam determinantur ab extrinseco.

Auerte autem, vt tollatur æquiocationis occasio, illas atomos posse dici diuersæ rationis, & speciei eo modo quo A, & B, specie differunt ratione figuræ, non verò ratione substantiæ.

Quæres primò, an illa puncta possint occupare minus & minus spatium in infinitum.

Respondeo illud non esse probabile, imò nec illud crediderim de Angelo, quod scilicet Deus non possit ad minimam omnium vicationem illam reducere. Minus crederem illud naturaliter fieri posse; cum enim puncta non habeant cognitionem, non possunt ad libitum modò maius, modò minus spatium occupare: deberent igitur ad illud determinari per agentia extrinseca; at quomodo id facerent, concipi non potest; aliunde si aliquid vrgeret nos ad illam hypothesim, maximè rarefactio, & condensatio; at illas sufficienter sine tali hypothesi explicabimus.

Quæres secundò, an atomi possint mutare figuram.

Respondeo mihi videri probabilius non posse, nec talis hypothesis est necessaria ad explicanda phænomena physicæ; inflexio enim corporum, ex quâ hæc opinio desumpta est, prouenit tantum ex eo quod in vno corpore puncta sint magis aut minus compacta, maioresque, aut minores poros habeat, & aliquæ ipsius partes ad inuicem accedant, & ab aliis recedant, moueanturque moribus contrariis, quod atomo non est concedendum, nisi adsit specialis aliqua ratio. Facile verò concipi potest, quomodo aliqua corpora facilius diuidantur,

ex parte formæ, quam à diuersa partium dispositione, & harmonia non distinguit; neque enim admittit formas Neotericas. Ad similitudinem autem ex musica mutuata, Respondeo illam mihi fauere plurimum: nam vox inferior & superior non differunt essentialiter, sed solum accidentaliter, & penes modum; ex eo enim quod aliquid sit duplum alterius, non sequitur distinguere ab eo essentialiter, & certè si vna vox est dupla alterius, dici nequit eas esse per omnia similes, quod tamen ille supponit.

Obiicies secundo, sicut ex multiplici A, non formantur varia vocabula, quamvis variam habeant figuram, si vnum formatur, sic A, aliud sic A, aliud sic A; coniungantur enim illa omnia, nunquam facient diuersum sonum; ita ex atomis eiusdem rationis, licet variè figuratis, non potest fieri diuersum compositum.

Respondeo, similitudinem confundere duos ordines; facit enim transitum à scriptura ad vocem. Fateor igitur quod, si A, A, A, coniungantur, non facient diuersum sonum, quia in ratione soni, & vocis non habent diuersam figuram; habent enim eundem valorem, vt loquuntur grammatici. At si solius scripturæ ratio habeatur, quis dubitat A, A, A, simul sumpta facere diuersam scripturam ab ista A, A, A, atque adeo nihil inde contra nos concluditur.

Obiicies tertio, cum Goudino, vbi supra, si omnes atomi sint eiusdem speciei, debent habere eundem motum naturalem: nam corpora eiusdem speciei mouentur eodem motu naturali, & tamen dicitur illarum atomorum alias sursum; alias deorsum, alias in transversum moueri.

Respondeo, in disputatione de motu ostendam corpuscula.

corpuscula illa, imò & corpora omnia naturalia esse, quantum est de se, indifferentia ad quemlibet motum, & moueri duntaxat versùs eam partem, versùs quam determinantur ab extrinseco.

Aduerte autem, vt tollatur æquiocationis occasio, illas atomos posse dici diuersæ rationis, & specieico modo quo A, & B, specie differunt ratione figuræ, non verò ratione substantiæ.

Quæres primò, an illa puncta possint occupare minus & minus spatium in infinitum.

Respondeo illud non esse probabile, imò nec illud crediderim de Angelo, quod scilicet Deus non possit ad minimam omnium vicationem illam reducere. Minus crederem illud naturaliter fieri posse; cum enim puncta non habeant cognitionem, non possunt ad libitum modò maius, modò minus spatium occupare: deberent igitur ad illud determinari per agentia extrinseca; at quomodo id facerent, concipi non potest; aliunde si aliquid vrgeret nos ad illam hypothesim, maximè rarefactio, & condensatio; at illas sufficienter sine tali hypothesi explicabimus.

Quæres secundò, an atomi possint mutare figuram.

Respondeo mihi videri probabilius non posse, nec talis hypothesi est necessaria ad explicanda phænomena physica; inflexio enim corporum, ex quâ hæc opinio desumpta est, prouenit tantum ex eo quod in vno corpore puncta sint magis aut minus compacta, maioresque, aut minores poros habeat, & aliquæ ipsius partes ad inuicem accedant, & ab aliis recedant, moueanturque moribus contrariis, quod atomo non est concedendum, nisi adsit specialis aliqua ratio. Facile verò concipi potest, quomodo aliqua corpora facilius diuidantur,

tur, quam alia, ex eo quod partes adinuicem minus implexæ.

Quæres tertio, quomodo ex atomis fiat compositum.

Respondeo, atomi propter variam figuram quam habent facile implicantur inter se, & fit prima complexio. Deinde corpuscula quæ primam complexionem fiunt, iterum implicantur inter se, & fit alia complexio: & sic de reliquis eo modo quo lini capillamenta aptè contorserunt filum constituunt, & ex filis certo modo implicatis componitur tela, & ex tela certo modo confuta fit vestis.

Q V Æ S T I O II.

Quid Neoterici sentiant de formâ physicâ.

Vix ullum repereris Neotericorum, qui clarè explicet, quid sit forma physicè sumpta: definitionem afferunt Metaphysicam, quam in sensum physicum trahere conantur. Sic igitur illam proponunt communiter: actus substantialis vnus per se cum materia constituens.

Explicant: sic dicitur actus substantialis, qui est substantia incompleta totaliter, & adæquatè materia distincta, & quia ad illam ex sua essentia ordinatur, ideò cum illa facit vnum per se, ita vnde forma & materia sint duæ res quæ possint, saltem diuinitus existere separatæ.

Forma illa educitur de potentia materiæ, hoc est, vt aiunt, producitur à causa aliqua efficiente in subiecto quod illam recipit, & ad illam se habet passiuè, nihilque confert quod sit illi intrinsicè
secum

secum ; attamen forma dependet ab illo subiecto in esse & operari, hoc est, non potest existere sine illo, neque operari sine illo. Hoc autem intellige de forma materiali : nam forma spiritalis, qualis est anima rationalis, non educitur è potentia materiæ, sed creatur.

Forma, quæ educitur, dicitur fieri de nouo, & fieri ex nihilo sui, licet non ex nihilo subiecti, quod sic intelligunt, vt ante productionem nihil omnino formæ præexistat in materia, talis tamen productio præsupponit aliquod subiectum, non ex quo fiat, sed in quo fiat ad distinctionem creationis, quæ est productio de nouo, tum ex nihilo sui, tum ex nihilo subiecti. Porro dari formam sic intellectam multis probare conantur argumentis, quæ soluemus infra in modum objectionum.

Q V Æ S T I O III.

Num reuera detur forma physice sumpta, sic intellecta.

DIco: forma intellecta sensu exposito in superiori quæstione non datur.

Probatur illo axiomatico ab omnibus recepto, non sunt multiplicanda entia sine necessitate ; ergo si sine illa forma sic totaliter distincta à subiecto è quo educitur, potest reddi ratio omnium eorum, quæ quærentur in physica, nulla est necessitas illam admittendi ; atqui eorum omnium reddi potest ratio, vt patebit ex solutione objectionum & argumentorum suprapositorum, & ex decursu totius philosophiæ ; ergo illam admittere non debemus. Probatur interim minor : sine tali forma

ma potest esse compositum essenziale ; quid enim clarius quam plures atomos diuersè figuratas sumi posse. Secundò , simul vinculo naturali iungi atomos illas. Tertiò , posse saltem diuinitus impedi productionem cuiuscunque alterius entitatis distinctæ : & tamen tunc erit totum , siue compositum habens essentiam talem, ex illis atomis in tali & tali proportionem sumptis constantem.

Dices ; tale totum non posset esse principium omnium operationum , quæ visuntur in corporibus naturalibus , & maximè in viuentibus.

Contra : gratis hoc dicitur ; si enim atomi effectus attingere non possint se solis , ac si vnitis, cur poterit forma materialis , cum non habeat etiam , nisi corpoream & diuisibilem agentis virtutem ; vt patet in insectis, v.g. in fele, cui abscisso capite, quadrupes truncus satis multo tempore discurrit ?

Replicabis hoc fieri per spiritus animales.

Respondeo, & hoc contendo , eos spiritus hoc agere , & alia quæ formæ Neotericæ tribuuntur. Quare cum per illos possit reddi ratio illius cæterorum effectuum , non est cur recurramus ad illam formam Neotericam.

Probarur secundò, illa forma appeteret sui ipsius destructionem ; quod est contra illud ab omnibus receptum axioma & experientiâ firmatum, omnia abhorrent à sui non esse & appetunt conseruari. Certè, si carulus fame pressus in aquam deturbatur, aduersus fluctuum vim ad extremum spiritum decertat. Guttulæ aquæ se in orbem cogunt , aduersus aërem se tucantur ; ignis in vnum se recipit , contra vim frigoris certaturus. Probat igitur antecedens in oleo, aqua ardente, nitro, &

est magna facilitas ad flammam concipiendam, unde talis facilitas? unde talis propensio & appetitus? non à materia, quam volunt aduersarij esse omnino inertem, & nullam habere vim agendi; ergo à forma.

Dices illam facilitatem prouenire à dispositionibus.

Contra: hæ dispositiones proueniunt à forma exigente & conseruante, & omnem vim agendi tribuente; ergo & appetitus ad destructionem ab illa etiam prouenit.

Probatur tertio; norunt Periparetici materiae diuersitatem ad formas diuersas esse necessariam; hanc tamen diuersitatem materia non habet ex se, sed à dispositionibus. Hoc posito, sic argumentor: cum nascuntur herbe calidissimæ in frigidissimis montium recessibus, ad quos solis radij vix penetrant; niues enim ad summam æstatem ibi regnant: similiter mineralia calidissima in locis etiam frigidissimis, quid disponit materiam ad hanc formam? quid calorem introduxit? an aquæ circumstantes? at frigidissimæ sunt. An vetus forma, quæ illam materiam informabat? ergo seipsam prodidit libens, & nullo urgente, cum dispositiones ad nouam formam produxit, vicinis entibus existentibus frigidissimis. An cælum, utpote causa vniuersalis? sed idem cælum; idem sol, eadem pluuiæ, iidem venti in toto climate terram afficiunt, & tamen non vbique nascuntur plantæ illæ. An demum Deus ipse? sed sic facile soluentur omnia; cur enim non dicis Deum producere flores, & fructus arborum, &c. Deus quidem concurrat, sed alia causa naturalis est assignanda. Satiùs igitur dicendum est materiam ex se habere illam diuersitatem, quia nihil aliud est, quam multi

multitudo corpusculorum, quæ propter diuersitatem figurarum, variatum actionum sunt capacia. Quia igitur frigus circumstans astringit corticem illarum plantarum, ocludit poros, ne spiritus ignei aufugiant.

Probatur quarto, illa forma, si daretur creatur; atqui non creatur, educitur enim; ergo non datur. Probatur maior, quod sit ex nihilo creatur; atqui forma fieret ex nihilo; ergo creatur.

Dices: ad hoc ut aliquid dicatur creari, necesse est ut fiat non solum ex nihilo sui, sed etiam ex nihilo subiecti, forma autem sit ex subiecto.

Contra: fieri è subiecto, non est fieri tanquam ex aliquo inexistente ipsi formæ; hoc enim nolunt aduersarij; si enim concederent, iungere-mus manus; quia sic non fierent de nouo secundum totum esse; sed quia, ut volunt, forma ita fit ex subiecto, ut subiectum nihil illius sit, ideo fit secundum totum suum esse; atque adeo creatur, ut patet definitione creationis.

Dices secundò, fieri ex subiecto, est fieri ex potentia materiæ passiuæ. Quare formæ non fiunt ex nihilo cum fiant ex potentia materiæ.

Contra: illa potentia materiæ non est aliquid formæ; ergo forma fit de nouo secundum totum suum esse, atque adeo creatur. Deinde esse potentiam passiuam formæ in materia nihil est aliud, quam materiam posse recipere in se formam; pari enim nihil est aliud, quam suscipere in se, quod si verum sit, anima rationalis generaretur; cum ipsa recipiatur in materiâ; continereturque in potentia materiæ; materia enim illam recipit æquè ac alias.

Dices.

Dices tertio, fieri ex subiecto non est simpliciter fieri in materia, sed fieri in materia dependenter ab eâ, ita ut exigit fieri in materia.

Contra: forma non potest dependere à materia, tanquam ab aliquo actiuo; ergo tantum ut à passiuo, seu recipiente. Quare materia erit id in quo fit forma non id. ex quo fit forma; sicut, secundum Scotistas, gratia supernaturalis creatur ex eo quod non fiat ex anima, vel eius potentiis; quamvis de facto fiat in anima, & exigit fieri in anima, & ut ait Goudinus cum communi Thomistarum, formæ elementorum in prima rerum creatione, non sint eductæ de potentia materiæ, sed simul creatæ in materia; at cum essent materiales secundum se, exigebant fieri de potentia materiæ; ergo talis exigentia non impedit creationem. Deinde, totum illud conuenit animæ rationali: nam non solum fit in materia; sed etiam exigit fieri in materia; cum sit vera forma corporis.

Dices quarto, cum Dabillon, talem dependentiam, sic intelligendam esse, ut illa res, quæ dicitur educi, extra subiectum, nec esse, nec operari naturaliter possit.

Contra: illud conuenit gratiæ, & tamen creatur in sententia Scotistarum: imò alij communiter concedunt formas, quæ educuntur, posse creari: quo dato anima equina creata talem haberet dependentiam à subiecto, ut extra subiectum, nec esse, nec operari connaturaliter posset, alioqui materialis non foret, sed esset alterius speciei; quia per aliquid maxime notabile differret ab aliis animabus equinis, nihilque haberet quo differret ab anima rationali. Præterea, sequeretur formam non esse substantiam, sed accidens. Probatur:

batur : illud est accidens, quod non per se existit; atqui illa forma non per se existit; ergo, &c. Probatur minor : illud per se non existit, quod non per se est; atqui forma non per se est, quandoquidem dependenter à materia est; ergo est accidens. Idem respondendum est illis, qui dicunt formam materiale differre à rationali, quod prima subieceretur & sustentur à materia: secunda verò tantum recipiatur: quid enim est materiam sustentare, quam esse basim essendi formæ; ergo forma per se non existit & à fortiori non per se subsistit; aliàs non indigeret sustentaculo materiæ. Adde quod cum forma ponatur esse multò nobilior, quam materia, non consequenter dicitur dependere ab illa.

Dices quintò, cum Goudino 1. parte physic. disp. 1. quæst. 3. art. 2. licet forma corporea dependeat à materia, ut recipiente, & veluti à fundamento sine quo esse non possit: at tamen rursus materia dependet à forma, ut à suo complemento, & à dante sibi esse simpliciter; cum ergo, ut dicit Christus, beatus sit dare quam accipere, forma quæ dat esse nobilior est quam materia, quæ ipsum recipit.

Contra: imperfectius est dependere secundum suum esse, sicut dependet forma à materia, quandoquidem sine illa esse non potest; quam dependere solum secundum suum complementum, sicut materia dependet à forma. Deinde falsum est materiam recipere esse simpliciter à forma, cum materia formæ præsupponatur; quod autem præsupponitur, non potest recipere esse ab eo, quod è sinu eius educitur; quia est quid posterius. Deinde, sequeretur formam creare materiam: nam creare nihil est aliud, quam dare esse simpliciter.

Dices

Dices sextò, cum Valeriano Magni, is qui respiciendo in ideam producit aliquid ex nihilo, dicitur creare, qui verò ex cæca necessitate propriæ naturæ aliquid produciunt ex nihilo, non sunt creatores, sed agentia naturalia.

Contra: sicut respectus ille ad ideam grati asseritur necessarius ad creationem, ita grati negatur. Deinde nunquid creat sculptor, quando inducit figuram hominis in lignum; respicit enim ad ideam & illa figura dici potest fieri ex nihilo, cum antea non esset nisi in potentia? Præterea, Deus concurrit cum causis secundis ad productionem effectuum illarum; ergo quando aliqua forma produciuntur, à Deo produciuntur; sed Deus semper agit respiciendo in ideam; ergo Deus illam formam creat, & sic omnes formæ crearentur, quod sine dubio admittendum non est. Deum nunquid creantur omnes formæ ranarum; serpentum & cæterorum insectorum, quas Deus solus producit in sententia valde communi scholasticorum?

Dices septimò, formam dici dependere à subiecto, quia materia concurrit ad illius productionem, & in illam habet verum influxum actiuium, talem ut vi eius uniatur materiæ, ad eum modum, quo anima producit in se suos actus.

Contra primò, forma non fieret ex materia, sed ab illa simul & in illa; quia illa esset & principium actiuium efficiens & passiuium recipiens.

Secundò materia ageret immanenter; atque adeo vitaliter; ergo esset nobilior omnibus formis non viuentibus; quomodo igitur est pura potentia? Imò erit nobilior ipsa anima rationali, atque etiam angelo, cum vis illa materiæ producat

car substantias quas nec anima, nec angelus possunt producere.

Tertio secundum Thomistas materia est pura potentia. Quomodo igitur potest habere illam vim actiuam, cum hæc non possit non esse actus? & adhuc fateantur necesse est, materiam producere existentiam, qua ipsamet existit formaliter; nam cum ipsa, secundum illos, non existat, nisi per existentiam formæ, non potest produci forma, quin producaturs eius existentia; quod absurdum esse patet; ex eo quod materia debuit prioritate naturæ præcedere primam suam formam, quam actiue produxit influxu suo quo eandem sibi vniuit: at non potuit præcedere, quin prius natura existeret, quam forma; cum existentia ita sit vltimus essendi modus, vt simul sit prior omni actualitate agendi & recipiendi: & quamvis consequentia non valeat, existit, ergo agit, aut patitur; valet tamen hæc, agit; ergo existit. Cum igitur materia debuerit præcedere omnem influxum suum, debuit etiam præcedere omnem terminum influxus. Quare, quia ante primam suam formam, non potuit materia prius naturam præsupponi existens; cum, secundum Thomistas, non existat, nisi per existentiam formæ, non potuit etiam in eam influere.

Dices primam formam sine concursu materiæ sola Dei actione fuisse productam.

Contra: Deus tunc suppleuit tantum defectum generantis creati; atqui generans non creasset; ergo nec Deus tunc creauit formam; sed eam e potentia materiæ eduxit.

Dices secundo cum Goudino vbi supra quæst. 3. quod non sit per actionem transmutariam materiæ, non educitur e potentia materiæ; sed primæ formæ non sunt factæ per actionem transmutari-

uam materiæ; nam transmutatio supponit subiectum quod transit de potentia ad actum; at primæ formæ non supponere subiectum. Adde quod scriptura dicit composita esse creatâ, & non solam materiam; ait enim, creauit Deus cælum & terram.

Contra; primæ formæ supposuerunt subiectum prioritate naturæ, quod sufficit; nam terra primo instanti reali, quo exiit, habuit suam grauitatem, suam densitatem, suam duritiem, suam siccitatem, &c. sed hæ qualitates sunteductæ de potentia subiecti; ergoeductio non supponit transmutationem nisi prioritate naturæ. Deinde,eductio, inquis, supponit transmutationem materiæ; at materia non transmutatur, nisi per receptionem qualitatum, quæ sunt dispositiones ad formam; hæ verò dispositiones educuntur de potentia subiecti. Cum igitureductio supponat transmutationem ante educationem istarum dispositionum, debet supponieductio aliarum & sic in infinitum. Denique ad verba scripturæ sacræ, sufficit quod Deus materiam creauerit; nam eodem cap. vers. 21. dicitur Deus creasse cetera grandia, & tamen formæ ceriumeductæ sunt; cuius signum est, quod Deus dixit, vt aquæ illa producerent; atqui aquæ non creauerunt.

Quarto ex Aristotele & antiquis eius discipulis, materia prima respectu horum quæ fiunt ex ea, est sicuti æs respectu statuar; sed nunquid dices, æs habere influxum actiuum in figuram quæ superinducitur. Certè talem influxum non nouit Aristoteles, cum illius nullam vnquam mentionem fecerit.

Quinto secundum multos quodlibet potest eleuari ad quodlibet; ergo corpus Embrionis ad

ad producendam animam rationalem. Quo posito illa anima rationalis esset generabilis & corruptibilis; quia illud est generabile, quod fit concursu tum actiuo, tum passiuo materiæ.

Dices tunc materiam non fore propriam causam; sed solum instrumentum.

Contra: quia hoc non impedit quominus materia foret principium actiuum.

Sextò, principium dese prorsus indifferens ad omnes formas & nihil in se vel ex se habens, quo se ad hanc speciem potius quam ad illam actiuè producendam determinet, non potest hanc specie formam potius producere quam illam, imò nullam; atqui materia talis est.

Dices materiam determinari per dispositiones.

Contra: vel dispositiones actiuè producit, vel solum recipit, neutrum dici potest: non secundum, quia hæc forma dispositiua non minus est materialis; ergo si potest fieri ab agente extincto materia præbente solum passiuum influxum; ergo etiam & alia. Neque primum, quia materia non minus est indifferens ad hanc dispositiuam quam ad aliam; ergo deberet determinari per aliam dispositiuam & sic in infinitum. Deinde, vel illa dispositiua forma est aliquid distinctum à calore v. g. vel non: si primum, dabitur progressus in infinitum; ergo materia nihil accipit; ergo non determinatur; si verò calor dicatur materiam determinare ad sui actiuam productionem; vel determinat in eo instanti in quo iam ab igne productus est, vel in eo in quo proximè est producendus: non primum, quia adæquatè productus est; ergo non eget ulteriori causæ actiuæ concursu; non secundum, cum nondum sit.

Dices materiam determinari ad producendum actiuè

Disp. I. De corpore naturali &c. 71

actiue calorem per actionem ignis calefacientis.

Contra: vel illa actio est aliquid realiter distinctum à calore, vel non: non secundum, aliàs calor determinaret materiam ad producendum seipsum; non primum, quia vel reciperetur in materia merè passiva, vel ab ea penderet vt concurrente actiue; non primum, vt similiter diximus de forma dispositiva; ergo actio non minus est materialis, nec minus à materia dependet, quam calor ipse; non secundum, quia materia non minus est indifferens ad ipsam actionem recipiendam, & ad influendum in eam actiue, quam ad alias formas.

Dices iterum materiam determinari sola agentis societate.

Contra: materia ex indifferenti, non potest fieri determinata, nisi recipiat aliquid in se; atqui ex sola societate præcisè non recipit aliquid in se, quia sola societas non mutat statum intrinsicum; at si recipit aliquid, vel illud recipit passivè solum, vel simul cum igne producit, quod dici nequit ex argumentis superioribus.

Probaturs. Illa forma, si daretur, annihilaretur in destructione compositi; atqui non annihilatur in destructione compositi; ergo &c. Probaturs maior: quod definit esse secundum totum suum esse, annihilatur; atqui forma definit esse secundum totum suum esse; ergo annihilatur.

Dices remanere subiectum.

Contra: si destrueretur anima rationalis, remaneret subiectum, & tamen annihilaretur; ergo remanentia subiecti non officit annihilationi.

Dabillon pressus vi illius argumenti phys. dis. 3. quæst. 1. Concedit argumenti maiorem, & negat minorem, esto, inquit, agentia naturalia annihilent,

nihilent; maior virtus requiritur ad producendum quam ad destruendum; ignis citò consumit domum per longum tempus edificatam: ratio est, quia ignis immittit dispositiones contrarias dispositionibus conseruantibus formam ligni, & his corruptis Deus cessat conseruare formam, atque adeo propriè Deus, non agens creatum, annihilat.

Resp. 1. Hoc hætenus esse inauditum & contra illud principium ab omnibus philosophis, illo vno excepto, receptum: nihil in nihilum vadit vi agentium naturalium, imò nec ipse audet illud negare: vnde dicit agentia naturalia, propriè, non annihilare, sed Deus est, inquit, qui annihilat.

Resp. 2. Cur non dicit idem de productione? sic agentia naturalia nihil producent, nihil destruent, atque adeo non erunt agentia; aut sic non bene res se habet, dum creaturæ datur productio, quæ secundum se bona est & Deo datur destructio, quæ secundum se aliquid malum est. Deinde introducendo dispositiones ad formam nouam, vel destruunt dispositiones formæ existentis in subiecto; vel non destruunt, sed solus Deus: si primum, non est potior ratio cur destruant formam accidentalem quam substantialem, tam enim bene accidentalis annihilari dici debet quam substantialis; si secundum, dicam similiter ea non posse producere dispositiones; sed Deum solum eas producere in præsentia agentium naturalium. Ad illud autem quod dicitur requiri maiorem virtutem ad producendum quam ad destruendum Resp. hoc verum esse in aliquibus, sed non in omnibus & vt per exemplum morale imò & physicum respondeam, exemplo artificiali, citò

Disp. I. De corpore naturali &c. 73
citò accenditur seditio, difficile sedatur, facilitè contrahuntur quidam habitus qui difficultè destruantur.

Alius non mediocri nota philosophus non valens vim illius argumenti effugere, respondit formas non destrui, sed recedere à subiecto sicut animarationalis recedit. Sed quò? an forte dabitur metempsychosis? non, respondit. quò igitur recedunt? nunquid dabitur paradísus aliquis boum, equorum, leonum, pulicum, aut saltem renouabitur opinio poëtarum fabulosa de campis elysiis iam antiquata? non, inquit: quò igitur abeunt? at ille, arbitror illas recedere in aliquam partem aëris. Rursus, manebuntne ibi per totam æternitatem? non, inquit; sed tempore iudicii consumuntur igne. Lepidè sane in aëra veluti papilioes volitant & comburentur. Cur ignis ille poterit tunc destruere formas etiam auri, chrysalis, &c. & ignis iam vehementissimus non potest vel vnicam formam culicis destruere. Deinde nulla potest assignari ratio cur Deus reseruet formas illi igni comburendas & non iam illas ipse conservare destinat, certe hoc credendum est; nam scire quis illud potest? mihi revelatum non fuit.

Toletus aliò se vertit ut effugiat vim duorum argumentorum vlcimorum & cum dicat 1. de gen. cap. 3. q. 2. Profectò si productio primo est ipsius forma, cum nihil forma præcesserit, dicetur creatio & lib. 1. phys. cap. 9. quæst. 17. sic ait. Negandum est prorsus, cum Aristotele, formas fieri aut produci; sed composita fiunt, non ex nihilo, sed ex materia; forma verò consequenter fiunt & comproducentur. Unde non est ipsarum creatio, quia creatio est actio, quæ aliquid primo fit; forma verò non primo fiunt. Hac autem est vis concessa agentibus naturalibus. ut compositum

Phyfica.

D

positum

positum producerent, ac simul mediante illo formas attingerent, quod non est creare, nec aliam philosophiam habemus ab Aristotele & est optima & notanda, hæc ille.

Respondeo: pars & principium fit prius, quam totum & principiatum; sed forma est pars & principium; ergo forma primò fit. Sic in artificialibus prius fiunt muri, tabulara, rectum, quam ipsa domus. Similiter illud prius fit quod dat esse, quam illud quod recipit esse; atqui forma dat esse; ergo. An forte diceres prius intendi compositum. Contra: quod est primum in intentione est vltimum in executione; ergo compositum vltimò fit. 2. anima rationalis non crearetur, quia Deus tantum producit illam, vt constituat aliquod compositum, scilicet hominem. 3. Quod muri fiant propter domum, minusne fiunt ex re aliqua? ita, licet pars fiat propter compositum, non minus fit, siue primò, siue secundò; sicut reuera fit oculus, licet fiat cum capite.

Dicit idem Toletus lib. 1. de gen. cap. 3. quæst. 2. sicut qui virgam incuruat non facit curuitatem, sed facit curuum id est dum signum tale facit, curuitatem comproducit: ita non producit forma, neque fit, sed compositum ad cuius productionem comproducit & confit forma.

Resp. in nostra sententia hæc similitudo posset aliquid efficere, at nihil efficit positâ sententiâ aduersariorum, nam curuitas est aliquid consequens ipsum lignum iam constitutum in suo esse, & forma ligni, si qua est qualem dicunt, substantia est & pars compositi nobilissima quæ dat esse rei, & ex cuius productione fit ipsa res, nec tamen adhuc confecta omnino res est.

Dicunt

Dicunt Conimbricenses formas omnes præter animam rationalem non proprie fieri, quia non possunt per se subsistere.

Resp. ergo non sunt substantiæ. Deinde cur non possunt subsistere per se? quia intereunt. Vnde habent hoc, scilicet formas materiales interire? Deinde, nunquid accidentia proprie fiunt, licet intereant, vel saltem totum compositum fit & tamen interit; nonne interit homo? nonne interit leo? nonne interit lignum?

Probat 6. Talis formæ de nouo genitæ secundum totam suam substantiam non potest assignari causa; ergo non datur. Probat 7. antecedens: forma equi non educitur à generante; quia, ut suppono, equus, è quo excisum est semen, interit statim post emissionem seminis, neque ab equa, quæ semen recipit; hæc enim secundum principia D. Thomæ passiuè se habet & materiam duntaxat subministrat.

Dices 1. cum Thomistis, semen generat illam formam in virtute equi generantis.

Contra: semen producere illam formam in virtute generantis est virtutem generantis, quæ relicta est à generante in semine, producere illam formam; at hoc dicit nequit; nam talis virtus est qualitas, atque adeo accidens; accidens autem non potest generare substantiam; alias imperfectius generaret perfectius.

Dices 2. cum Fernelio, formæ omnes sunt ælestes; neque enim, inquit, verisimile est elementa rebus gignendis vniuersam conferre substantiam & cælum manere otiosum.

Contra: formæ adeo diuersæ, à communi & generali causa proficisci non possunt. Deinde sic auferetur omnis actiuitas à causis subleuariis.

Dices 3. cum Themistio, scaligero & sennerto formas multiplicari non aliter atque ignis ab alio accenditur.

Contra : hoc debito sensu intellectum est verum. At non si formæ supponantur educi de nouo secundum totum suum esse : præcipue si supponantur esse indiuisibiles ; nam hoc posito , cuius erit anima ? an Patris ? an Matris ? deinde generatio nihil aliud esset , quam eiusdem indiuidui multiplicatio ; eadem anima materialis esset in subiectis realiter distinctis ; in locis distinctis , &c. Quid autem dicendum sit in nostra sententia, suo loco dicetur. His igitur omnibus perpenſis atque consideratis concludendum est opinionem asserentem formas materiales esse substantias totaliter distinctas à subiecto è quo educuntur , sustineri non posse.

Q V Æ S T I O IV.

Quid reuera sit forma physice sumpta.

NOn tot ambagibus intricatam proponere decreui sententiam, quæ sufficiens erit reddendæ rationi quæſtionum omnium physicarum : vt clarius intelligatur quid de forma dicturus sum , repeto hic , quod in metaphysica dixi, causam materialem , siue materiam exquâ fit aliquid, esse illud , ex quo inexistente aliquid fit ; atque adeo omnes compositi physici partes essentielles simul sumptas , secundum esse entitatum esse adæquatam eius causam materialem : & sic anima rationalis & corpus sunt ea omnia physica quibus inexistenſibus homo physice est ; atque adeo sunt illius materia adæquata, non quod velim animam

animam rationalem esse materialem : neque enim componitur ex partibus , sed quod sit pars quæ cum alia comparte constituit hominem.

Partes essentielles sunt illæ in quarum consensu & proportionem consistit ratio essentialis ; & sine quibus non est tale compositum , partes verò integrantes sunt illæ in quarum complexu consistit integritas essentialis : in rigore loquendo partes integrantes sunt etiam essentielles tali composito , seu essentiali , si non absolute sumptæ , saltem ut integræ ; quia non est integræ essentialis ratio ; si aliquid desit integritati compositi essentialis , hoc est habentis unam completam essentiam ; quod enim deest composito , deest ipsius essentiali physici ; cum non distinguantur ; quia tamen in illis minus præcipue consistit essentia , ideo vulgo aliquæ non esse de essentia dicuntur. His positis.

Dico primò , cum Gassendo , Cartesio , Digbæo , Magnano , Bassone , & maxime cum antiquis philosophis Empedocle , Democrito , Læucippo , &c. Compositi physici partes essentielles simul sumptæ secundum certam dispositionem , convenientiam , proportionem & harmoniam , quam inter se habent , sunt adæquata forma.

Explicatur : cum illæ partes sese inuicem sibi communicant , habent communionem perfectionum & imperfectionum : nam anima rationalis , v. g. actuat corpus quod reciprocè aggrauat animam , Sap. 9. similiter cum ignis atomi , aquæ , terræ , aëris sese communicant habent communionem eandem : nam ignis communicat suam actiuitatem aliis à quibus eadem actiuitas temperatur. Sic propter illam mutuam communicationem sese inuicem modificant & reducunt ad certam virtutis proportionem in qua consistit ratio

essentia compositi physici; eodem modo quo in medicamento aliquo ex diuersis simplicibus composito simplicia sunt operatiua, ipsorum verò vnio harmonica est modificatiua actionis, id est, facit vt diuersa simplicia seu ingredientia tali, vel tali modo operentur. Partes igitur simul sumptæ, vt se habent inuicem, seu vt sunt taliter inuicem temperatæ, sunt ipsamet harmonia & conuenientia, quod est esse formale, vnde forma in abstracto, & metaphysicè nihil aliud est, quam ipsa partium temperatio & harmonia. Itaque

Probatur primò, auctoritate Aristotelis physic. lib. 2. cap. 3. Text. 28. vbi ait formam esse rationem quidditatis, siue id in quo cuiusque compositi essentia consistit.

Dices Aristotelem sic esse intelligendum, vt dicat formam esse id in quo compositi essentia consistit præcipuè.

Contra: gratis sic explicatur Aristoteles; neque enim essentia magis consistit in vna parte quam in alia, sed in omnibus simul sumptis per modum vnus. Sic Magister sententiarum lib. 3. dist. 5. dicit formæ nomine naturam significari, & pro se assert D. August. D. Hier. D. Hilar. & quidem adæquatam; sic enim intelligi debet, vt legenti patebit, sicque explicat illud D. Pauli, formam serui accipiens, id est, naturam serui.

Confirmatur primò, Aristoteles ibidem, vt explicet formam assert pro exemplo diapason, seu harmoniam & consonantiam, quæ vulgo dicitur octaua, & consistit in proportionem dupla. Similiter forma debet educi, & fieri e materia, sicut statua ex ære; dictiones ex litteris; domus ex lapidibus; torum ex partibus; conclusio ex terminis præmissarum; hæc enim exempla ab ipso

Aristotele

Aristotele proponuntur : sed statua nihil est aliud quam partes taliter dispositæ ; dictiones nihil aliud sunt quam litteræ sic dispositæ ; domus nihil est aliud quam lapides sic dispositi : totum nihil est aliud , quam partes sic dispositæ ; ergo forma nihil est aliud quam partes materiæ sic dispositæ , siue in abstracto dispositio partium , eo modo quo dicimus formam syllogismi esse aptam terminorum & propositionum dispositionem , secundum figuram & modum. Scio quidem discrimen esse inter naturalia & artificialia ; sed discrimen solum est in eo quod ars extrinsecè disponat partes , at verò natura intrinsecè ; vnde , vt diximus , ars dicitur natura extrinseca , & natura dicitur ars intrinseca , & sic conueniunt quoad operationem.

Confirmatur secundò , forma communiter ab omnibus post Aristot. dicitur quod dat esse rei , sed forma sumpta pro vna comparte non dat esse rei ; ergo sic sumpta non est forma ab Aristotele definita , v. g. forma hominis est illud quod dat mihi esse hominem , sed sola anima non dat mihi esse hominem , neque etiam solum corpus dat mihi esse hominem , sed anima & corpus simul vnita dant mihi esse hominem ; ergo sola anima non est forma adæquata , licet , vt mox dicam , sit forma specialis & principalis.

Confirmatur tertio , ex Aristotele 1. physc. Text. 12. forma separari non potest à materia , nisi ratione ; atqui hoc conuenit harmoniæ partium ; nequaquam enim talis harmonia separari realiter potest à partibus , vt patet. Hoc autem non conuenit formæ Neotericæ ; hæc enim plusquam ratione separari potest à materia , nempe realiter vt fatentur communiter Neoterici. Ex

quibus omnibus patet formam Neotericam incognitam fuisse Aristoteli, & nos cum Aristotele sentire.

Probatur secundò, formæ sic explicatæ conveniunt omnia quæ de forma dicuntur, absque eo quod dicatur fieri de nouo secundum totum suum esse; atque adeò cum non sint multiplicanda entia sine necessitate, sufficiet, si formam, ut in conclusione explicuimus, admittamus: attamen quia in composito aliquæ sunt partes actuosiores & nobiliores aliis, aliam conclusionem subiungo, modò istam concluderimus terminis D. Bonaventuræ, in 1. dist. 7. art. 2. quæst. 1. in fine: *Hac igitur est summa positionis, quod agens creatum nullam quidditatem nec substantialem, nec accidentalem omnino producit, sed entem sub una dispositione facit esse sub alia. Quid clarius?*

Dico secundò, compositi pars nobilissima est specialis, tum ipsius compositi, tum compartium forma.

Explicatur & probatur: esse formam iuxta Aristotelem 2. physic. Text. 2. importat semper perfectionem; atque adeò nobilitatem; pars igitur nobilior se communicando aliis plus eis perfectionis confert, eas actuat & mouet; qualis est in homine anima rationalis, & sic per ipsam compositum specialiter perfectum est, pars verò minus nobilis, & minus actiua dici debet subiectum, quia plus recipit perfectionis, quam tribuat: ideòque plus habet de passiuitate, quam de actuositate. Similiter in brutis spiritus animales, utpote pars nobilissima & actuosissima, dici debent forma; quia motum imprimunt cæteris partibus, quæ idcirco dici debent subiectum: ideò in Sacra Scriptura anima dicitur esse in sanguine.

Dices

Dices in homine essent duæ formæ, imò & tres: nam primo esset forma adæquata. Secundo, forma specialis, scilicet anima rationalis. Tertio, spiritus animales.

Respondeo, in homine spiritus animales non esse partem nobilissimam; atque adeò non debere dici formam specialem: attamen non negabo debere dici formam subordinatam, subserviientem & ministram animæ rationalis, in quo nulla est repugnantia.

Q V Æ S T I O V.

*Quomodo respondendum sit argumentis
adversariorum.*

Obiicies primò, cum Conimb. lib. 1. cap. 9. quæst. 10. art. 2. res naturales sunt compositæ non ex materia duntaxat; quia, cum hominis, lapidis, & leonis eadem sit rationis materia, eadem foret omnium essentia & definitio. Habent igitur præter materiam proprias formas quibus differant inter se; quod si quis occurrat dicēs composita physica cōstare ex materia, quæ sit substantia, atque etiam ex forma, non tamen quæ sit substantia, sed accidens; is facile confutabitur hoc modo. Materia est nuda potentia, & tamen est substantia; ergo & forma multò maiori iure substantia erit. Secundo, si forma esset accidens, nulla esset generatio substantialis: siquidem materia gigni non potest; inductio verò accidentium non est substantialis, sed accidentaria generatio. Tertio, vel ipsa composita naturalia sunt accidentia, vel substantiæ: si accidentia, non igitur constituuntur ex materia, quæ sit substantia:

si substantiæ, non ergo constant ex formâ, quæ sit accidens; alioqui, aut non substantia ex substantiis, aut non accidens ex accidentibus coalesceret, quorum neutrum fieri potest.

Respondeo primò, hominis & leonis non esse eandem materiam; plus enim ignis requiritur in leone, quam in homine: sed quia per minus vel plus non mutatur materia, ideo dico, esto sit eadem materia, non tamen eadem dispositio materiæ, & reuera scâmini, lecti, mensæ eadem est materia; attamen non eodem modo describeres mensam, ac cathedram. Ex iisdem characteribus fiunt omnes orationes, & tamen differunt inter se, ut patet in his duobus vocabulis AMOR, ROMA, habent igitur proprias formas quibus differant inter se, sed non realiter distinctas à propriis subiectis propriæque materia.

Ad instantiam dico, materiam quidem esse puram potentiam, eo sensu quod secundum se spectata, nullam habet formam: hoc est, secundum se præcisè sumpta, non habet illam contemperacionem & harmoniam quæ constituit mixta. Igitur in forma materia; quæ est potentia pura est substantia; concedo antecedens; ergo à fortiori forma erit substantia; distinguo consequens, forma abstractivè sumpta pro dispositione, ut sic, nego consequ. concretivè sumpta pro ipsis partibus materiæ sic dispositis, concedo consequ. Deinde, essetne legitima consequentia, statux materia est substantia; ergo & forma statux?

Ad secundam instantiam Resp. Neg. sequelam: nam ad hoc ut generatio sit substantialis, sufficit si terminus illius sit substantia; atqui reuera est substantia: nam terminus est totum compositum; at totum compositum nihil est aliud quam partes

partes materiæ sic dispoſitæ & vnitæ. Ideo talis vnio & diſpoſitio dicitur eſſe ſubſtantialis, quia licet ſit accidentaria reſpectu materiæ, ſiue partium componentium, non tamen reſpectu totius compoſiti. Vnde à Titelmano lib.1. cap.12. forma dicitur communicare materiæ quodammodo eſſe accidentaliter, & compoſito dare eſſe ſubſtantialiter & eſſentialiter, & c.13. ab eodem comparatur imaginibus, quas impreſſio ſigilli relinquit in cera, quæ ſine dubio nihil aliud ſunt quam partes ceræ taliter diſpoſitæ.

Ad tertiam inſtantiã, Reſp. compoſita naturalia eſſe reuera ſubſtantias materialiter, quia omnes partes ex quibus inexiſtentibus ſunt ſunt reuera ſubſtantiæ: at tamen formaliter ſunt accidentia: nam reuera talis diſpoſitio eſt aliquid acciðens, poteſt enim deſinere eſſe abſque eo quod pereat materia reſpectu cuius eſt acciðens, non reſpectu compoſiti, vt dixi.

Inſtabis: ipſa diſpoſitio in ſe, vel eſt acciðens, vel non.

Reſpondeo, metaphyſicè loquendo eſſe acciðens, at vero phyſicè & concretivè eſſe reuera ſubſtantiã, vt dixi. Et in ſententia communi vnio non eſt ſubſtantia, licet ſecundùm quosdam diſtinguatur à materia, & forma reſpectu quarum eſt acciðens, & tamen conſtituit compoſitum naturale reſpectu cuius non eſt acciðens, ſed aliquid eſſentiale.

Obiicies ſecundò, cum iſſdem ibidem: ſingulis rebus naturalibus aliquæ propriæ & peculiareſ functiones conueniunt, vt homini ratiocinari, equo hinnire, igni calefacere, &c. ſed huiusmodi functiones oriri nequeunt à materiã, quæ nullam effectricem vim habet; oriuntur ergo à ſubſtantiali

tiali formâ. Nec satisfaciet qui dixerit proficisci
è materia instructa accidentibus: quæro enim, cur
isthæc potius accidentia in hac materia, quam
illa conspiciantur; cur igni potius calor, quam
frigus competat; cur aërem leuitas non grauitas
sequatur? cum igitur huius rei causa ad materiam
referri non possit, tum quia ob insitam inertiam,
nudæque potentix sterilitatem nullum ex se ac-
cidens profundit, tum quia cum vna atque ea-
dem sit in omnibus sublunaribus, eadem his om-
nibus accidentia promiscuè inessent. Planè sequi-
tur, talium accidentium originem ad formam
substantialem, vti ad ipsorum fontem referen-
dum esse.

Respondeo illarum omnium operationum
sufficientem reddi rationem per formam adæqua-
tam superius explicatam; ex eo enim quod par-
tes sint taliter dispositæ mutuam actionem con-
temperant: at per solam formam in sensu Neo-
tericorum intellectam, vel etiam per specialem
superius explicatam, non potest perfectè reddi ra-
tio illorum omnium; licet enim reddi possit ra-
tio, cur homo intelligat, quia habet animam, siue
mentem; non tamen reddetur ratio, cur homo
ratiocinetur, nisi afferatur adæquata formâ, di-
cendo scilicet, quia eius anima, siue mens opera-
tur dependenter à phantasmate, sic affertur tota
essentia, scilicet corpus & anima, vt se habent ad-
inuiçem. Ad illud quod dicitur materiam nullam
habere vim efficiçicem, siue actiuam: negatiuè
respondeo: licet enim hoc verum sit in senten-
tia aduersariorum, at non in nostra in qua atomi
sunt materia corporum sublunarium; & nulla est
atomus, quæ proprias actiones non habeat: licet
inde pateat solutio instantiæ, Respondeo tamen,
accidentia

Disp. I. De corpore naturali &c. 85

accidentia plurima, nihil aliud esse, quam actiones substantiæ; cætera verò esse tantum modos, vel attributa illius & diuersa accidentia prouenire ex diuersitate partium materiæ, in vno est plus ignis, verbi gratiâ, ideò plus caloris, in alio est plus aquæ, ideò plus frigoris. Sed de his cum de elementis.

Obiicies tertio, cum Complutensibus, &c. disp. 4. quæst. 1. num. 3. Rebus omnibus naturalibus ab intrinseco competit, quod sint finitæ & determinatæ ad certam aliquam rationem; ergo ratione alicuius intrinseci, & essentialis principij hanc limitationem habent; at hoc non potest esse materia, quia hæc eadem est in rebus quæ essentiali & naturæ differunt; quandoquidem homo qui corrumpitur, & cadauer quod eo pereunte generatur eandem habent materiam; sed neque accidentia talia principia esse queunt, vt pote quæ de intrinseca entis naturalis ratione non sunt; ergo præter materiam primam, aliud erit constituendum principium substantiale certam concedens naturam rebus naturalibus, quod nos formam substantialem nominamus.

Respondeo: Concedo primum argumentum, ad subsumptum: distinguo: determinatio ad certam speciem non prouenit à materia secundum se, præcisè sumpta secundum suum esse, Concedo antecedens; à materia sumpta secundum proportionem & harmoniam, quam partes ipsius habent inter se, Nego: & reuera ratio cur Petrus, v. g. sit homo & reducat ad talem speciem, non est solum, quia habet animam rationalem; sola enim anima rationalis non constituit hominem; sed quia habet animam rationalem, & corpus simul unita: forma igitur est id per quod corpus

corpus naturale est tale; ac talis speciei adæquatæ; alias forma totalis non esset causa formalis adæquata, sicque requireret aliam, & tamen Aristoteles Metaph. 11. cap. asserit talem formam completam, non posse esse unicam compositi partem, sed esse omnium per modum ynius sumptarum partium essentialium proportionem. Ad exemplum de cadauere Respondeo non esse in cadauere eandem omnino materiã, ac in homine: deest primò anima quæ, cum sit illud ex quo inexistente sit homo, pertinet ad materiam illius, licet in se immaterialis sit; desunt etiam infinita prope multitudo spirituum animalium, atque vitalium.

Obiicies quartò, cum iisdem ibidem, num. 4. certum est dari animam rationalem, quæ sit vera forma hominis: sic enim definitum est in Conc. Later. 3. sub Leone decimo, sess. 8. & in Clementina vnica de summa Trin. ex quo sequens probatio deducitur, quia ex positione animæ rationalis, tanquam formæ separabilis à subiecto, rectè concluditur esse in entibus naturalibus aliquod subiectum substantiale, quod sit incomplem in genere substantiæ, & aptum, vt informetur forma substantiali; ergo tale subiectum petit esse semper sub aliqua substantiali forma: præcipue, cum supra ostensum sit esse ex se puram potentiam, nullam habens specificationem, & ineptam, vt per se existat; ergo cum non sit proprium hominis, sed in aliis rebus reperiatur, vt per se notum est, consequens erit vt res omnes naturales, quæ constant illo subiecto, seu materia, debeant etiam constare actu, seu forma substantiali actuante illud.

Respondeo: concedendo animam rationalem esse

esse verè formam, sed specialem qualem explicuimus conclusione secunda superioris quæst. non verò adequatam; aliàs esset tota essentia hominis, quod est falsum: nam corpus est etiam de essentia hominis. Ad illud, quod corpus humanum est substantia incompleta; quia ordinatur ad animam concedo totum, sed inde non concluditur corpus in aliis animalibus esse aliquid incompletum; neque enim corpus illorum ordinatur ad aliam formam distinctam ab omnibus partibus corporis taliter dispositis.

Dices illam ordinationem Dei esse aliquid extrinsecum corpori hominis, quod tamen secundum se est substantia incompleta.

Respondet: cum Diuo Hildefonso lib. contra eos qui disputant de virginitate, & parturitione B. M. non ex natura rerum diuinæ leges pendent, sed ex diuinis legibus naturæ rerum, & leges manare probantur, & D. Ambros. in exam. lib. 2. cap. 3. sermo Dei virtus naturæ est. Deinde corpus est quidem incompletum in ratione talis substantiæ, scilicet hominis, non verò in ratione substantiæ simpliciter; si enim per se non esset completum in ratione substantiæ, indigeret aliquo alio ad hoc vt esset substantia, & sic per se non esset substantia, sed accidens. Si igitur daretur aliquod corpus constructum ad similitudinem corporis humani, illud reuera esset completum, si non subordinaretur ad aliquam aliam substantiam, vt vnà cum illa faceret aliquod compositum.

Instabis: si corpus secundum se est completum in ratione substantiæ, ex illo & anima rationali non potest fieri vnum per se.

Resp. negatiuè; nam ex verbo diuino omnino comple

completo & humanitate fit vnum per se, dicere autem verbum esse incompletum, licet dicit Arriaga, quis sustineret? vel dic eodem consimili modo corpus esse incompletum, quo ille dicit verbum esse incompletum.

Miror autem Arriagam, qui argumentum, cui mox respondi legitime concludere, negat, asserere aliter posse efficaciter ab homine ad alia composita argui, præsertim ad animantia; quia eodem modo, quo homo moritur, & illa moriuntur iuxta illud Salom. Eccle. 3. 19. *Vnus est interitus hominis & iumentorum & aqua vtriusque conditio, sicut moritur homo & illa moriuntur.* Sed ex morte hominis infertur dati formam substantialem, ex cuius separatione oritur hominis mors; ergo similiter inferretur forma substantialis animantium ex eorum morte. Sed Resp. solitum esse his qui in philosophia opiniones erroneas elegerunt, dum eas rationibus sustinere nequeunt, ad auctoritatem se conuertere; vt nomine scripturæ sacræ formidolosos terreant. Perperam igitur Arriaga vtitur scripturâ sacrâ, docet enim Lorrinus illa ex impiorum persona dici negantium animæ immortalitatem sicut cap. 2. lib. sapien. idem aliis verbis dicitur, & pro illa explicatione citat Taumaturgum, Olympiodorum & D. Thomam 1. part. quæst. 75. art. 6. ad 1. vel illud tantum intelligi de corpore & laudat pro hac explicatione D. Hyeron. D. Bonauent. & Albinum. Pat igitur hominis & equi conditio est, in hoc quod sicut equus in morte resoluitur in partes materiæ ex quibus constat, nec amplius remanet capax voluptatis; ita & corpus hominis resoluitur, & in terram reuertitur: nec ex morte yllo modo in-

ferri

ferri potest dari formam substantialem totaliter distinctam à subiecto è quo educitur.

Obijcies Quintò, cum Hurtado phys. disp. 4. sect. 1. §. 4. aliquando aufertur essentia hominis & leonis; ergo deest aliqua hominis substantia; sed non deest materia; ergo deest forma. Quod si dicas per interitum fieri in homine solam accidentium hominis mutationem, vrgeo ergo res non differunt essentialiter, sed accidentaliter; nam homo albus est eiusdem speciei, ac homo uiger; ergo homo & brutum sunt eiusdem speciei, quod ipsi lumini naturali repugnat.

Dices formam hominis esse substantialem, ceteras verò accidentales, sed hoc est absurdum. 1. quia lapis & leo non sunt eiusdem speciei. 2. quia tam sunt indicia ad substantialitatem formæ leoninæ, quam ad humanæ. 3. quia sequeretur vel materiam primam carere ex natura rei omni forma substantiali, vel hominem esse vnum per accidens: primum patet, quia in leone per te nulla est forma substantialis, & sic ens essentialiter incompletum est sine fine suo. Si verò dicas materiam esse ens completum, inde secundum sequitur absurdum, quia ex duobus entibus in actu non fit vnum per se.

Resp. & ad primū argumentum concedo. Deinde distinguo antecedens secundi: non deest materia rota. Concedo; aliqua pars, Nego, vel esto antecedens, distinguo consequens: deest forma adæquata, Nego; forma specialis explicata eo sensu quo explicui in secunda conclusione superioris quæst. Cōcedo. Neque ideo dico formam hominis esse substantiam & animam bruti accidens; nam vel sermo est de forma adæquata & utraque est accidens, si sumatur metaphysicè & abstractiue; si verò concretive

cretiue & physicè, utraque est substantia: vel sermo est de forma speciali, & utraque est substantia. Nam in homine est anima rationalis, in equo sunt partes nobilissimæ quæcumque illæ sint & per hoc euanesceat omnis virtus reliqui argumenti.

Objicies sextò, cum Arriaga phys. disp. 3, sect. 1, num. 12. fides docet post verba consecrationis destrui totam substantiam panis & ibi manere omnia accidentia panis; ergo accidentia non sunt partes substantiæ panis, alioqui non esset tota substantia deperdita; ergo ultra accidentia dabitur aliquid aliud quod sit substantia perfecta panis; sed hæc non est sola materia, tum quia hæc eadem est in omnibus entibus: & si ipsa sola esset panis, etiam lapis esset panis, quia habet eandem materiam in specie, tum quia ibi ponitur sub eis speciebus, materia prima scilicet corpus Domini exercens circa accidentia panis idem quod exercet substantia panis si esset, & consequenter ibi maneret propriè panis, quia maneret materia prima & accidentia panis quæ constituunt substantiam panis adæquatè per se; ergo substantia panis iuxta fidem aliquid aliud dicit à materia, & accidentibus panis distinctum, quod est forma substantialis; ergo idem erit in reliquis entibus, quæ non minus habent substantiam, & accidentia quam panis & vinum.

Resp. me explicuisse in metaphysica quid essent accidentia Eucharistica, quæ melius sine dubio vocantur species iuxta phrasim Conciliorum & sanctorum Patrum. Deinde, quantitas panis est accidens panis; atque ex ipso Arriaga quantitas non distinguitur à materia; ergo in Sacramento sanctissimo altaris remanebit materia panis; si vetum sit omnia accidentia panis remanere. Sequela

quela est contra fidem; sed quidquid sit de accidentibus, ad illud substantia perfecta panis non est sola materia. Distinguo; vel per materiā intelligis illud omne ex quo inexistente sit panis, & sic iterū distinguo; non est sola materia sumpta utcumque secundum suam entitatem præcisè. Concedo; sumpta secundum dispositionem, proportionem & harmoniam quam partes illius habent inter se. Nego. Vel per materiam intelligis partes minus nobiles & quæ minus actiue sunt, Concedo; ad illud, quod additur, in sacramento esse materiam quæ est eadem ac materia panis, Resp. materiæ partes aliter esse dispositas in corpore sancto Christi, Domini ac in pane, & sic nullo modo dici potest ibi esse panem.

Obijcies 7. Cum Marco à Baudunio disp. 5. phy. sec. 1. ubi est ens naturale & substantiale ibi est forma; at in rerum natura est ens substantiale; ergo & forma. Probat. ma. Materia sola vel materia cum solis accidentibus non potest facere compositum substantiale. Ratio est, quia si sola sumatur materia non erit compositum; in composito enim saltem duo debent esse vnita, si materia cum accidentibus, non erit compositum substantiale sed accidentale; ergo ex compositi naturalis constitutione sequitur esse formam in rerum natura. Deinde est potentia in rerum natura, quia datur materia quæ est pura potentia; ergo datur actus; quia relatiua mutuo se ponunt, potentia enim dicit relationem ad actum, at forma est actus; ergo datur forma.

Resp. concedo primam argumentationem, si forma intelligatur aliquo ex modis quos tradidi; nam corpus naturale dicit formam, hoc est dispositionem certam partium atque harmoniam in

qua

qua semper est aliqua pars nobilior alterâ; sed ad hoc non est necesse vt ponamus formam aliquam totaliter distinctam à subiecto è quo educitur. Secundam argumentationem concedo etiam, modò per actum intelligatur forma eo modo quo mox explicui.

Objicies 8. cum Suare & fere cum omnibus in quolibet composito debet dari aliquid quod sit radix & principium omnium operationum & proprietatum quæ sunt in tali composito v. g. in viucentibus, radix omnium operationum vitalium quæ restituat pristinum temperamentum quando læsum fuit. Similiter in aqua debet dari talis radix; remotis enim agentibus calefactiuis; recuperat frigus amissum; talis autem radix non potest esse materia, quia dese est indifferens; ergo debet esse aliqua alia substantia quam vocamus formam, quod si quis dicat frigus quod remanet expellere calorem, non satisfacit; nam nulla est probabilitas; quia calor in aqua aliquando est valde intensus; ergo non potest expelli à frigore remisso ipsi inhaerentes; sed debet fieri per formam substantialem.

Resp. me radicem illam omnium operationum explicuisse in responsione ad secundum. Quoad exemplum aquæ respondeo pro nunc ideo aquam restitui suo pristino frigori, quia spiritus ignei ex illa euolant. Deinde in eodem toro radix, truncus, folia, fructus &c. eandem habent vitam & tamen operationes valde diuersas; ergo ex operatione non possunt aduersarij efficaciter concludere formam neotericam, alias tot deberent admittere quot sunt operationes diuersæ: quod tamen ipsi nolunt. En quomodo soluantur facile tot & tam longa argumenta; ne quid super sit scrupuli, pla-

et adhuc subiungere aliquas obiectiones quæ fieri possunt contra nostram sententiam.

Obijcies 9. Simile à simili generatur; ergo datur in cane v. g. forma generans potius canem quam ranam.

Resp. quod simile à simili generetur provenire ex similitudine materiæ. Numquid sol producit sibi similem, quando producit ranas & mures? Demum concedo totum; modò forma intelligatur, ut ego explicui; illa enim sufficit.

Obijcies decimò partes nec nutrirî, nec operari, nec constare possunt nisi sit aliquod commune vinculum; at illud non potest esse aliud quam forma.

Resp. Nego minorem; ex partium enim conjunctione formam substantialem totaliter ab illis distinctam generari non probatur; nam pars arboris arida coniungitur cum parte viridi & tamen ex aduersariis non habent formam communem quando diuersa metalla connectuntur, non ideo habent eandem formam. Neque 2. ex partium communione & alimenti distributione, ut patet in ramo inserto arbori alterius speciei. Deinde inter mundi partes talis est consensus & harmonia ut graua sursum & leuia deorsum ferantur seruandæ vnitatis gratiâ; ergo vel datur causa communis; quæ hanc concordiam seruet, vel non; si primum, quid querimus in singulis formam substantialem? hæc forma quæ vniuersi partes connectit, non poterit vnius plantæ vel animalis partes connectere; si secundum, cur non poterunt partes vnius plantæ coherere sine forma substantiali communi tam bene quam partes vniuersi?

Obijcies vndecimò, si forma debeat intelligi sensu à nobis expósito, creaturæ nihil producerent

rent de nouo ; atque adeò solus Deus esset causa omnium effectuum , & nullum daretur agens naturale creatum.

Respondeo , creaturæ nihil producerent de nouo secundum esse simpliciter , concedo : secundum tale esse nego. Et vt loquar cum D. Bonauent. in 2. dist. 7. art. 4. quæst. 1. creaturæ faciunt vt quod est vno modo, sit alio modo. Vnde quia ipsæ non creant ; præsupponunt subiectum , & ex illo subiecto educunt formas eo simili modo, quo pictor sumens diuersas colorum partes pingit tabellam, quæ sine dubio de nouo facta dicenda est, non secundum esse simpliciter, sed secundum tale esse , hoc est secundum dispositionem nouam colorum ; vel iterum distinguo , nihil producerent de nouo materialiter , concedo ; formaliter , nego.

Obiicies duodecimò , quando vulneratur ense animal , vel venenum sumit , seruat eandem partium harmoniam ; atqui non seruat formam suam ; ergo harmonia non est forma. Probarur minor, stante forma animalis in corpore , viuir animal ; atqui in casu posito , non viuir animal , sed moritur ; ergo tunc animal non seruat formam suam.

Respondeo : Nego maiorem primi argumenti ; licet enim ad oculum forrè seruetur eadem harmonia , non tamen reuera seruetur ; sicut cum in horologio demitur particula aliqua alicuius rotæ , videtur exterius esse eadem forma horologii , & eadem harmonia ; & reuera non est. Igitur per vulnus , & quodlibet aliud interimens tollitur harmonia partium ; cessat enim influxus capitis , cordis , &c.

Obiicies decimotertiò , animal, v. g. equus est
idem

idem hodie qui fuit tribus ante annis, & erit decem ab hinc annis; atqui non ratione materiæ, quæ est in continuo fluxu; ergo ratione alicuius formæ prorsus distinctæ à materia; sicut anima rationalis est distincta à corpore.

Respondeo, equum non esse semper omnino eundem physicè loquendo, sed tantum moraliter, & ad sensum; nec aliter dicendum est in sententia aduersariorum; quoniam materia semper fluit, quæ tamen est de essentia. Vnde igitur non colligitur aliqua forma similis animæ rationali: nam alias forma materialis migraret de subiecto in subiectum, cum transiret in materiam de nouo acquisitam. Deinde cum ad aggeneratam carnem forma extenderetur, & à parte carnis consumpta ad remanentes retraheretur, forma illa materialis moueretur per se; quia nulla tunc corporis pars moueretur; & tamen Aristoteles lib. 1. de anima vult animam non esse mobilem per se, sed tantum per accidens, & ad motum corporis. Præterea viuit ramus abscissus, & pars serpentis abscissa; ergo anima eorum erat diuisibilis, & concludendum est esse etiam in continuo fluxu; imò idem dicendum de formis etiam animalium perfectorum in sententia Scoticarum, & aliorum quamplurimorum, qui eas esse diuisibiles sustinent.

Obiicies decimoquarto, dum ex ligno generatur ignis, vel totum lignum remanet, vel totum perit, vel partim perit, & partim remanet: non primum, vt patet oculis, non secundum, aliàs esset annihilatio; ergo tertium; ergo datur forma quæ pereat, materia enim perire nequit vi agentium naturalium.

Respondeo, totum aliquando sumi adiectiuè, nempe pro omnibus partibus, siue coniunctis, siue separa

separatis, ut cum dicitur totum vinum effracto delio effusum est; aliquando pro partibus quatenus unitis, seu pro composito ex partibus certo modo coniunctis; & tunc dicitur substantiue sumi, sic partium vnione soluta totum destrui dicitur. Itaque lignum totum, ut totum substantiue sumitur, perit: omnes tamen partes essentielles supersunt, atque adeo totum adiectiue sumptum remanet; sic separatione litterarum ipsius vocabuli, Amor, totum vocabulum destruitur.

Q V Æ S T I O V I.

*Quoruplex sit forma in composito
sublunari.*

PLures sunt opiniones notabiles circa prædictam quæstionem; sed omnes proueniunt ex eo quod formas materiales admiserint totaliter distinctas à materia, seu à subiecto è quo educuntur. Prima igitur sit quorundam antiquorum Philosophorum, tot esse formas realiter distinctas, quot sunt prædicata essentialia, seu quot gradus metaphysici.

Secunda est Scoti & Henrici admittentium formam quandam corporeitatis, quæ corpus constituat, & sic corpus hominis, & idè dic de corpore leonis, ante aduentum animæ, & post recessum illius est compositum ex materia, & illa forma corporeitatis. Henricus illam admittit in solo homine, Scotus verò in omnibus viuentibus, Caelus tamen in suo supplemento, sect. 4. ita illam explicat, ut nihil aliud sit quam collectio omnium formarum partialium, & sic ista opinio cum sequenti coincideret.

Tertia

Tertia est Pauli Veneti, & multorum recentiorum, qui dicunt in cōposito tot esse formas quot sunt partes heterogeneæ: idē vocant illas formas partiales; est igitur in corpore forma ossis, forma carnis, forma nerui, &c. & illas vocant ministras & subseruientes: quia formæ principali, siue totali inferuiunt ad subeundas operationes toti competentes.

Quarta est quorundam recentiorum, qui cum nolint admittere formam corporeitatis, nec formas partiales, dicunt, quando interit homo, aut animal aliquod; generari de nouo formam aliquam cadauericam. Has opiniones examinabimus; & quidem breuiter: nam vno ictu concidunt omnes, hoc scilicet argumento, non dantur formæ totaliter distinctæ à subiecto è quo educuntur; sed illæ omnes formæ supponuntur educi de materia, & tamen ab illa totaliter distinguī, ergo non dantur.

Dico primo, improbabilis est omnia prima sententia.

Probatur: nam gradus metaphysici non distinguuntur realiter, & cum qualibet res possit infinitis prope modis considerari, habet infinita prope attributa; atque adeo infinitas prope formas physicas. Sic daretur forma veri, forma boni, &c. & hoc etiam in materia secundum se spectata: nam ipsa est ens, materiam autem secundum se spectatam habere formas est contra ipsos aduersarios.

Dico secundo, non datur forma corporeitatis intellecta, vt sit distincta à subiecto è quo educitur. Probatur argumento generali supra posito.

Obicies primo, corpus est cōpositum ex materia & forma; atqui generans producit corpus;

Physica.

E

ergo

ergo producit compositum ex materia, & forma corporeitatis; mutatio enim ad animam rationalem est à solo Deo.

Respondeo: corpus est compositum ex materia & forma intellectus eo sensu quo explicui, in quæst. 4. & sic euahescit omnis vis argumenti generans igitur corpus producit, quia multas materię partes congregat & vnit secundum quandam proportionem, & harmoniam.

Obiiciis secundo, anima intellectiua non potest dare esse corporeum & extensum, cum ipsa sit inextensa; limitatio autem quantitatis non est à materia, sed à forma, quæ requirit tantam materiam; non enim forma bouis potest informare corpus formicę.

Respondeo, limitationem quantitatis provenire ab ipsa materia; ex eo enim quod sint tot partes materię, & non penetrentur, illa materia est tanta: provenit autem determinatiue à causa efficiente, imò etiam & à forma intellecta sensu nostro, cui omnia conueniunt, quæ obiici possunt. Idem dic cum proportionem de formis partialibus, & vt sententia nostra clarius pateat.

Dico tertio, dantur formę partiales sic intellectę, vt nihil aliud sint, quam varię dispositiones partium materię ex quibus constant, atque adeo datur forma corporeitatis sumpta pro collectione formarum partialium sic intellectarum.

Probatur, quia alia est dispositio materię in osse, alia in carne, alia in neruo, &c. ergo.

Dices primo, carnem differre tantum ab osse accidentaliter, & non substantialiter.

Contra: gratis hoc dicitur, cum diuersitatem substantię non colligamus, nisi ex diuersis accidentibus; quare enim aduersarij ponunt diuersam

Disp. I. De corpore naturali &c. 99

sam formam in ramo sicco, ac in viridi cum quo connectitur, nisi quia vident in eis diuersitatem notabilem & constantem accidentium?

Dices secundo, diuersitatem accidentium, quantumvis notabilem, non arguere diuersitatem formarum in eodem supposito, bene tamen in distincto; sic partes marmoris sunt valde diuersæ accidentaliter, & tamen habent eandem formam.

Contra: siue in eodem, siue in alieno supposito semper diuersitas accidentium notat diuersam dispositionem partium materiæ. Quoad marmor nullus ferè negat habere formam diuisibilem, atque adeò quælibet pars habet partem formæ, & quidem diuersam pro diuersitate accidentium.

Obiicies primo, vbi est vnica forma, est vnicum corpus; ergo, vbi erunt plures formæ, erunt plura corpora; sed in quolibet viuente sunt tot formæ quot partes; ergo etiam tot corpora, quot partes.

Respondeo, corpus non esse vnum vnitatem simplicitatis, sed vnitatem compositionis. Deinde pluralitas formarum non obstat vnitati entis, modo vna sit vltima ad quam cetera ordinantur.

Obiicies secundo, cum Caietan. sequeretur idem esse & fieri.

Respondeo, idem esse & fieri per eandem formam, Nego: esse primam formam corporeitatis, & fieri per aduenientem animam rationalem. Concedo: in hoc nulla est contradictio.

Obiicies tertio, quod aduenit enti completo facit vnum per accidens cum illo; atqui anima rationalis adueniret enti completo per formam corporeitatis.

Respondeo, me soluisse difficultatem alibi, sed adhuc distinguo maiorem: quod aduenit entis ultimatae completo, Concedo; non ultimatae completo, Nego; & cum proportionem distinguo minorem.

Obiicies quarto, generatio unius est corruptio alterius, & vice versa; ergo quando producit anima rationalis, corrumpuntur aliae formae, & quando recedit, debet generari noua forma; atque adeo non datur forma corporeitatis, quae sit ante aduentum animae, & remaneat post illius recessum.

Respondeo, illud axioma non esse vniuersaliter verum, etiam in sententia aduersariorum, ut patet de lumine quod non praeceditur ab alia forma, nec post illud alia producit. Item ex scientia cum non praecedat error positivae oppositus. Deinde, quando Aristoteles statuit illud axioma, intendit probare aeternitatem generationum sine infinita materia. Ceterum post corruptionem unius sequitur generatio alterius; corpus enim mortuum tendit ad alias formas, dum paulatim resolvitur.

Obiicies quinto, animam rationalem uniri possibile est materiae secundum se denudatae omni forma; ergo frustra requiruntur aliae formae.

Respondeo cum Cauell. vel hoc impossibile esse, vel dicendum quod non constitueret animal, quia ad constitutionem animalis physice requiritur corpus organifatum.

Dico quarto, non datur forma cadauerica.

Probatum primo, illius formae nulla assignari potest causa, nisi assignetur Deus ipse, ad quem pro resolutione difficultatum recurrere solent aduersarii valde pii, valde deuoti: sed Deus, ut au-
thor

Disp. I. De corpore naturali &c. 101

thor naturæ agit tantum secundum exigentiam dispositionum; quæ autem dispositiones esse possunt in corpore ad illam formam cum moritur homo fune, ense, cordis, aut cerebri latione leuissima, paruulâ arteriæ punctione, &c. Deinde eademne forma introducitur per omnes causas per quas mori potest homo? an diuersa pro diuersitate causarum? sine dubio neutrum dici potest commodè, vt consideranti patebit.

Probatur secundò, in triduo mortis Christi Domini, vel forma fuit producta de nouo, vel non: si secundum; ergo forma corporeitatis remansit, siue collectio formarum substantialium; si primò, ergo fuisset vnita diuinitati, & iterum relicta in resurrectione quod dici non debet.

Dices Verbum assumpsisse solum materiam organisatam, non autem illam formam. Respondeo per formam corporeitatis me nihil aliud intelligere præter materiam organisatam. Deinde sanctus Leo serm. 1. de Ascens. Domini, cap. 3. ait eandem naturam consedere in patris throno, quæ iacuit in sepulchro; ergo, si forma cadauerticæ fuisset vnita materiæ Christi Domini, vt cum illa faceret vnum per se, seu naturam, rectè concludi posset illam formam esse adhuc in cælo, quod est absurdum.

QVÆSTIO VII.

*Quomodo respondendum aliis quasiunculis,
quæ fieri solent de forma.*

QUæres primò, an forma sit tota essentia.

Respondeo: si quæstio instituitur de forma adæquata, forma est tota essentia; forma enim

fic intellecta nihil est aliud, quam omnes partes compositi secundum proportionem, & convenientiam, quam habent inter se; si verò quaestio instituatur de forma speciali, seu de parte nobilissima, non est tota essentia, ut patet; pars enim non potest esse totum, & quoad hominem: Probat, quia, ut ait D. Athanasius, anima & caro unus est homo.

Obiicies: de fide est: nos resurrecturos eosdem; qui nunc sumus; sed in multis non erit idem corpus; substantia enim unius corporis transit in substantiam alterius, ut in Antropophagitis.

Respondeo, nos resurrecturos eosdem secundum animam, at verò secundum corpus quantum fieri poterit, Deus autem supplebit defectum partium, quæ transferint in substantiam aliorum; vel etiam posset dici eandem substantiam fore in pluribus; neque enim illud est impossibile. Demum certum est nos resurrecturos in eadem carne, at quomodo? Deus scit.

Quæres secundo, an forma possit existere sine materia.

Respondeo, si quaestio instituatur de forma adequata, neque etiam diuinius forma potest existere sine materia, quia aliquid non potest esse sine ipso. Si verò de forma speciali, potest existere sine materia, saltem supernaturaliter. Dixi, saltem: nam anima rationalis, quæ est forma specialis, existit etiam naturaliter sine subiecto, in eo & materia potest existere sine vlla forma, absque vllò miraculo, si detur aliquod elementum purum.

Quæres tertio, an impossibile sit formam corruptam reproduci.

Respondeo, nullam affectui rationem naturalem conuincentem ad probandam illam impossibilitatem:

tatem: dici tamen potest, perdifficile esse, vt partes alicuius corporis iam solutæ iterum congregentur & eodem, quo olim, modo disponantur. Sic à priuatione ad habitum non datur naturaliter regressus: rationes autem, quæ communiter afferuntur, petuntur ex bonitate Dei, quæ ita magis elucet, vt semper nouæ producantur; sed, vt dixi, non sunt demonstratiuæ.

Quæres quarto, vtrum eadem materia possit informari duplici forma, simul & semel.

Respondeo, si quæstio instituatur de forma adæquata, illud non posse fieri naturaliter; neque enim eadem materia potest simul & semel habere diuersas dispositiones naturaliter: at tamen supernaturaliter illud possibile est: nam eadem partes materiæ possunt esse in diuersis locis, & in quolibet variè disponi, in quo nulla apparet repugnantia. Si quæstio instituatur de forma speciali, eodem modo Respondeo; neque enim repugnat duas animas rationales informare idem corpus humanum, & duplicem quantitatem spirituum animalium esse in eodem corpore leonino.

Quæres quinto, vtrum eadem forma possit informare duplicem materiam.

Respondeo, si de forma adæquata sit quæstio, illud non esse possibile; quia forma adæquata nihil est aliud quam harmonia partium, quæ, cum non distinguatur à partibus, patet eandem omnino harmoniam non esse in pluribus materiis. Si verò de forma speciali, Respondeo affirmatiue; eadem enim anima rationalis, verbi gratiâ, esse in pluribus corporibus non repugnat. Idem dic de forma speciali brutorum in quocunque consistat.

Quæres sextò, virum forma existat per materiam.

Respondeo, si quæstio sit de forma adæquata, ipsa existit per materiam: nam dispositio partium non potest existere, nisi per ipsas partes, vnde respectu materiæ est accedens, vt supra dixi. Si verò de speciali, hæc habet existentiam propriam, sicut habet esse proprium distinctum à materia speciali, v.g. anima rationalis non existit per existentiam corporis, sed per propriam.

ARTICVLVS V.

De Composito.

EX dictis in superiori articulo patet compositum, & formam adæquatam esse vnum & idem; fieri verò ex eo quod partes simul inuicem vniantur ritèque disponantur, quæcunque illæ sint. Quapropter de vnione simul, & de composito hic agendum venit. Sit igitur

QVÆSTIO I.

Quid sit vnio.

Dico primò vnio, generaliter, nihil est aliud quam nexus extremorum inter se; at verò vnio compositi naturalis est nexus partium, ex quibus compositum naturale constat.

Explicatur: prima definitio est adeo clara, vt nulla indigeat explicatione, quod etiam dici deberet de secunda, nisi aduertendum foret me vti nomine partium, non verò materiæ & formæ, vt tollatur

tollatur æquiuocatio; forma enim & etiam materia vel est adæquata, vel specialis: forma autem adæquata, propriè, non vnitur materiæ adæquata: de forma speciali dici quidem debet, quod vnitur materiæ speciali, sed quia & materia & forma materialis habent partes vnitas, ideo generaliter dicere volui, vnionem esse nexum partium, quæcumque illæ sint, nexum autem esse modum fatentur omnes, volunt tamen neoterici quidam modum esse aliquid ita distinctum distinctione reali minori, vt sit entitacula quædama superaddita, vt explicuimus in metaphysica; & licet sufficerent rationes illic appositæ contra illam sententiam, placer tamen hic illas applicare vnioni & peculiare adducere.

Dico 2. Vnio non est entitas superaddita partibus.

Probatur 1. Illud superadditum vel est substantia vel est accidens, eo modo quo aduersarij intelligunt accidens: si primum, vnio existeret per se; atque; atque adeo posset separari saltem diuinitus, quod non concedent aduersarij; & si quis concederet, vrgeri deberet dicendo, quandoquidem potest separari, debere dari aliquod per quod vnatur cum partibus; esset enim secundum se indifferens & sic daretur progressus in infinitum. Si secundum, sic Argumentor. Totum substantiale constituitur per vnionem; sed vnio est accidens; ergo totum substantiale constitueretur per accidens.

Dices esse aliquid substantiale, seu aliquid per se ad substantiam.

Resp. illud substantiale vel existit per se, vel non existit per se, sed per aliud: si primum, est substantia; si secundum, est accidens. Deinde

vel pertinet, ad substantiam tanquam aliquod intrinsecum complementum; vel tanquam aliquod extrinsecum: si primum, est substantia; est enim pars illius; si secundum, est accidens, omne enim extrinsecum est accidens.

Dices secundo, esse partem ut quo, non ut quod.

Resp. num illa pars existat per se vel per aliud? & sic redit idem argumentum.

Probatur secundo, illa entitula superaddita est superflua; ergo non est admittenda: iuxta illud, non sunt multiplicanda entia sine necessitate. Probatur antecedens: illa entitula ponitur tantum ad tollendam indifferentiam quam habent partes ut uniantur vel non uniantur; sed talis indifferentia tollitur sine illa entitula; ergo illa entitula est superflua. Probatur minor. Indifferentia tollitur formaliter per positionem illius ad quod est indifferentia, vnde si ponatur talis pars esse cum alia comparte, iam non est amplius indifferens & maxime in sententia aduersariorum, in qua materia & forma sese inuicem appetunt. Itaque ut exemplo familiari utar, sicut qui petit calamum ad scribendum indifferens est ad quemlibet calamum & per exhibitionem istius tollitur indifferentia; ita materia, quæ de se indifferens est ad plures formas, determinatur ad istam per positionem illius.

Dices: non sufficit positio formæ in materia v. g. animæ rationalis in corpore nec partis corporis cum alia parte, etiam cum instantia; ergo nulla solutio. Probatur antecedens: potest poni anima Petri in corpore Pauli & tamen non uniri cum illo; similiter una pars corporis iuxta aliam partem, & tamen non uniri; potest enim Deus impedire

impedire illud, quamvis adessent omnes dispositiones; ergo debet assignari aliqua entitas distincta ab illis omnibus.

Contra: quoad unionem continuatiuam, illa non consistit in mera presentia vnius partis iuxta aliam; sed præterea addenda est alligatio, siue implexio vnius partis cum alia; puncta enim physica propter varias figuras, quas habent, facile inuicem implicantur: talis autem implexio sufficit ad verificanda omnia, quæ de continuo dicuntur; ergo alia entitacula esset superflua. Quoad unionem informatiuam etiam non est mera presentia, sed præterea communio perfectionum & imperfectionum, ratione cuius vna pars sibi appropriat alteram cum mutua aliqua dependentia; impossibile autem est esse illam communionem & non esse unionem.

Instabis secundo, quid est illa communio perfectionum & imperfectionum? est ne substantia vel accidens?

Respondeo metaphysice & abstractiue esse accidens; physice vero & concretionè esse substantiam; nihil enim aliud est quam partes ut se habent inuicem & inuicem in se ipsas agunt. Si insisteres petendo quid sit illud, ut se habent inuicem, nunquid deberem dicere, importare quamdam vnitatem? igitur termini illi sunt adeo clari ut frustra quaererentur alij quibus explicarentur.

Instabis tertio, Verbum vniri cum humanitate sanctissima & tamen humanitas nihil agit in ipsum.

Respondeo non vniri vnione informatiua sed tantum hypostatica quæ quid importet satis superque pro philosopho explicui in metaphysica.

Probatur textio, sequeretur dari progressum

in infinitum. Probatur sequela: sicut requiritur vnio distincta vt anima vnatur cum corpore; ita etiam vt prima vnio vnatur cum partibus requireretur secunda & sic in infinitum.

Dices vnionem per suam entitatem vnire partes adinuicem & se ipsam illis; & discrimen est, quia partes possunt existere & non vniri; at verò vnio non potest existere & non vniri, quia est modus.

Respondeo, gratis dici vnionem non posse existere sine partibus, posito quod sit entitas totaliter distincta ab illis; quid enim possunt partes conferre in vnionem, quod non possit suppleri à Deo in genere causæ efficientis, vt diximus in metaphysica, cum de modis in genere ageremus. Deinde, esto; vnio sit affixa talibus partibus, tamen ipsæ partes sunt indifferentes vt vniantur cum ipsa, nam anima mea & corpus meum habebunt in resurrectione aliam vnionem ac nunc habeant, vt dicunt aduersarij, ergo debet tolli talis indifferentia per aliam vnionem, vt corpus meum determinetur ad vnionem quam nunc habet. Si dicas determinari ab agente ad hanc vnionem, Resp. determinari tantum extrinsece & efficienter, non verò formaliter, & si talis determinatio extrinseca sufficiat, idem dicam quoad formam; quia par est vtriusque ratio.

Probatur quartò, illa entitacula vel recipitur in vna parte vel in ambabus: non primum, quia non est potior ratio, cur recipiatur in vna parte, quam in alia; maxime cum ambæ sint eiusdem naturæ: non secundum, nam vel esset vnica vel multiplex; si vnica, ergo est in duobus locis, saltem si de continuatiua sit questio; si duplex per quid vniantur istæ duæ? an per se? an per aliud?

aliud? si per se; dic idem de partibus: si per aliud, erit progressus in infinitum. Si dicat aliquis vniri per se, quia hæc est essentia illarum, dic etiam frigide, hanc esse essentiam formæ vt vnietur per suam entitatem.

Dices, si vniretur per suam entitatem, vniretur essentialiter; atque adeo non posset esse non vnita.

Contra: licet ego ratiociner per meam essentiam & entitatem, non tamen ratiocinor essentialiter; possum enim cessare à ratiocinatione, quando scilicet dormio, sed semper habeo rationabilitatem.

Probatur quintò, vnio formaliter consistit in receptione & actuatione, de informatiua loquor; sed materia per se ipsam recipit formam & forma vicissim per se ipsam actuat materiam; ergo per se ipsas constituunt vnionem.

Obiicies primò, illa distinguuntur quorum vnum potest existere alio non existente; atqui non existente vnione possunt existere partes; ergo vnio distinguitur à partibus; quando enim moritur homo remanet anima & materia & perit vnio.

Respondeo, distinguo maiorem: Si vtrumque extremum sit absolutum, Concedo. Si alterum saltem sit relatiuum, Nego. Deinde quando separatur anima, non amplius remanet communio quam debet habere cum corpore, in qua principaliter consistit vnio.

Obiicies secundo, omnis nouæ denominationis nouum debet dari fundamentum; ergo, quando partes de non vnitis fiunt vnitæ, debet assignari aliquod fundamentum; sed non potest esse aliud quam vnio.

Respondeo, fateor vnionem esse illius denominationis

nationis fundamentum, sed nego esse aliquam entitatem distinctam, illisque superadditam, illa autem vnio est mutua participatio perfectionum & imperfectionum & actionum, quæ aduenit, cum vniantur, & cessat, cum separantur.

Obiicies tertio, implicat in ipsis terminis manere essentiam rei & non manere ipsam rem; si igitur tota essentia vnionis consistit in entitate materiæ & formæ, manente tali entitate maneret vnio, quod tamen est falsum.

Respondeo, vnionem non consistere in entitatibus materiæ & formæ simpliciter secundum se spectatis, sed in ipsis vt inuicem communicatis & vt se habent inuicem; vnde D. Bonau. lib. 3. dist. 21. art. 1. quæst. 3. ait vnionem esse relationem vnitorum, sed relatio non est entitas superaddita relatis; ergo vnio non est entitas superaddita partibus.

Obiicies quarto, si vnio non sit entitas distincta à partibus, sequitur hominem non posse dici generare filium suum. Probatür sequela, quia nihil produceret; non enim produceret materiam, neque animam rationalem, ergo nihil.

Respondeo, hominem dici generantem, quia terminus ab illo productus est eorum compositum: & sufficit quod attingat vnionem in quocumque illa consistat; quod facit, quatenus per suam actionem efficit vt materia sit apta & idonea ad recipiendam in se animam.

Quæres quoruplex sit vnio in quolibet composito.

Respondeo, illam quætionem in nostrâ sententiâ locum non habere. Attamen responderi posset, in quolibet composito esse vnicam vnionem, non quidem simplicem, sed compositam ex tot
vnionibus

vnionibus partialibus, quot sunt partes, vnice; quia vnio non distinguitur ab illis, sed identificatur cum illis: nec putō aliam requiri responsionem, & quamvis esset entitas distincta & superaddita, non tamen dicenda esset vnica vnitate simplicitatis. De continuatiua hoc patet; si enim totum mare habet vnica vnionem, quando auferretur vnica gutta, deperiret vnio, & sic mutaretur totum mare. Quoad informatiuam; illa vel esset materialis, & sic non posset subiectari in animā rationali; vel esset spiritalis; & sic non reciperetur in corpore; receptum enim debet esse proportionatum recipienti. Sed quid ad nos, qui vnionem distinctam & superadditam non admittimus?

Q V A E S T I O II.

An compositum distinguatur à suis partibus.

N Vlli dubium est, totum seu compositum distinguī realiter à suis partibus sigillatim sumptis distinctione includentis ab inclusō: sic homo distinguitur ab anima. Neque etiam dubium est, quin distinguatur ab omnibus partibus sine vnione consideratis, cum formaliter dicat partes vnitas inter se. Quæstio igitur est, an totum dicat quandam entitatem realiter distinctam à materia & forma simul vnitis; ita vt homo quatenus compositum naturale, non sit corpus & anima rationalis simul vnita, sed tertia quædam entitas ab ijs distincta, vt Scotistæ & quidam alij existimant.

Dico primò, totum non est entitas distincta realiter à partibus vnitis.

Probatur: illa entitas vel est simplex vel composita: non simplex, cum in illa dicatur constitui compositum; si composita ex partibus, iterum quæram, num distinguatur ab illis? sic dabitur progressus in infinitum.

Probatur secundo, si compositum sit entitas distincta à partibus unitis, partes unitæ non erunt de composito, quod est absurdum, & cum illa entitas sit posterior partibus unitis, & ex illis resultare dicatur, quidni poterit Deus impedire resultantiam illius, sicut potest impedire ne frigus ex aqua resultet, ad hoc enim sufficit quod concursus suum illi denegat, cum sine illo produci vel existere nequeat? tunc partes essent unitæ & non esset totum, quod est absurdum.

Obicies primo, compositum est vnum per se; sed partes non sunt vnum per se; ergo partes distinguuntur à composito.

Respondeo: Nego minorem, partes enim unitæ sunt vnum per se; alioqui non essent unitæ, aduerte quod, ut aliquid dicatur vnum per se, debet esse substantia vna unitate compositionis vel simplicitatis. Secundo debet esse substantia completa vnius naturæ, ratione cuius habeat in se principium motus & quietis, sicque ponatur in vna serie prædicamentali. Ens verò per accidens est illud, quod non est vnum unitate compositionis vel simplicitatis, sed aggregationis, aut ordinis; vel vnum compositione accidentali, hoc est, tali ut non sit vnius naturæ, sicque ad plura prædicamenta spectet v.g. album, non est vnum per se, sed per accidens; quia considerari solet natura subiecti ut penitus distincta à ratione albedinis & ut in se completa. Nostra autem sententia confirmatur per illud 1. corinth. 12. *omnia autem*

membra

membra corporis cum sint multa, unum tamen corpus sunt & illud D. Augustini 7. de Trin. cap. 4. homo nihil est aliud quam anima & corpus, & illud D. Athanasij, anima rationalis & caro unus est homo. quæ omnia etiam confirmant nostram sententiam de vnione.

Obiicies secundo, partes simul vnita componunt totum; sed totum non componit totum; ergo totum non est partes vnita.

Resp. Disting. maiorem componunt totum vñ cum aliquo extrinseco, vel componunt totum tanquam aliquid sibi extrinsecum, Nego maiorem, componunt totum intrinsece per se ipsas, Concedo maiorem. Deinde distingo minorem; totum non componit totum per aliquid sibi extrinsecum, vel cum aliquo sibi extrinseco, Concedo minorem; per ea quæ sibi sunt intrinseca, Nego minorem, & vt appareat esse sophisma, resoluantur termini hoc modo, partes sunt componentia totum; sed totum non est componentia totum, & tunc Nego minorem.

Obiicies tertio, ex Aristotele 5. Metaphysic. cap. 14. Text. 16. sex non sunt bis 3. sed semel 6. item lib. 7. cap. 17. ait B A, non est B, & A; ergo totum aliquod distinguitur à partibus.

Respondeo, quidquid sit de mente Aristotelis bis 3. esse 6. secundum omnes Arithmetice peritos; sed forte requirit Aristoteles ad hoc vt sex homines, v. g. dicantur esse senarius numerus, coexistentiam illorum. Vnde 3. homines mortui cum 3. viuentibus non faciunt senarium numerum hominum. Sed erit quæstio de vocet nam 6. defuncti faciunt senarium numerum defunctorum; quomodo enim numerarentur defuncti; quoad B A, dico non esse simpliciter B,

& A, vt patet si aliter disponantur sic AB, sed esse B & A, cum tali ordine, vt prius ponatur B, & deinde A.

Obiicies quartò, omnis causa distinguitur ab effectu; sed partes sunt causa compositi.

Respondeo: distingo omnis causa extrinseca, Concedo: omnis causa intrinseca, Nego: idè causa materialis debet non distingui, vtpote causa intrinseca. Idem dic de causa formali, si sumatur pro forma speciali.

Obiicies quintò, inde sequeretur totum, cuius partes nòn dicunt vllam vnionem physicam inter se, nec ordinem; non distingui à suis partibus simpliciter sumptis, consequens est falsum; ergo & antecedens. Probatur: per illud axioma, vis vltra fortior est seipsà dispersà.

Respondeo sextò, gradus caloris, v.g. in statu vnionis nihil habent supra seipsos in statu dispersionis; quare. Concedo sequelam. Ad axioma Respondeo falsum esse simpliciter intellectum, vt verba sonant: attamen per accidens verum est; quia partibus virtutis dispersis sigillatim, maior opponitur vincendi contrarij vis, quam iisdem collectis in vnum. Quare virtus illa non est dicenda intrinsecè fortior, sed tantum extrinsecè, vt ita dicam, per remotiorem maiorem contrarij.

QVÆSTIO III.

An vnio sit essentialis compositio.

Diximus vnionem esse modum: modum autem esse statum rei non essentialem; vnde videtur vnionem non esse essentialem, & sic sentit Dabillon in sua metaph. disc. de toto q. 2.

Dico

Disp. I. De corpore naturali &c. 113

Dico : vnio est essentialis compositio.

Probatür : illud est essentialis sine quo res , nec esse nec concipi potest ; atqui compositum non potest esse , nec concipi sine vnione partium ; ergo vnio est essentialis compositio.

Dices , illud esse essentialis sine quo res non potest concipi absolute ; sed si res potest concipi absolute sine aliquo , illud non est essentialis , licet sine illo res non possit concipi relatiue , nec existere sine illo : sic non potest existere homo , quin dependeat à Deo , & tamen potest concipi secundum attributa essentialia sine Deo. Vnde dependentia non est illi essentialis ; quia est attributum relatiuum ; at vnitum est relatiuum attributum ; ergo non est essentialis.

Respondeo , compositum non posse concipi etiam absolute sine vnione. Probatür : aliquod non potest concipi absolute , vt in se est , nisi concipiatur illud per quod intrinsece constituitur , atqui compositum intrinsece constituitur per vnionem ; ergo non potest concipi sine vnione. Deinde partes sunt essentialis composito , vel igitur partes sumuntur simpliciter , vt sunt in se , vel vt sunt vnitæ. Non primum ; possunt enim esse partium entitates , & non esse compositum ; ergo secundum ; sed partes vt sunt vnitæ sunt ipsam vnio. Demum vnitum non est attributum compositi , sed tantum attributum partium , & fateor vnionem non esse essentialem partibus ; sed considerando esse essentialem composito.

Obiicies primò , vnio est modus ; sed nullus modus est essentialis ; ergo non est essentialis.

Respondeo , vnio est modus respectu partium , Concedo maiorem ; respectu compositi , Nego. Nam respectu illius vnio est modus , quod ab vnio-

ne modificatur; atqui compositum non modificatur per unionem, sed tantum partes: nam compositum non vnitur, sed per unionem constituitur, partes verò solæ vniuntur. Deinde modus supponit modificatum tanquam subiectum; atqui vnio non supponit compositum, aliàs esset antequam esset; ergo vnio non est modus respectu compositi. Probatur maior: Modus est status non essentialis; ergo est status accidentalis; ergo supponit subiectum cui accedit constitutum in suo esse.

Obiicies secundò, terminus totum, homo, &c. significat directè partes, vt corpus & animam, & connotant, aut clarè, aut obscurè partes se inuicem retinere; at se inuicem retinere non est essentialiale; importatur enim tantum in obliquo.

Respondeo, à parte rei, neque esse rectum, neque obliquum, & vtrumque si sit intrinsecum esse essentialiale composito, v.g. album dicit in recto subiectum, albedinem verò in obliquo; sed tam bene albedo est de essentia albi, quam ipsum subiectum; impossibile enim est formare conceptum albi, vt est concretum, quin albedo sit de tali conceptu. Sicut igitur albedo non est de essentia subiecti, quod est album; sed est de essentia concreti, scilicet albi: ita etiam vnio non est essentialis partibus; sed est essentialis composito.

Obiicies tertio, totum esset ens per accidens, quia fieret ex duabus substantiis, & vno accidente, aut modo.

Respondeo unionem, neque esse accidens, neque esse modum respectu compositi, vt dixi. Deinde quamvis esset modus, esset modus substantialis; atque adeo non officeret vnitati per se: nam
substantia

Disp. I. De corpore naturali &c. 117
subsistentia est modus, & tamen subsistens est vnum
per se.

Obiicies quarto, si vnio est aliquid essenziale,
Christus Dominus, in morte amisisset aliquid es-
sentiale, quod non est dicendum.

Respondeo amisisset realiter, Nego. Formaliter,
Concedo. Hoc est; non amisisset illud quod vnio
est realiter, partes, scilicet; licet amiserit actuale
exercitium patrum adinuicem, in quo nihil est
repugnans nihilque minus pium.

Obiicies quinto, illud est essenziale quod est
totale & perfectum principium operationum; ar-
qui vnio non est tale principium; ergo non est es-
sentialis.

Respondeo: distinguo minorem; vnio physice
sumpta non est tale principium, Nego; vnio me-
taphysice sumpta, subdistinguo, non est tale prin-
cipium, vt quod, Concedo; vt quo, Nego. Partes
sunt principium quod operatur; vnio vero est
principium quo partes operantur, hoc est par-
tes, vt vnita sunt principium totale opera-
tionum.

Q V Æ S T I O I V.

*An ha numero partes sint de essentia huius
numero compositi.*

STatuius supra art. 4. q. 7. formam specialem,
v. g. animam rationalem, non esse totam es-
sentiam compositi, sed etiam materiam sumptam
pro parte ignobiliore, verbi gratia, pro corpore
in homine, pertinere ad essentiam compositi. Sed
dubium est, an hæc numero materia sit de es-
sentia, vel solum aliqua indeterminata, vt sen-
tiunt

riunt Durand. & Suarez citati à Maillat. disp. 4. sect. 1.

Dico: hæ numero partes sunt de essentia compositi particularis.

Probatnr: sicut se habet materia in communi ad compositum substantiale in communi; ita hæc singularis ad tale singulare compositum; atqui materia in communi est de essentia compositi substantialis in communi; ergo hæc singularis materia est de essentia huius compositi singularis. Maior patet, quia sicut compositum in communi dicit suas partes componentes; ita hoc numero compositum debet habere suas partes ex quibus coalescat.

Confirmatur: Petrus non est hic homo determinate per aliquid indeterminatum, sed per naturam suam determinatam; ergo per hanc naturam; sed hæc natura non potest esse, nisi ex his partibus; ergo per has partes Petrus est hic homo.

Obiicies primò, essentia non dicit singularitatem, sed hæ partes dicunt singularitatem; ergo hæ partes non constituunt essentiam.

Respondéo, essentia metaphysicè considerata in communi, non dicit singularitatem, Concedo; physicè considerata in individuo, Nego.

Obiicies secundo, in quolibet essentia semper est eadem; atqui in homine sene non sunt eadem omnino partes, ac in iuvene propter continuam transpirationem insensibilem; ergo, &c.

Respondéo, Distinguo maiorem. Essentia metaphysica semper est eadem, Concedo; physica, subdiv. physicè, Nego, moraliter & quoad æstimationem, Concedo. Deinde disting. min. non sunt eadem partes physicè, Conc. moraliter, Nego;

Disp. II. De corpore naturali &c. 119
Nego; quia iactura materiæ fit paulatim, nec ab
ullo sensu percipitur.

DISPUTATIO II.

De quanto.

DE quantitate, quantum Metaphy-
sica conueniens est, egimus in Me-
taphysica: iam verò quæ in Physica de
illa disputari solent, discutiamus. Tria
autem de illa inquiruntur; primum est
quid sit quantitas: Secundum quomodo
constituat continuum: Tertium denique,
num extendi possit in infinitum. Ideò
disputationem istam in tres diuido ar-
ticulos.

ARTICVLVS I.

De quantitate.

VT, quid sit quantitas, nobis innotescat: duo
sunt discutienda, nempe in quò ratio quan-
titaris consistat & an sit entitas quædam realiter
distincta à re quanta.

Q V Æ S T I O I.

In quo consistat ratio quantitatis.

Suppono primò, duplicem esse quantitatem : aliam voco radicalem siue potentialem, aliam verò formalem siue actualem. Formalis est ipsa actualis extensio partium extra partes : radicalis verò nihil est aliud quam ipsa distinctio partium ratione cuius res postulat & exigit habere illas ita dispositas ut una sit extra aliam.

Suppono secundò, esse aliquos qui quantitatem actualem dicunt esse duplicem ; alia enim est extensio in ordine ad se, ita ut una pars sit extra aliam serueturque ordo capitis, colli, brachiorum, &c. licet de facto non respondeat suus locus singulis partibus : alia est extensio in ordine ad locum, quæ est cum res sic replet actu locum ut singulis eius partibus singulæ etiam atque distinctæ partes loci correspondeant. Hæc autem duplex extensio inuenta est occasione sanctissimi Sacramenti, in quo, ut docent illi authores, corpus Christi Domini constituitur penetratiue, re-tenta nihilominus tota illa extensione quam ex vi quantitatis partes habent in ordine ad se, ita ut, sicut diximus, seruetur ordo capitis, trunci, &c. idque in loco indivisibili.

Dico primò, nihil est extensum in ordine ad se actualiter quin etiam sit extensum in ordine ad locum.

Probatur : duplex illa extensio continet manifestam contradictionem, si extensio in ordine ad se supponatur esse sine extensione in ordine ad locum, nam ex suppositione partes sunt in eodem loco

Disp. 11. De corpore naturali &c. 121

loco, deinde cum vna sit extra aliam non sunt in eodem loco; posito enim quod caput sit extra truncum; potest angelus vel ipse Deus demonstrare illas partes & dicere hic est caput, isthic truncus, illic pes; sed esse hic & isthic est non esse in eodem loco.

Confirmatur primò: vel partes se penetrant, vel non se penetrant. Nisi se penetrant, sunt in diuersis locis, si verò se penetrant, vna est intra aliam, nam penetrare nihil est aliud quam penetrare intrare in aliud, & duo angeli nunquam dicentur sese penetrare, nisi vnus sit intra alium. Quare dicendum est partes corporis Christi D. sicut sunt in eodem loco, esse etiam intra se inuicem.

Confirmatur secundò: omnes Doctores asserunt corpus Christi D. prout est in Eucharistia non habere vllas functiones sensuum, quia se mutuo partes penetrant & organisatio non remanet; sed, si partes essent extra partes, remaneret organisatio; ergo partes possent operari, oculus videre, auris audire, &c. quid enim impediret? sicuti igitur pars quæ existit, alicubi existit, ita etiam pars quæ existit extra aliam, alibi existit, attamen prius est secundum nostrum modum concipiendi partes esse extra partes & extendi in ordine ad se quam partes esse alibi & extendi in ordine ad locum: sicut prius est rem existere quam alicubi existere, sed aliud est esse prius metaphysicè, hoc est, secundum nostrum modum concipiendi & aliud esse prius physice & à parte rei.

Dico secundò, vera & propria ratio quantitatis formalis est extensio partium extra partes.

Illà definitio est adeo clara vt explicatione non indigeat: conuenit omni & soli quantitati formali,

Physica.

F.

talis

talisque extensio est radix eorum omnium quæ convenire dicuntur substantiæ ratione quantitatis; nam ex eo quod partes sint extra partes, sequitur primo esse impenetrabiles inter se: quia implicat quod, pro ut una est extra aliam, invicem penetrentur, & una sit intra aliam. Dico, inter se, nam etiam manente impenetrabilitate partium inter se, posset illud corpus ab alio penetrari, v.g. si globus aureus globum argenteum penetraret, uterque retineret suam quantitatem, modò partes utriusque extra partes persisterent, sicuti globus ille aureus suam retineret quantitatem, etiam si ab angelo penetraretur. Secundo sequitur substantiam illam esse divisibilem; quandiu enim omnes partes sunt in puncto, cogitari non potest quomodo posset totum diuidi, esset tamen divisibile radicaliter quatenus partes sunt inter se distinctæ. Tertio sequitur substantiam esse mensurabilem; partes enim quæ in puncto sunt mensurari non possunt.

Obijcies: corpus Christi D. habet suam quantitatem actualem, atque adeo habet partes extra partes in ordine ad se & tamen rō est extensum in ordine ad locum; ergo ratio quantitatis non consistit in hoc quod est habere partes extra partes, cum inde sequatur partes esse extensas in ordine ad locum.

Respondeo; Nego antecedens; corpus enim Christi Domini habet quidem quantitatem suam potentialem & radicalem, quatenus una pars non est alia, sed non habet formalem & actualem quantitatem, ita ut una pars sit extra aliam.

QVÆSTIO II.

An quantitas sit aliquid realiter distinctum à rebus quantis.

QVæstionem hanc esse Philosophicam fatetur Lambertus in 3. p. ad q. 77. d. 1. a. 2. ad fidem igitur non pertinet. Thomistæ quidem omnes, quibus assentitur Suarez cum multis aliis, asserunt quantitatem esse accidens ab omni prorsus substantia distinctum. Nominales verò Aureolus, Okam, Gabriel. & alij contrarium omnino statuerunt eisque subscribunt, Maignan, Guarini, Arriaga; &c.

Dico: quantitas non est entitas realiter distincta à rebus quantis.

Probatur: quantitas est ratio per quam corpus habet partes extra partes; atqui talis ratio non est entitas realiter distincta; ergo neque quantitas. Probatur minor, Corpus habet partes ab inuicem distinctas per se ipsas; vnum quodlibet enim distinguitur ab alio per illud ipsum quod ipsum est & non per aliquid distinctum; atqui independenter à quantitate quæ sit entitas distincta, vna pars potest esse in vno loco in quo non est alia pars, imo illud exigit; ergo materia per se est extensa, atque adeo, cum non sint multiplicanda entia sine necessitate, frustra admitteretur alia entitas; cuius ratio in quo consistat nondum clare explicuerunt aduersarij.

Dices partes omnes coiruras in punctum, si corpus sua denudaretur quantitate: vel saltem haberent extensionem indeterminatam eo modo quo angelus.

Contra: neutrum fieri potest sine penetratio-
 ne; at in illo etiam casu non posset fieri penetra-
 tio sine nouo miraculo; ergo dici non debet ex
 eo praeile quod auferretur quantitas si esset di-
 stincta, partes coituras in punctum. Probatur
 minor: illud fieri nequit sine miraculo quod fieri
 nequit sine concursu Dei extraordinarie operan-
 te; atqui tunc talis concursus esset necessarius;
 ergo tunc esset miraculum. Probatur: minor tunc
 concursus dicitur extraordinarius quando Deus
 non se accommodat exigentiis creaturarum, sed
 contra illas operatur; atqui Deus tunc operaretur
 contra exigentiam materiae; ergo. Probatur
 minor: materia ex aduersariis habet appetitum
 innatum ad omnes formas & quidem per se ipsam
 nullo alio superaddito, quarum etiam per se est
 primum subiectum; atqui formae supponunt eam
 ut habentem partes & distinctas & extra se inui-
 cem positas, imo, ut docent aduersarii, ipsamet
 non alia de causa habent in se similes partes qui-
 bus constant entitatiue, quam quia eductae sunt
 e materia tales habente primitus partes; ergo
 materia huc ipso quod appetit formas, appetit
 esse actu extensa; sed per se appetit formas; ergo
 per se appetit esse actu extensa; Probatur minor.
 Materia non potest habere appetitum ad formas
 quin appetat excipere actiones agentium a qui-
 bus producuntur formae; atqui agentia naturalia
 non possunt agere in indiuisibile & indetermina-
 tum; nam virtus extensa & determinata non po-
 test applicari subiecto indiuisibili & indetermi-
 nato; atqui agentium naturalium virtus est extensa
 & determinata; ergo appetit esse actu extensa:
 dicendum ergo erit cum ex aduersariis essentia
 materiae consistat in eo quod ad formas ordinata
 sit,

Disp. II. De corpore naturali &c. 125
fit, illam esse secundum se extensam & exigere
dimensiones.

Dices secundò, talem extensionem exigere
conuenire materiæ ratione quantitatis, quam pri-
mo exigit.

Contra: materia potest exigere per se quanti-
tatem; ergo per se formas substantiales appetit;
ergo etiam & extensionem actualem sine qua non
potest appetere formas, cum sine tali extensione
non sit capax illarum. Confirmatur ex eo quod
independenter à quantitate distincta est primum
subiectum illarum; hoc enim habet essentialiter,
& ex sua definitione primaria. Deinde vel quan-
titas distincta à materia exigitur immediatè, vel
ratione entis superadditi. Si secundum, erit
processus in infinitum: si primum, habeo in-
tentum, quia tam bene poterat exigere impen-
etrationem, imò citius, cum non exigit quantita-
tem, nisi propter actualem impenetrationem: exi-
gentia autem finis est prior exigentiâ mediorum.

Probatur secundò, exigentiâ impenetrabilitatis
prouenit à partibus entitatiuis, quia ex sese sunt
tales ut possint, ac debeant pati ab agentibus na-
turalibus in ordine ad generationes; atqui partes
entitatiuæ non distinguuntur ab entitate corpo-
ris, quæ sine dubio non distinguitur ab ipso cor-
pore realiter, & inde quantitas dicta est quasi
quanta entitas; dicendum est ergo quantitatem,
non esse entitatem superadditam ipsis rebus quan-
tis, sed esse ipsammet materiam, ut partes eius
exigunt esse non simul.

Probatur tertio, si quantitas esset accidens rea-
liter distinctum à substantia, vel in illa extensa
reciperetur, vel inextensa: Non primum, quia
sic substantia esset extensa sine quantitate: Non

secundum, quia subiectum inextensum, & indiuisibile non est commensuratum accidenti extenso & diuisibili.

Dices cum Petro à sancto Ioseph quantitatem recipi in substantia extensa, quoad spatium; quia in re nulla est repugnantia; illa enim extensio facit tantum ut una pars substantiæ sit extra aliam, sed non ut locum propriè repleat, cum non impediat quin corpus aliud etiam quantum in eodem loco esse possit.

Respondeo: Spatium & locum esse vnum, & idem sentiunt omnes, atque adeo si substantia est extensa in ordine ad spatium, erit extensa in ordine ad locum. Quod si aliquod sit discrimen, dico non posse substantiam esse extensam in ordine ad spatium, quod iam esset idem ac esse extensam in ordine ad se, & non esse extensam in ordine ad locum, ut iam probauimus. Impedire autem quin aliud corpus sit in eodem loco non est primum in quantitate, atque adeo potest esse quantitas sine illo, sicut esset perfecta quantitas in pariete, etiamsi illum Angelus penetraret. Demum si partes sint extensæ in ordine ad spatium, ex eo præcisè impeditur quin aliud corpus sit in eodem loco, nisi adsit nouum miraculum, & certè si partes sese impendant adinuicem ne penetrentur, impediunt etiam & quodlibet aliud corpus.

Probatur quartò, quodlibet corpus habet ex se exigentiam habendi partes non simul, & non habent hoc ratione alicuius superadditi: nam illud superadditum, vel caret partibus, vel non: Non primum, quia quod est simplex est necessariò eorum simul ubicunque est, quod autem est eorum simul non potest per se formaliter tribue-

Disp. II. De corpore naturali &c. § 27

re aliis esse, vel exigere esse non simul. Si secundum, iterum quæram num partes quas habet postulent esse non simul, aut non postulent; si secundum, datur progressus in infinitum; si primum quare non sistebas in ipsis partibus materiæ? substantia ergo corporea est per se ipsam quantitas.

Obiicies primò, impenetrabilitas pertinet ad corpus; atqui non potest provenire à materia; aut à forma: nam essentia materiæ est esse susceptivam formæ, formæ verò est actuare materiam, in quibus conceptibus non intelligitur impenetrabilitas; ergo impenetrabilitas non provenit ab ipsis; ergo ab aliqua forma accidentali; ergo à quantitate.

Respondeo, illud argumentum nimis probare, atque adeo nihil probare; probaret enim materiam primam, aut formam non exigere per se aliquam vicationem, cum viciatio non includatur in illorum essentia. Deinde illi conceptus assignari non sunt adæquati, & quamvis essent adæquati illi sunt tantum essentia metaphysica, non physica.

Obiicies secundò, cum Suarez metaph. disp. 46. sect. 2. num. 8. in mysterio Eucharistiæ Deus separavit quantitatem à substantiis panis & vini conservans illam, & has convertens in corpus & sanguinem suum, id autem fieri non potuisset, nisi quantitas ex natura rei distingueretur à substantia; neque sufficere potuisset distinctio modalis; at quantitas non est modus substantiæ, quia modus non est ita separabilis à re cuius est modus, ut sine illa esse possit.

Respondeo, Nego maiorem. Ad minorem, dico ad illam separationem non sufficere distinctionem ex natura rei, aut modalem, sed ad illam, si daretur, requireretur distinctio realis maior; sed

quia talis separatio non datur; ergo nec talis distinctio; quantitas enim potentialis & radicalis propriè nihil aliud est, quam partes distinctæ, & sic est ipsamet materia; at verò quantitas actualis & formalis est extensio partium in ordine ad locum, quæ sine dubio est tantum modus.

Instabis: remanet de facto quantitas actualis & formalis; manet enim eius effectus formalis, hostia consecrata est quanta & extensa in suo loco, ut naturaliter non possit in eodem simul esse, aut penetrari cum alia hostia consecrata, aut quovis corpore.

Respondéo: illo argumento probarent aduersarij manere totam substantiam panis; superest enim actus nutriendi, tam bene, quam impenetratio, & reuera tantum foret miraculum quantitatem esse separatam à subiecto, ut mirum omnino esset sanctos Patres, præcipuè eos qui aderant Concilio Trid. de eo siluisse. Sicut igitur aduersarij dicunt Christum Dominum supplere defectum substantiæ panis in nutritione, &c. ita etiam supplet defectum illius in effectibus quantitatis.

Instabis secundo: Quid est igitur illa extensio & impenetratio?

Respondéo, esse actiones Christi Domini producentis species altas in spatio quod occuparet substantia panis, & resistentis tactui sicuti resistisset substantia panis.

Obiicies tertio, cum Petro à sancto Ioseph ablata panis substantiâ in Sacramento altaris omnia accidentia illius æquè manent inter se colligata & vnita ac ante consecrationem; atqui hoc fieri non potest si nullum habent commune subiectum in quo vniantur; ergo remanet quantitas tanquam commune subiectum.

Respon

Respondeo primò, aduerſarij deberent animaduertere Concilium Conſtantienſe damnafſe hanc propoſitionem Vvicleſi; accidentia non manent ſine ſubiecto; atqui in ſententia aduerſariorum accidentia non manent ſine quantitate; ergo non manent ſine ſubiecto, & quidem proprio & proximo. Scio illos reſponſuros accidentia remanere ſine ſubiecto remoto, ſcilicet, ſine ſubſtantia panis. & hoc ſufficere, ſed ſi velint, vt nos excipiamus eorum explicationem, accipiant & illi noſtram quam expoſuimus in metaphyſica, cum de accidente ageremus.

Reſpondeo ſecundò, illa accidentia eſſe ſpecies, quæ ſatis manent colligatæ per omnipotentiam Dei, quæ ſine dubio ſar virium habet vt illas retineat ne diſſipentur: vel clarius, cum illæ ſpecies ſint actiones Chriſti Domini tenentis locum panis, dicendum eſt illas manere ſufficienter colligatas ex eo quod Chriſtus agat tantùm tali modo intra illud ſpaciũ.

Inſtabis cum eodem: accidentia inmutantur poſt conſecrationem eodem modo, at qua ratione fit talis immutatio; ſi nullum eſt ibi eius ſubiectum? quomodo expellitur frigus per calorem aduenientem, niſi detur vtriuſque commune ſubiectum? & quomodo in ſpeciebus producit calor, ſi nulla adeſt quantitas ſubſtantię locum tenens ex qua educatur? cum enim qualitas non educatur ex qualitate, ſequeretur calorem ſpeciebus aduenientem fieri ex nihilo, adeoque ab igne creari, quod ſaltem naturaliter impoſſibile eſt. Fingere autem id fieri per miraculum, perquam abſurdum eſt, cum res aliter commodè intelligi poſſit, admiſſâ nempe quantitate panis, quæ eſt ſubiectum proximum accidentium.

Respondeo, nequaquam absurdum esse, dicere id fieri per miraculum. Quasi verò debeamus esse parci & morosi in admittendis miraculis in mysterio, in quo Deus fecit memoriam mirabilium suorum. Non sunt quidem admittenda miracula sine causa, sed hic adest ratio illa admittendi, scilicet absentia substantiæ panis. Deinde minus peripatetica est tōra instantia, anne è quantitate educuntur accidentia? Certè in scholis peripateticis semper auditum fuit accidens non accidere accidenti, vt docet Aristoteles, 5. metaphysic. Text. 14. Deinde, esto, educantur è quantitate tanquam è subiecto proximo, deest semper subiectum remotum, nempe substantia panis, cuius concursus, qui principalis esset in productione accidentium suppleri non potest, nisi per miraculum à quocunque suppleatur. Quomodo autem hostia fiat calida non dicam clarè, donec explicuero quid sit calor. Interim dico Christum Dominum supplere defectum substantiæ panis, & quandoquidem aduersarij amant parcimoniam miraculorum, dici potest in nostra sententia esse tantum vnum miraculum, scilicet, quod Christus Dominus suppleat defectum substantiæ panis, suppleat, inquam, in genere causæ efficientis.

Obiicies quartò, cum Arn. Log. art. 157. auctoritatem Aristotelis 7. Metaphys. Textu 8. vbi ait: *Longitudo, latitudo & profunditas, quantitates quædam, sed non substantia sunt; quantitas enim non est substantia, sed magis cui hac ipsa primo insunt illud est substantia.* Vnde sic argumentatur auctor ille: quando vnum realiter & absolute negatur de alio per secundam operationem intellectus, realiter ab illo distinguitur, sed secundum Philosophum per secundam operationem intellectus quantitas.

quantitas realiter, & absolute negatur de substantia; absolute enim profert quod substantia non est quantitas; ergo secundum mentem Philosophi absolute distinguuntur. Deinde confirmat suam argumentationem ex eodem Aristot. 1. phys. Text. 15. *Si substantia & quantum sunt, duo sunt,* & Text. 13. *Si substantia quantum & quale sunt, non vnum, sed multa sunt.* Sed impossibile est realiter numerum fieri, nisi sint aliqua realiter distincta secundum illam rationem secundum quam est numerus, quia numerus est multitudo aggregata ex unitatibus, implicat autem aliquid ex multis aggregari, nisi ab illis realiter distinguatur.

Respondeo authoritatem Aristotelis ab Atomistis, non recipi ut dubiorum decusiam, honoris tamen causa placet illam explicare, iuxta geminum sensum. Aristoteles igitur ut metaphysicus loquitur; sic enim post Alexandrum docent Comibr. explanantes locum de physicis allatum, & ideo Aristoteles pro substantia, habet semper, *usia*, qui terminus Latine redditur essentia; essentia autem est terminus magis metaphysicus, quam physicus, quantitas igitur non est substantia metaphysice, & absolute sumpta, quia proprietas metaphysice non est essentia a qua fuit, licet realiter sint vnum & idem. Similiter substantia, quantum, & quale sunt multa metaphysice, licet physice sint vnum, quia cum a parte rei identificentur inter se, diuerso tamen modo concipiuntur; sunt igitur distincta secundum illam rationem secundum quam faciunt numerum, quia faciunt numerum secundum rationem metaphysicam duntaxat.

Ad illam maiorem, quando vnum realiter, & absolute negatur de alio per secundam operationem

tionem intellectus realiter ab illo distinguitur, Respondeo maiorem illam multa luce, atque limitatione indigere, Primò enim quidquid negatur, realiter negatur; negatio enim realiter est in mente, nec negari potest, nisi per secundam operationem. Deinde quam multa realiter, & absolute negantur ita se habere realiter à parte rei, quæ tamen reuera ita de facto non sunt. Diuinitatem Arriani negant realiter, & absolute de verbo & Macedoniani de Spiritu Sancto; nunquid ergo diuinitas distinguitur realiter à Verbo, & Spiritu Sancto. Deinde quando vnum negatur de alio, distinguitur quidem ab illo secundum illam rationem secundum quam negatur, sed non est necesse, vt distinguatur realiter, neque secundum omnem aliam rationem.

ARTICVLVS II.

De Continuo.

NVlla sanè est in tota Philosophia quæstio, quæ maiora hominum ingenius tormenta pepererit, quam quæ de continui compositione proponitur: nullibi acrius Scholasticè discipatur: hæc autem opinionum diuersitas prouenit ex eo quod mathematica & metaphysica à physicis non satis cautè discreuerint. Sunt quidem quinque præcipuæ opiniones quas sequentibus discutiemus quæstionibus, modò quædam præcognoscenda explicuerimus.

Q V Æ S T I O I.

*Quid sit continuum, quanam partes illius,
quid & quoinplex punctum.*

Dico primò, Continua, ex Aristotele, sunt quorum extrema sunt vnum. Contigua quorum extrema sunt simul, seu quæ se tangunt; deinceps esse dicuntur inter quæ nihil ejusdem generis mediat. Vnde continuum est illud cuius extrema sunt vnum, hoc est cuius extrema uniuntur inter se, non autem necesse est vt uniantur immediate; sit enim linea septem punctorum. Primum punctum, & septimum sunt extrema illius continui, sed uniuntur tantum per intermedia puncta, & punctum primum & secundum uniuntur immediate inter se.

Quæres, vtrum lignum viride cum ligno sicco faciant vnum continuum. Respondeo affirmatiue; partes enim uniuntur inter se, & quando trahitur vnum, trahitur etiam & aliud, quando autem Aristoteles vult, vt duo faciant vnum continuum, faceret etiam vnum numero, vel negandum est illud esse necessarium si intelligatur sic vt omnes partes debeant esse similes; vel dicendum voluisse Aristotelem illa debere facere vnum numero in ratione continui, licet non faciant vnum in ratione corporis naturalis.

Dico secundò, partes sunt ea ex quibus totum componitur. Igitur partes continui sunt partes materiæ extra se inuicem extensæ; si enim essent penetratæ non facerent extensionem, atque adeo nec continuum. Quadruplicis autem generis assignantur partes à variis authoribus pro intelligentia

telligentia compositionis continui, scilicet aliquotæ, aliquantæ, proportionales, communicantes.

Partes aliquotæ sic dictæ sunt, quia aliquoties repetitæ exhaustiunt præcisè totum v.g. palmus est pars aliquota vlnæ, quia octies repetitus exhaustit præcisè vlnam.

Partes aliquantæ sunt illæ quæ aliquoties repetitæ non exhaustiunt præcisè totum, sed vel excedunt vel exceduntur, v.g. si intelligatur aliqua quantitas habere octo palmos, pars constans tribus palmis est pars aliquanta, quia non exhaustit præcisè totum; nam si bis repetatur, faciet sex, atque adeo minorem quantitatem, si verò repetatur ter, faciet maiorem.

Partes proportionales sic dicuntur quia cum proportionem decrescunt, harum nulla est certa magnitudo, ex suppositione quod continuum infinitum diuisibile, quatenus possunt esse minores & minores in infinitum, v.g. quantitas bipedalis potest diuidi in duas medietates & quælibet in alias duas, &c. Dicuntur igitur proportionales quasi proportionaliter minores; quia sicut se habet totum ad primas medietates, ita quælibet prima medietas ad alias medietates in quas diuidi potest.

Partes communicantes sunt quæ non distinguuntur totaliter ab aliis partibus, sed habent aliquid commune cum illis, v.g. si concipiatur mensura diuisa in quatuor palmos, medietas primi palmi cum medietate secundi facit vnam partem communicantem, seu vnum palmum communicantem; item tres quartæ primi palmi cum vna quarta secundi faciunt alium palmum communicantem.

Dico tertio, punctum, id cuius pars nulla est.

ab

ab Euclide definitur, quam definitionem jam non examiniabo: est autem aliud mathematicum, aliud physicum, aliud morale: rursus aliud est terminans, aliud copulans.

Punctum morale dicitur quodlibet signum quod non datur communiter minus, sic istud signum, . . . dicitur punctum.

Punctum mathematicum est minimum quod excogitari potest, ita ut in illo nulla concipiatur extensio.

Punctum physicum est illud quod nullas quidem habet partes, habet tamen quamdam extensionem, & istud adhuc duplex ponitur ab authoribus; aliud quidem dicitur esse determinatæ extensionis, aliud verò indeterminatæ, quia dicitur posse occupare spatium minus & minus in infinitum eo modo quo angeli habent modo maiorem modo minorem spheram præsentis: unde dicitur esse realiter indiuisibile, virtualiter tamen diuisibile in infinitum: imò à quibusdam dicitur punctum inflatum.

Punctum terminans est extremum lineæ, & sic dicitur quia eam terminat.

Punctum copulans dicitur esse quod duas partes continui copulet inter se.

Q V Æ S T I O II.

Quid sentiendum de opinione Zenonis.

Zeno docuit quodlibet continuum constare è punctis, ita ut iuxta illorum multitudinem continuum sit magnum vel paruum; licet autem, propter doctrinæ vetustatem, non liquido constet de illius doctrina, creditur tamen eum censuisse puncta

puncta illa esse mathematica & sine vlla extensione, finita, vt referunt aliqui, infinita vero, vt referunt alij. Vt hæc sententia sic exposita reuocetur.

Dico primò, continuum non potest constare ex punctis mathematicis finitis.

Probatur: nullum datur punctum mathematicum, ergo Continuum non potest constare ex punctis mathematicis. Probatur antecedens: punctum mathematicum est minimum quod excogitari potest; atqui punctum non potest excogitari tam paruum quin adhuc minus excogitari possit; ergo non datur punctum mathematicum. Confirmatur ex eo quod mathematici sic faciant suas suppositione vt semper veræ sint demonstrationes eorum siue in subiecto sint puncta, siue non, modò excogitari possint.

Probatur secundò, punctum mathematicum additum puncto mathematico non potest facere extensionem; ergo continuum non constat ex punctis mathematicis. Probatur antecedens: quæ sunt penetratiue nullam possunt facere extensionem per sui vnionem; sed illa puncta se penetrarent; ergo non possent facere extensionem. Probatur minor: quæ se adæquate tangunt se inuicem penetrant; sed puncta illa se adæquate tangerent; ergo sese penetrarent.

Dices punctum etsi indiuisibile habere tamen varia latera versus orientem & occidentem, &c. & ideo possunt illa puncta esse immediate contigua etsi non se penetrrent.

Respondeo, illam rationem esse legitimam pro punctis physicis eamque nos infra afferemus, sed non valet pro tuendis punctis mathematicis; nam si illa puncta habent varia latera; ergo non sunt minima.

Disp. II. De corpore naturali &c. 137
minima quæ excogitari possunt, atque adeo non
sunt mathematica.

Dices iterum ex D. Aug. lib. 2. de libero arb.
cap. 8. quantulumcumque illud corpusculum sit
habet sinistram, dexteram, interiorem, superio-
rem, &c.

Respondeo: punctum mathematicum ex sua
definitione est quo non potest excogitari minus;
ergo non potest habere dexteram, & sinistram,
atque adeo dari non potest, cum si dateretur, dex-
teram & sinistram habere necesse esset; D. igitur
Augustinus loquitur de atomo physica.

Probat̃ur tertio, si dentur solum puncta in con-
tinuo, sequitur mobile velox nunquam posse asse-
qui mobile tardum in eadem linea; sit enim Achil-
les in puncto A, & testudo in puncto B, tum sic
aio, Achilles non potest vnico instanti percurrere
duo puncta; debet enim transire per medium;
ergo percurrit tantum vnum punctum, sed testu-
do similiter in eodem instanti non potest percur-
rere minus quam vnum punctum, cum punctum
sit indiuisibile. Deinde in secundo instanti quando
Achilles percurreret aliud punctum, testudo simili-
ter aliud & sic Achilles numquam assequetur te-
studinem, quod est absurdum.

Dices tarditatem motus consistere in morulis
& quò morulæ illæ sunt maiores, eò motus est tar-
dior & quò minores, eò motus est velocior; vnde
in allato exemplo Achilles tandem assequetur te-
studinem.

Respondeo exinde sequi motum testudinis non
esse continuum quandoquidem morulis interrump-
peretur: imò sequeretur nullum esse motum con-
tinuum; nam velox & tardum sunt termini rela-
tīui, sicut magnum & paruum: saltem nullus datur
motus

morus adeo velox, quin possit dari alius longè velocior respectu cuius ille poterit dici tardus; ergo constabit ex morulis quibus interrumpetur, atque adeo non erit continuus.

Confirmatur alio exemplo: quando rota mouetur, aut sphaera, maximus circulus, & minor circulus simul & semel mouentur, & amborum reuolutio eodem instanti perficitur; si igitur sumatur aliquod punctum in maiori circulo, v. g. A terminans radium aliquem; illud punctum velocius mouebitur, quam punctum illi respondens B in circulo minori, tunc tamen explicari non potest velocitas motus, aut tarditas per morulas; nam quando mouetur maior circulus, mouetur & minor; & quando quiescit, minor etiam quiescit, aliàs radij diuicarentur. Non est autem vllatenus probabile id quod ad hanc difficultatem soluendam respondet Ouiedo radios quidem rotæ vel sphaeræ non diuicari, sed insecti eo modo quo virga viridis insectitur, aut etiam ensis absque vlla fractione. Illud inquam non est probabile; nam quando rota est ænea aut mormorea, radij non possunt ita insecti, præsertim quando vnus circulus est alio maior centuplum aut milles: certe inflexio illa gratis est excogitata.

Probatum quartò, demonstraui Euclides l. 1. p. 10. datam quamlibet lineam terminatam æqualiter diuidi posse, sed si detur linea constans ex quinque punctis, hæc diuisio fieri non potest; ergo linea non constat ex punctis.

Responder Arriaga, facile negabitur id ab Euclide fuisse demonstratum aut posse demonstrari; neque enim videretur linea posse exigere ex suo conceptu esse diuisibilem in partes æquales omnino, sed *nemo ægeometra huc ingreditur*: nec patrono

Disp. I-I. De corpore naturali &c. 139

patrono indiget Euclides. Paulo cautius respondimus infra & quidem feliciori successu.

Probatur quinto, ex illa opinione sequeretur non posse dari triangulum cuius latera essent maiora basi in quolibet enim latere non sunt plura puncta quam in basi: Probatur. Linea succedens basi est minor ipsa basi, ut facile demonstrari potest per elementa Euclidis, & patet ad oculum; igitur si basis supponatur habere decem puncta, linea succedens, utpote minor, haberet novem, & altera succedens octo &c. usque ad unum punctum; ergo latus non posset habere plusquam decem puncta & consequenter non posset esse maius basi; quod est absurdum. Quam plurimæ aliæ ex mathematicis afferuntur probationes ut quod diagonalis esset æqualis costæ, & diameter semicirculo quas libens omitto.

Dico secundo, continuum non potest constare ex punctis mathematicis infinitis. Hæc conclusio probari potest omnibus fere argumentis quibus Probatur prima conclusio, attramen speculiter

Probatur. Vel punctam additum puncto facit maius vel non. Si secundum, ergo neque infinita puncta. Si primum, sic argumentor: punctum additum puncto facit duplo maius sub determinata mole, vel quantitate; igitur duo addita triplo maius; tria quadruplo, &c. Igitur infinita facerent infinite maius, & sic corpora quælibet haberent infinitam magnitudinem.

Obijcies primo, corpus perfecte sphericum tangit planum in puncto; ergo datur punctum seu indivisibile. Deinde cylinder tangit planum in linea; ergo datur linea; tandem planum tangit aliud planum in superficie, ergo dantur veræ superficies.

ficies & consequenter continuum constat ex indiuisibilibus.

Respondeo hæc omnia verificari & probari demonstratiue in mathematicis ; non est autem necesse vt similiter ad rigorem verificentur in physicis, vt quæstione quinta explicabimus. Igitur mathematici argumentantur tantum ex suppositione ; illi enim sic argumentantur vt si darentur puncta illa & lineæ & superficies omnino indiuisibiles & sine vlla extensione, imo hoc esse necesse patet ; quomodo enim è quolibet puncto circuli posset excitari diameter ? nonne coirent lineæ in circulo proximiori centro, imo nec potest cogitari circulus circa centrum, nisi centrum habeat aliquam extensionem ; at si habeat extensionem, iam non est punctum mathematicum.

Obijcies secundo, ita se habet punctum in linea sicut vnitas in numero ; at numerus constat tantum ex vnitatibus quæ sunt indiuisibiles ; ergo & linea constat ex punctis indiuisibilibus.

Respondeo primo, mathematicè quamlibet vnitatem esse diuisibilem in suas minutias ; ergo & quodlibet punctum ; secundo ad hoc vt vnitas cum alia vnitare faciat numerum, non est necesse vt vnitas physice vniatur cum alia vnitare ; sufficit enim si vniatur tantum per mentem ; at vt punctum cum puncto faciat continuum, necesse est vt vniantur physice, quod fieri non potest nisi penetrantur, si puncta sint mathematica, vt supra probatum est ; Igitur, vt mox dixi, mathematici sumunt quantitatem pure prout præcisè dicit longum, latum, & profundum, longitudinem sumunt etiam puram quasi carentem latitudine ; quia sic faciunt suam hyporhesim, vt ad eam nulla cgeant latitudine pro lineis nec profunditate

Disp. II. De corpore naturali &c. 141
funditate pro superficiebus, quia theoremata eorum etiam abstracta sunt, & hinc nata est occasio errandi in physicis.

Dices: duorum planorum contactus est verus & non solum imaginarius; at fit in superficie sola; ergo datur superficies.

Contra: talis contactus est verus & realis & fit in aliquo vere existente in corpore plano & fit secundum longum & latum, non autem secundum profunditatem; sicut illa superficies, si daretur rangeret eodem modo corpus, geometriz verò non attendunt puncta & lineas ut sunt in re, sed solum in abstracto.

Q V Æ S T I O II.

Quid sentiendum de opinione Aristotelis.

Aristoteles contendit quodlibet continuum constare ex partibus proportionaliter diuisibilibus in infinitum; ita ut corpus magnitudine tantum æquans areæ granum possit toties subdividi proportionaliter ut numquam ad ultimam diuisionem perueniri possit.

Dico: continuum constare non potest ex partibus proportionaliter diuisibilibus in infinitum.

Probatur primo: tota res continui explicari potest per finita actu; ergo non debent poni infinita actu; ergo in continuo non sunt infinitæ partes proportionales aut communicantes; sequeretur enim esse infinitas partes communicantes diuersæ.

Probatur secundo, quælibet pars est extra aliam; nulla enim penetratur cum alia; si enim una penetraretur cum alia, cur non aliarum omnes cum sint omnes

omnes eiusdem rationis ? igitur quælibet pars continui est in singulari loco, & quia sunt infinitæ partes, erunt infinita loca ; & sic dabitur infinitum clausum terminis & actu infinitum, quandoquidem cuilibet parti actu existenti assignari potest Angelus, & sic erunt infiniti Angeli.

Probatur tertio, continuum est diuisibile ; ergo si constet ex duobus palmis, est diuisibile in duos palmos, si ex quatuor semipalmis ; est diuisibile in quatuor semipalmos, atque ita in infinitum ; potest igitur diuidi quantum est diuisibile in singula illa ex quibus constat ; igitur diuidatur à Deo simul quantum diuidi potest ; certe nihil manet in eo diuisibile amplius ; igitur constat ex indiuisibilibus.

Dices non posse diuidi collectiue, quantum diuidi potest, sed tantum distributiue.

Respondeo diuidi collectiue idem est ac diuidi simul ; atqui, si constat simul ex duobus palmis, simul potest diuidi in duos palmos, si ex quatuor semipalmis in quatuor semipalmos, & sic in infinitum. Igitur si constat actu ex omnibus partibus suis simul potest diuidi in omnes partes suas, quia in ea potest diuidi ex quibus actu constat.

Dices secundo, esto ; sint infinitæ partes actus ; vna tamen pars non potest ab omni alia separata existere.

Respondeo, vnā non dependere ab alia, vt à causa, nec vt à conditione, nec vt à subiecto, nec vt à dispositione ; ergo nulla ratio dependentiæ excogitari potest, atque adeo quælibet ab alia separari poterit, & cum nulla sit pars distincta sine qua non possit esse, poterit ab omnibus aliis esse seorsum non solum distributiue, sed etiam collectiue,

Disp. II. De corpore naturali &c. 143

lectiue. Probatur: sicut valet consequentia, possum esse sine omni socio distributiue; ergo & collectiue. Ita etiam hæc valet vna pars potest esse sine alia distributiue; ergo & collectiue, nec vlla disparitas asserri potest, nisi petatur principium.

Dices tertio, posse retorqueri argumentum in actione, possum esse sine omni actione conseruatiua distributiue; ergo & collectiue, sed consequentia non valet.

Respondeo, in nostra sententia negari, quia non admittimus, quod actio sit entitas totaliter ab omni substantia distincta & superaddita; atque adeo actio conseruatiua non est aliud, quam Deus & ego, Deus vt me conseruat, & ego vt à Deo conseruor; cum ergo non possim existere sine Deo & me, non possum etiam esse sine illa actione. Deinde quamvis actio esset quid distinctum, responderi posset rem dependentem non posse esse sine aliqua dependentia, quia hæc est de conceptu rei dependentis, & de essentia illius saltem physice; at vna pars non est de essentia alterius.

Dices quarto, non posse partem esse sine omni alia, quia de suo conceptu est esse diuisibilem. Respondeo, iam te petere principium; hoc enim est in questione & cum negauero, demonstrari non posse contendo.

Probatur quarto, circulus tangit planum in puncto, non verò in parte diuisibili, vt demonstraui Euclides; ergo dantur puncta indiuisibilia in continuo. Hoc argumentum commune est, est tamen indissolubile posita hypothefi in conclusione exposita.

Dico primo, repugnare circulum perfectum.

Respon

Respondeo nunquid repugnant omnes figuræ, & rectilineæ, & curuilineæ? Si rectilinea est, habet angulum, sed angulus tangit planum tantum in puncto: si verò est curuilinea, nulla est Responso, eadem enim erit eius conditio ac sphaeræ.

Dices secundo, non esse verum contactum. Sed apage istas nugas, quasi verò globus mensa incubans ab eadem non sustineatur? si igitur non tangit, aliquid aëris intercipitur, atque adeo globus grauissimus, libratus in aëre non cadit.

Dices tertio, fieri contactum in parte diuisibili, sed indiuisibiliter. Sed quis hoc intelligat? nam fieri contactum indiuisibiliter sonat contactum esse indiuisibilem, sed indiuisibilis esse non potest, nisi fiat in indiuisibili. Quare hæc ratio valere tantum potest, cum partes omnes se penetrant, & ad punctum rediguntur; tunc enim tangitur res diuisibilis modo indiuisibili.

Dices quarto, partem tangi quidem, sed non totam, siue, vt alij loquuntur, tangitur inadæquatè. Contra: vel plura tanguntur, vel non plura, siue in plano, siue in globo; si plura tangit, est contra illud, quod demonstratum est ab Euclide; igitur non plura, igitur vel nihil tangitur, vel vnum quid tantum tangitur; ergo punctum.

Dices quinto, contactum fieri in parte minori, & minori in infinitum; ita vt nulla possit assignari qua non sit minor. Contra: sit in aliqua, aliàs fieret in nulla. De illa quarto, estne diuisibilis an indiuisibilis? primum est contra demonstrationem Euclidis, ergo secundum: dicere autem illud non fuisse demonstratum ab Euclide, non decet geometram.

Dices sexto, contactum fieri in parte indeterminata. Contra: an fortè Deus illam partem videat

videat inquiri: si videt, ergo est determinata; ab ipso enim demonstrari poterit; si verò non videat, mirum est Deum, qui cuncta nouit distinctè, ens positivum non videre. Certè illud Deum nescire nesciebam. Igitur à parte rei nihil est indeterminatum, sed tota indeterminatio se tenet ex parte intellectus: nam quod tangit, existit & distinguitur ab omni alio, atque adeo est hoc & determinatum est. Demum secundum Euclidem tangit tantum in vno; sed quod vnum est, determinatum est. Simile argumentum duci potest ex cylindro incubante plano, vel ex plano alteri imposito.

Probatur quintò, si continuum constat ex infinitis quantis, faciunt infinitè quantum; si enim vnum quantum additum alteri quantum facit maius, infinita addita facient infinitè maius.

Dices non esse infinita quanta vni certo æqualia. Contra: vel illa quanta vni certo æqualia sunt finita, vel infinita: non finita, alioquin daretur ultimum; igitur infinita. Dices esse infinita potentia. Contra: quantum quòd actu est constat ex quantis actu. Dices esse indeterminata. Contra: quidquid existit determinatum est.

Probatur sextò, si continuum constat ex diuisibilibus in infinitum, multa sunt in Philosophia & Theologia, quæ contingunt difficultates insuperabiles, verbi gratià, quod spectat ad terminationem sphaeræ actiuitatis luminis, & aliarum qualitatum; cum enim tantum diffundantur vniformiter, quantum potest diffundi, & tantum potest diffundi, quantum potest distrahi, diuidi, distribui, nunquam terminabitur sphaera actiuitatis, si sint diuisibiles in infinitum. In Theologia

Physica.

C

quo

quomodo explicabitur duratio actus, quæ nouam meriti facit accessionem. Similiter quomodo explicabitur desitio & inceptio verborum, seu formarum sacramentalium. Denique argumentum tertium factum contra zenonem potest etiam fieri contra opinionem Aristotelis.

Q V Æ S T I O I V.

Quid sentiendum de opinione mixta ex præcedentibus.

Aliqui mediam inter præcedentes opinionem constituerunt, dicentes continuum, nec constare ex meris punctis, nec etiam ex solis partibus in infinitum diuisibilibus, sed constare simul ex partibus & ex punctis: vnde dicunt dari puncta copulancia partes cum partibus & puncta terminantia lineas.

Dico: continuum non constat ex punctis, & partibus in infinitum diuisibilibus; siue non dantur puncta terminantia & copulancia modo exposito.

Probatur primò, hæc opinio non differt ab illa quam reieci in superiori quæstione: nam vel inter quodlibet punctum putà inter extremum lineæ, & aliud vicinius est aliquid vel nihil; si nihil, ergo illa duo puncta sunt immediata; igitur & alia quæ sequuntur: nam est eadem ratio pro illis: si verò aliquid, vel est diuisibile, vel indiuisibile: si diuisibile, igitur datur punctum aliud vicinius, contra suppositionem: nam inter duas quaslibet partes intercedit punctum; igitur indiuisibile, igitur punctum sequitur immediate punctum, igitur cōtinuum ex solis punctis constat.

Dices

Dices primò, non dari punctum vicinius. Contra: si punctum non sequitur immediatè punctum, sequitur mediatè; igitur vel omnia æquè mediatè sequuntur, & hoc non, alioquin omnino essent in eodem puncto, vel aliqua, & hoc non, propter eandem rationem; igitur est aliquid quod minus mediatè sequitur; igitur illud est vicinius.

Dices secundò, illud quod intercedit inter illa duo puncta, esse partem indeterminatam. Contra: quidquid est, determinatum est. Deinde, esto, sit indeterminata; hoc tamen non facit quod non sit diuisibilis, vel indiuisibilis.

Probaturs secundò, circulus tangit planum in puncto, vt etiam aduersarij fatentur; roretur igitur circulus in prædicto plano. In toto illo motu totus circulus successiue tangit planum, & semper in puncto tangit; igitur constat tantum ex punctis.

Dices fieri saltus partium. Contra: gratis illi saltus excogitantur: nam totus circulus reuera tangit; ergo nullus est saltus.

Probaturs tertio, cum puncta à partibus in illa hypothese sint realiter distincta, destruat Deus omnia puncta intactis & conseruatis partibus. Iam quæro, vel illæ partes sunt diuisæ, vel vnitæ: non vnitæ, alioquin non essent destructa omnia puncta, quæ partes diuisibiles copulabant, nisi dixeris illas partes per seipsas immediatè copulari & terminari; sed iam concluderem illa puncta gratis admitti, quandoquidem sine illis partes possunt esse vnitæ & terminatæ; igitur partes illæ sunt indiuisibiles; atque adeo puncta; ergo in continuo sunt solum puncta.

Probaturs quarto, punctum, quod inter duas

partes interiacer, vel facit maius, vel cum ipsa parte penetratur. Si primum; ergo punctum additum puncto facit maius, quod non concedent huius sententiæ propugnatores, si punctum penetratur cum parte, igitur cum utraque; cur enim potius cum vna quam cum alia? igitur est in duobus locis. Præterea penetratur etiam cum aliis punctis, cum nulla pars sine punctis accipi possit. Demum illæ duæ partes sunt immediatæ; ergo non sunt puncta intermedia.

Probatur quintò, inter duas partes continuas est tantum vnicum punctum, iam verò, si diuidatur, sunt duo puncta terminantia; ergo saltem vnum punctum de nouo producit & creatur, quod est absurdum: vel si nullum fiat punctum de nouo, vna pars terminabitur absque puncto; atqui tangi poterit; ergo superflua sunt puncta; esset autem absurdum dicere pilam ferream tormento explosam non posse confringere speculum sua superficie terminante spoliatum, quia scilicet non fieret contactus.

Dices illud punctum resultare.

Respondeo, quid est resultare? antea non erat, iam est; quid est resultare? antea non erat, iam est; ergo productum est, sed produci non potest, nisi per creationem; ergo creatum est; ergo tot erunt creationes quot sectiones & diuisiones; imò, etiam essent tot annihilationes, cum punctum continuans pereat, vt illi terminans substituat, saltem in sententia quorundam ex aduersariis.

Aliqui authores nolentes admittere puncta vniuentia simul cum partibus admittunt superficies indiuisibiles cum partibus; sed iisdem rationibus impugnantur: quid enim est inter duas superficies: destruantur omnes superficies, remanentibus

Disp. II. De corpore naturali &c. 149
nentibus partibus, vel partes, remanentibus superficiebus: nonne superficies, vel partes constituent continuum? Demum erigatur corpus, & super illud erectum voluatur circulus; nonne semper tangit in indiuisibili. Redeunt itaque omnia argumenta superius facta.

Q V Æ S T I O V.

*Quid sentiendum sit de opinione Digbii
& Thomæ Angli.*

Argumentis contra supradictas opiniones propositis quidam perterriti aliam viam ingressi sunt ad disquisitionem compositionis compositi, & vt antiquam, vt dicunt peripateticam doctrinam restaurarent, in continuo nullas esse actu partes asseruerunt; & hanc esse Aristotelis sententiam contendunt. Inter hos spectabiles mihi videntur Kenelmus eques, Digbæus tractatu de natura corporum, cap. 2. & Thomas Anglus ex Albiis in tractatu quem operi Digbæano anteponeit, & ad illud est præfatio att. 1. & seqq. Sic igitur iste suam sententiam proponit. Continuum, seu magnitudo vnica est entitas, quæ est diuisibilis, non eo quod plures entitates actu claudat, sed quia plures ex ea per motum quendam, quem diuisionem appellamus, vi causarum naturalium causari & produci possint. Rationes, quas affert, cruditione plenæ esse dissiteri non possum; verum, quia omnes nituntur illo principio Aristotelico, quodlibet continuum diuidi potest in infinitum, idèò facillè soluentur: nolim autem Hurtadum imitari qui illius opinionis refutationem orditur his verbis: *Nulla scinditur sine amatore,*

nec fatuitas sine Patrono ; Si enim Hurtadus legis-
set vel intellexisset rationes Digbei & Thomæ ,
sine dubio dixisset , posito quod continuum sit
diuisibile in infinitum , sicut ipse etiam existimât,
cum illis sentire necesse esse , vt à sexcentis diffi-
cultatibus facilius expediatur quæstio.

Dico: in continuo sunt actû partes, non quidem
separatæ ab inuicem, sed distinctæ actusita vt vna
non sit alia.

Probatur primò, in composito quolibet dantur
actû partes ; atqui continuum est aliquod com-
positum ; ergo in continuo dantur actû partes.
Probatur maior. Compositum, ex vi ipsius no-
minis, est quod componitur ex partibus, & par-
tes sunt ex quibus totum componitur & in quas
totum resoluitur.

Respondet Thomas Anglus, his verbis, illud
in quod aliquid resoluitur, nonne terminus est
resolutionis manens post dissolutionem aut reso-
lutionem compositi: vide itaque quando partes
secundùm hanc notionem debeant existere. Si-
militer compositio nonne motus est ab iis quæ
plura sunt ad illud quod vnum est ? termi-
nus à quo itaque compositionis sunt plura seu
partes ante compositionem, id est illa tota in se
& partes respectu faciendi: quis neget elementa
esse partes mixti ? sed esse actû in mixto negant
plures.

Contra: fateor partes esse terminum resolu-
tionis, post resolutionem manentem: similiter
esse terminum à quo compositionis; sed dico,
non componitur, non solum importare composi-
tum in fieri, sed præterea in factò esse, & idem
significat ac constat, adeoque partes non so-
lum sunt terminus à quo, sed præterea subiectum

Disp. II. De corpore naturali &c. 151

ex quo tanquam inexistente fiunt, nam ex anima rationali & corpore fit homo tanquam ex partibus inexistentibus. Vnde sic arguo: vel corpus & anima rationalis distinguuntur ab invicē in toto, hoc est in homine, vel non distinguuntur: si primum, habeo quod intendo; si secundum, ergo identificantur, quod est impossibile; quæ enim semel distinguuntur realiter, semper & in æternum distinguuntur; cum enim vnum distinguatur ab alio per suammet entitatem & essentiam physicam, non potest illam distinctionem amittere, nisi amittat entitatem.

Confirmatur: pono hic duas aquas separatas. Illæ sine dubio sunt tunc realiter distinctæ.

Infundatur utraque in idem vas & uniantur invicem, quæro an vna maneat distincta ab alia vel non: si primum, habeo quod intendo, scilicet dari actu partes distinctas in composito; si secundum, ergo identificantur; ergo mutauerunt essentiam: separantur iterum illæ duæ aquæ & ponantur in duobus vasculis, nonne in duobus vasculis est idem ac antea erat in toto?

Respondere mihi videtur Thomas Anglus, art. 9. in quolibet composito esse quidem pluralitatem substantiarum, sed non pluralitatem partium, aliàs esset ibi pluralitas quantitatum, quod repugnat rationi continui: ipse enim ibi ait, quod quantitas potest esse vna plurium substantiarum, & quod plures substantiæ possint esse continuatæ.

Contra: iam nobis erit tantum quæstio de voce; & hæc opinio coincidet cum opinione Aristotelis quam q. 2. refutavi; nam voca eā quæ insunt continuo, voca, inquam, nomine partium, vel non, quid ad me? modò concedatur ibi esse pluralitatem substantiarum: nam vel illæ substan-

tiæ sunt diuisibiles in infinitum vel sunt indiuisibiles. Secundum non concedet aduersarius, concedat ergo necesse est primum; atque adeo continuum poterit diuidi in minores & minores partes in infinitum; sed in illas non potest diuidi nisi in ipso fuerint actu distinctæ; neque enim per meram diuisionem tollitur identitas & ponitur distinctio; vnde non soluitur quæstio, vt patet, imò magis intricatur, fateor autem in continuis esse vnâ quantitatem, alioquin non essent continua, sed esse vnâ vnitatem quæ non tollit pluralitatem substantiarum, quas ego voco partes, quia ex illis constat totum.

Confirmatur: quia idem author probat vnitatem mundi a. 9. vbi respondens ad quandam objectionem, ait, non inde sequi mundum esse entitatiuè, hoc est substantialiter vnum, sed tantum quantitatiuè, & malè argui ab vnitatem quantitatiuâ ad entitatiuam siue substantialem in quanto sic præcise sumpto, & quia accidentia indiuiduantur à suis subiectis, fateor euidenter esse singulas substantias determinare sibi partem quantitatis integræ, & per consequens non mirum esse, si dicamus non solum esse tot entia, sed etiam tot esse quanta quot substantias esse percipimus. Sed, inquit, dicere plures esse quantitates non est pure naturalis locutio; sicut enim in rigore nulla quantitas est, sic neque in rigore plures esse possunt: sic nos cum illo manus iungimus; cum verum statuerimus nullam dari quantitatem in abstracto. Deinde, persequitur idem, quando dicitur plures esse quantitates in mundo, sensus verus non potest esse alius quam singulas substantias esse determinatas partes totius vniuersi perpetuo quodam diuisibilitatis fluore sic sibi coherentibus,

hærentes, vt singularium in illa communitate determinatæ sint sedes & ordo & extensio. Vnde patet illum authorem iam à sua opinione discedere, secundum quam aiebat non esse actu partes, cum fateatur in mundo, quem dicit esse vnum totum; singulas substantias esse determinatas partes totius: vel esse tantum quæstionem de nomine, vtrum scilicet debeant dici actu partes, quod non soluit quæstionem de continuo.

Probatur secundò oculorum testimonio: constat esse in humano corpore digitum, manum, brachia, crura, &c. Cuiuslibet autem est peculiaris functio; manus à pede secernitur, &c. Vnde conueniunt illis prædicata contradictoria, nam oculus videt, pes non videt; ergo actu distinguuntur.

Respondent Digbaeus, & Thom. non posse sensum vllam prorsus in corpore partem designare, id enim si posset, indicaret etiam præcise vbi pars illa inciperet, vbi desineret, quod facere non potest, qua ratione ergo poterit distinctionem vnius ab altera discernere? secundò, aliqua esse in intellectu per modum abstractorum & ex vi apprehensionis quasi circumcisa sunt & nihil aliud secum compatiuntur. Igitur nomen partis vt sic, includit ex vi vocis negationem & totius & compartis, quod idem est de specialibus agnominacionibus partium, vt capitis, oculi: &c. huiusmodi enim vocabula latenter claudunt ex usu hominum exclusionem cæterorum membrorum. Vnde patet oculum significare vim visiuam hominis; pedem, vim progressiuam; caput, vim cognoscitiuam, id est animal secundum talem facultatem. Manifestum est itaque, quod cum talis facultas non sit præcise in membro, sed in

eo vt compacto cum aliis totum animal significat vox, sed cum reduplicacione, quatenus hanc facultatem habet, seu cum exclusione ceterorum, non quatenus alia habet. Palam est itaque tam naturales esse has voces, pes non est manus, quam has, homo, vt habens vim progressiuam non est homo vt habens vim comprehensiuam, seu vt progressiuus tantummodò non est comprehensiuus, quod non officit vnitati compositi, imo magis illam infert & sic ad respondendum illis omnibus contradictionibus valet & sufficit distinctio virtualis.

Contra: videtur sensus posse designare partes saltem aliquas, verbi gratia, ossa & terminum illorum indigitare. Sed esto, non possint sensus, poterit angelus, vel saltem Deus, quidni? an forte quia nullus est terminus? sed ossa cum carne non sunt eadem substantia; ergo assignari potest saltem à Deo vbi incipiant & desinant; cum enim non sint vnum simpliciter, sed sint vnita, vbi vniantur designari potest. Secundò, fateor facultates superadditas non esse solum in singulis membris, sed in illis vt vnitis, pluralitatem autem membrorum non negat aduersarius, sicut nec apostolus quando dicit, sicut in vno corpore multa membra sunt. Sed de istis membris queram num sint diuisibilia in infinitum & sic redit questio. Similiter fateor nos non dicere manus tetigit hoc, sed ego tetigi hoc, quod non impedit quin debeamus dicere me distingui à manu distinctione includentis ab incluso & manum distingui à pede tanquam vnum instrumentum coniunctum ab alio instrumento coniuncto.

Probatnr tertio: quidquid mouetur prius transiit minorem partem loci quam maiorem; si autem
continuum.

continuum sit diuisibile in semper diuisibilia non datur aliqua minima pars loci; ergo falsum est transire minimam partem loci, antequam transeat maiorem. Non itaque possibile est moueri quidpiam, si verâ sit sententia aduersariorum, ita arguebat Zeno in Aristotelem.

Respondet: falsum est mobile non transire partem maiorem aequè cito ac minorem; cum enim minor sit pars maioris, transeundo minorem, transit etiam maiorem videlicet ex parte: nam cuiuslibet partis determinatæ potest assignari medietas, & sic aliqua pars erit immediata ipsi mobili & primo pertranseunda.

Contra: maiorem partem transit mobile ex parte; ergo dantur partes. Deinde, esto, cuiuslibet partis. possit assignari medietas, nonne istius medietatis assignari potest alia medietas, & istius alia, & sic in infinitum: atque adeo non soluit difficultatem.

Obiicies primò, compositura, seu compositio quæ est forma compositi facit aliquid per essentiam esse intensiue vnum; ergo necessario opponitur pluralitati quam excludit, & quam oportet intelligere in his ex quibus compositum fit in illa præexistentia, in qua sunt terminus à quo compositionis, quæ est motus à diuisis ad compositum. Confirmatur: nam qui congregat oves in caulam, vnit eas, sed per vnitatem caulæ, &c. semper inueniemus vnire esse vnitatem facere.

Respondeo, omnem compositionem facere vnum, vnum, inquam, vnitatem compositionis, non vnitatem simplicitatis; & exemplum allatum pro nobis facit: nam sicut oves ita faciunt vnâ caulam, vt quælibet remaneat distincta ab alia, ita
etiam.

etiam in continuis quælibet pars remanet distincta ab alia licet non diuisa.

Obiicies secundò, vel partes ex sese sunt vnitæ, vel mediante alia comparte, quam vnionem vocant: Si primum, videtur esse contradictio dicendo illas ex sese esse singulas, & suis singularitatibus esse vnum. Deinde habentne extra compositionem idem singulæ suum esse quod in compositione: si negas, eadem operâ dicis eas non esse extra compositionem; sin ais, eo ipso affirmas extra compositionem esse compositas; cum non sint compositæ, nisi per hoc quod formaliter iis inest extra compositionem; si verò secundum, iam erunt tres entitates; atque adeo maior pluralitas, quam prius erat. Videte optimi Philosophi, an hæc sit via ad vnitatem.

Respondeo partes ex se vniri, & nullam ibi esse contradictionem; quod scilicet illæ singulæ sint in se, & fiant vnum compositum, imò verò, tantum abest vt sit contradictio, quin imò aliud intelligi nequeat; habent igitur extra compositionem idem esse ac in compositione, idem, inquam, quoad suam substantiam, licet non habeant eundem modum, vt explicuimus cum de vnione; nec sequitur esse compositas, quia non sunt compositæ, siue vnitæ in se absolute consideratæ, sed tantum relatiuè consideratæ cum modo vnionis.

Obiicies tertio, vnus entis vna est definitio, sed compositum vnica definitione est comprehensibile; ergo est vnicum ens & plures entitates formaliter includere non potest.

Respondeo, illud axioma vel falsum esse, vel pati aliquam explicationem, idem enim potest diuersimodè definiri, prout diuersimodè à nobis considera

Disp. II. De corpore naturali &c. 157
consideratur; idem enim potest concipi per conceptus inadæquatos. Deinde nonne omnes homines comprehenduntur vnica ista definitione, animal rationale, & tamen nonne sunt plures. Demum compositum est vnicum ens in ratione compositi; at ens est multiplex ratione partium ex quibus constat.

Q V Æ S T I O V I.

Quid sentiendum de opinione asserente continuum constare ex punctis physicis.

HÆc opinio multum laudanda est, quia clarè continui compositionem proponit. Eorum igitur qui asserunt continuum constare ex punctis physicis aliqui sic suam opinionem proponunt, vt velint illa puncta modò esse maiora, modò minora, vnde ab aliquibus dicta sunt puncta infata & diuisibilia in potentia, idque duobus modis, primò intrinsecè; quia quodlibet potest esse minus, & minus in infinitum. Secundo, extrinsecè, quia potest coextendi pluribus & pluribus in infinitum, & in hac opinione sunt Ioannes de Lugo, Honoratus Faber, & Mousærius Medicus. Alij verò censent illa puncta non posse sic in infinitum esse minora naturaliter, sed dicunt ita esse flexibilia, vt figuram mutant æqualem semper seruando extensionem longitudine compensante latitudinem, & sic opinatur eruditissimus Mag-nanus. Denique eandem semper seruare figuram puncta illa contendunt, & hæc est sententia Gassendi, quam retuli superius & approbaui.

Dico, continuum constare ex atomis, siue punctis physicis. Probatur: non datur infinitum actu: ergo continuum

continuum non constat ex infinitis actu; ergo constat ex indiuisibilibus actu; si enim esset diuisibile actu in infinitum, constaret ex infinitis actu; atqui illa indiuisibilia non possunt esse puncta mathematica; ergo debent esse puncta physica.

Obiicies primò, punctum additum puncto non facit maius, quia vnum tangit aliud secundum se totum. Respondeo, verum esse axioma de puncto mathematico, non verò de physico, quia vnum punctum non tangit aliud adæquatè & penetratiuè, sed tantum terminatiuè; ita vt superficies vnius adhærescat superficièi alterius eo modo quo Angeli possunt sese adinuicem tangere: vnde distingui superficiem à puncto non est dicendum, modò castigetur imaginatio, quæ vt plurimum diuersas facies concipit vt partes.

Obiicies secundò, linea septem puectorum non posset diuidi biffariam. Respondeo diuisione mathematica, Nego: nam media illius lineæ pars erit ex tribus punctis, & dimidia parte spatij alterius, posito quod puncta sint æqualia; diuisione physica si puncta sint æqualia, Concedo: si inæqualia, Nego. Poterit enim fieri vt quatuor puncta non occupent plus spatij, quam alia tria, sed hoc sufficit ad demonstrandas & verificandas demonstrationes mathematicas.

Obiicies tertio, à quolibet puncto circuli maioris duci potest linea ad centrum, quæ transeat per circulum minorem concentricum; ergo tot erunt puncta in circulo minori quot in maiori, quod esse non potest; dicendum est ergo ibi esse partes in infinitum diuisibiles.

Respondeo, non esse tot puncta in circulo minori ac in maiori; si enim illa puncta sint æqualia,

Disp. I I. De corpore naturali &c. 159

lia, quodlibet punctum minoris respondebit pluribus punctis maioris circuli; at mathematicè licitum est continuum quantumvis exiguæ extensionis diuidere in partes proportionales ita innumeras vt nullo finito numero comprehendi possint, nec propterea fallitur mathematicus ita cogitans; neque enim continuum ita se habere asserit, sed simpliciter ita considerat quantitatem vt adæquata illius diuisio successiue nunquam possit compleri; abstrahit enim.

Obijciēs quartò, mobile velox non posset assequi mobile tardum. Resp. Nego, quia poterit mobile tardum quolibet instanti tantum assequi dimidiam vel tertiam partem spatij vnus puncti, secus verò mobile velox poterit totum punctum pertransire.

Obijciēs quintò, linea diagonalis esset commensurabilis costæ. Resp. Nego, quia poterit punctum lateris respondere pluribus punctis diagonalis.

Obijciēs sextò, globus non posset tangere planum nisi in parte plana, quia tangeret per superficiem puncti. Respondeo, posset tangere per angulum superficiæ, & sic tangeret in puncto. Deinde si globus perfectus esset, nulla esset pars plana vnde omnia illa puncta quæ essent in extrema superficie conuexa haberent superficiem conuexam. Sic cum proportionem Respondendum est obiectionibus quæ à figuris mathematicis petuntur.

Obijciēs septimò, hæc hypothesi damnata fuit à Concilio Constantiensi sessione 15. vbi sic legitur. *Linea aliqua mathematica continua componitur ex tribus vel quatuor punctis immediatis aut solum ex punctis simpliciter finitis: vel tempus est,*
fuit.

*fuit, vel erit compositum ex solis instantibus imm-
diatis. Item non est possibile quin tempus & linea, si sint,
taliter componentur: prima pars est error in philoso-
phia, sed ultima errat contra diuinam potentiam.*

Respondendo, illam censuram quæ illi pro-
positioni subiungitur non esse verba Concilij,
sed cuiusdam Henrici de Piro Promotoris & pro-
curatoris qui tunc accusabat Ioannem Hus, vt
evidentissimè patebit legenti; nam in illa ses-
sione habetur eius petitio in qua ponit articu-
los quos petebat damnari ab Ecclesia contra
prædictum hæreticum, inter quos illam pro-
positionem vt errorem in philosophia posuit,
Concilium verò illam nulla affecit censura & in-
ter errores noluit recenseri, vt videre est in ca-
talogo in eadem sessione relato, & in catalogo
Martini V. sessione 43. Ratio est, quia Ecclesia
non iudicat de rebus merè philosophicis. Cum
igitur hæc propositio, licet à promotore exposi-
ta & accusata non fuerit à concilio reprobata,
signum est eam non mereri condemnationem, sed
potius tacitè fuisse approbatam.

Nota primò, quantum posse comparari cum
alio quanto, vel ratione extensionis, vel ratione
terminationis. Ratione extensionis dicitur æqua-
le: vel inæquale. Ratione terminationis dicitur si-
mile vel dissimile.

Nota secundò, situm dicere primò aliquam ex-
tensionem. Secundò positionem seu dispositionem
quandam partium inter se. Tertiò ordinem ad
principales partes mundi, si quis verò hæc om-
nia non requirat, situs perfectam notitiam non
tradit. Verum volo semper ne sit questio de voce.

ARTICVLVS II.

De Infinito.

Mirum est quantum de infinito disputatio increuerit : infinitas peperit difficultatesque, vt puto, inextricabiles ; ita vt vix crediderim aliquid in ea demonstrari posse, saltem quod conuincat alterius opinionis sequaces, quia eo vsque pertinaciæ ventum est vt principia per se nota negentur. Opiniones probabiliores eligemus quæstionibus sequentibus.

Q V Æ S T I O I.

Quid & quomplex sit infinitum.

Dico primò, infinitum est illud quod caret termino : siue id cuius est semper aliquid extra sumere.

Explicatur : licet infinitum videatur consistere in negatiuo, attamen reuera est aliquid posituum, cum finitum importet negationem vterioris extensionis ; vnde etiam rectè definitur ab Aristotele id cuius est semper aliquid extra sumere : quasi diceret infinitum esse illud in quo, quidquid sumpseris, restat aliquid semper sumendum, v. g. si daretur infinita hominum multitudo, quæcunque sumatur multitudo finita & quantumvis repetatur, nunquam exhauriet totum, sed semper supererit aliquid sumendum. Quapropter dicendum est illam carentiam termini
nihil

nihil aliud asse quam extensionem, magnitudinem, multitudinem, perfectionem semper continuatam, ita ut exauriri nequeat.

Dico secundò, infiniti diuisiones præcipuæ sunt, prima à veteribus authoribus circumferebatur in infinitum per priuationem perfectionis, quia id quod dicebatur sic infinitum, nullam prorsus habebat perfectionem qua finiretur & determinaretur; & sic dicebant materiam esse ex se infinitam, quia ex se non erat finita, seu determinata per ullam formam. In infinitum per negationem limitationis quod proprie infinitum est.

Secunda, est in infinitum per essentiam, & in infinitum accidentaliter. Primum est illud quod in se continet omnes omnino perfectiones, ita ut illo nihil possit excogitari melius aut perfectius, quod soli Deo conuenit; constat autem & per rationem & per fidem dari tale infinitum, atque adeo de illo hîc non est quæstio. Secundum est illud quod caret termino secundum aliquam rationem accidentalem, sic si daretur infinitus numerus hominum, homines non essent infiniti secundum essentiam, sed ratione multitudinis.

Tertia, est in infinitum in multitudine, magnitudine, & intensione. Primum spectat ad numerum. Secundum ad extensionem. Tertium ad qualitatem.

Quarta, in infinitum actu & in infinitum in potentia. Primum dicitur alio nomine infinitum categorematicum, & est illud cuius totum quod est, actu est, vel esse potest simul: infinitum verò in potentia alio nomine dicitur infinitum sincategorematicum, & est illud quod ratione partium

Disp. II. De corpore naturali &c. 163

partium quas actualiter habet, est finitum, ratione tamen partium addendarum est infinitum, v. g. data quælibet multitudo hominum actu finita est, infinita verò potentia; quia data qualibet potest dari maior.

Quinta, infinitum-synecategorematicum considerari potest vel in diuisione, vel in successione, vel in additione, vel in perfectione qualibet. Primum admittitur ab his qui opinantur continuum esse proportionaliter diuisibile in infinitum, id est data qualibet extensione creata posse dari minorem & minorem in infinitum: data verò qualibet extensione creata potest dari maior & maior in infinitum, & hoc est infinitum in additione: data qualibet duratione potest dari prior & prior in infinitum, itemque posterior & posterior in infinitum, & hoc infinitum in successione. Denique data qualibet velocitate & tarditate, dato quolibet impetu, data qualibet creatura, dari potest maior & maior, siue perfectior & hoc est infinitum in perfectione.

Sexta, est in infinitum obiectiuum & reale. Primum est quod est in solo intellectu cognoscente. Secundum est à parte rei.

QVÆSTIO II.

An detur infinitum.

Quidam fuerunt hæretici qui dixerunt à Deo non potuisse produci creaturas alias neque in specie neque in indiuiduo ab his quæ de facto productæ sunt, ita Abaylardus, Viclefus. Ioannes Hus, & alij quorum sententia damnata est in Concilio Constantiensi: sess. 15. alij licet catholici censue

cenfuerunt poffe Deum producere alias creaturas & diuerfas ab his quæ de facto productæ funt, omnes tamen effe finitas numero & pro hac fententia refertur Scotus ab arriaga difp. 13. phyf. fect. 2.

Dico primò, poffibilia funt alia indiuidua ab his quæ de facto fuerunt aut erunt. Probatur primò potuerunt homines qui à nuptiis abftinuerunt matrimonium contrahere; fed illi poterant habere filios, qui nunquam erunt; ergo potuerunt effe alia indiuidua hominum. Idem argumentum poteft fieri de aliis animalibus & plantis quæ ab hominibus impedita funt ne producerent.

Probatur fecundò, fi vera effet fententia contraria, fequeretur fruftra homines occidere animalia nociua, ne noua producant, quandoquidem non effent poffibilia alia entia, quia verò omnes rationes quæ afferuntur pro ftabilienda fequenti conclufione valent etiam pro ftabilienda ifta, ideo

Dico fecundò, poteft Deus producere infinita indiuidua fyncategorematicè: ita vt tota illa multitudo careat vltimo & fignato quocunque numero, poffunt fine fine alia fignari quæ poffit Deus producere.

Probatur primò, pofitio vnus indiuidui non tollit pofitionem alterius; ergo quacunque multitudine producta poteft Deus aliam & aliam femper producere; neque enim debilitatur potentia Dei vna multitudine producta, alioquin, quomodo dici poffet omnipotens? aliunde ipfe, vt operetur, fubiecto non indiget; poteft enim creare. Quod fi velit in fubiectum aliquod operari, poteft prius creare fubiectum.

Confirmatur: poffunt homines multiplicari in eadem

Disp. II. De corpore naturali &c. 165

eadem specie humana sine fine; nullus enim potest assignari certus numerus hominum ultra quem non possit assignari alius homo; non enim est porior ratio cur possint quatuor, quam sex; quæ enim erit repugnantia, si dicatur Deum posse producere sex?

Dices posse assignari quemcunque numerum dummodo non sit infinitus. Contra: quia quicunque numerus finitus assignetur, rogo cur non possit esse alius homo, an fortè quia sequeretur dari posse infinitum actu? sed si non est aliud argumentum, concedenda est sequela potius quam negetur veritas euidens.

Inferes dari infinitum syncategorematicum, quod nihil est aliud quam infinitum in potentia, quatenus dantur creaturæ quarum multitudini possunt addi plures & plures in infinitum.

Dico tertio, non datur de facto infinitum cathegorematicum reale.

Probatum primò, non debet admitti infinitum sine aliquo fundamento; at nullum est admittendi infinitum cathegorematicum, imò adest aliqua ratio illud non admittendi: nam omnes res materiales comprehenduntur cælo empyreo; nulla verò est revelatio Angelos esse infinitos, imò de illis dicitur quod Lucifer ad partes suas traxerit caudam tertiam partem stellarum, siue Angelorum, atque adeo, quandoquidem multitudo demonum est tertia pars Angelorum, sequitur Angelos non esse infinitos in multitudine, & iuxta sapientem, Deus fecit omnia in numero, pondere, & mensura.

Dico quartò, datur infinitum obiectivum cathegorematicum.

Probatum: creaturæ possibiles sunt infinitæ, ut probatum

probatum est ; sed Deus cognoscit omnes ; ergo cognoscit actualiter creaturas infinitas ; atque adeo in actuali cognitione Dei omnium possibilitium comprehensua existit actu obiectiue multitudo illa categorematicè infinita.

Dices omnes creaturas non cognosci à Deo categorematicè. Respondeo hoc non posse dici, nisi per maximum errorem ; sequeretur enim Deum habere imperfectam notitiam & successiuam. Quare dicendum Deum simul & semel omnia possibilia cognoscere, atque adeo categorematicè.

Dico quintò , infinitum reale in multitudine categorematicum possibile est.

Probatur primò , tale infinitum non repugnat ex parte Dei ; ergo poterit existere actu simul & semel infinita multitudo , nec etiam repugnat ex parte sui.

Probatur prima pars. Deus est omnipotens ; ergo habet sufficientem virtutem ad producendum quidquid ex se non repugnat.

Probatur secunda pars. Infinitum in multitudine non repugnat in statu meræ possibilitatis, ut ostensum est ; ergo nec in statu existentia. Probatur consequentia. Existentia vnus hominis non tollit existentiam alterius ; ergo vnus non impedit quominus ponantur simul & semel alij omnes.

Probatur secundò , specialiter contra eos omnes qui dicunt negationes existere reuera in rebus. In quolibet lapide sunt infinitæ negationes ; ergo non solum possibile erit infinitum, sed etiam reuera existet. Probatur antecedens, tot sunt negationes in lapide quot de illo entia negari possunt ; atqui infinita entia negari de illo possunt ;
omnia

omnia enim entia possibilia distincta à lapide de illo negari possunt ; ergo in illo sunt infinitæ negationes.

Dices quæstionem esse de infinito reali positivo, non verò de infinito reali negativo. Contra: eadem est difficultas de utroque ; atque adeo, si possibilitas vnius admittitur, debet etiam admitti possibilitas alterius.

Probatur tertio, Deus cognoscit infinitos homines possibiles ; ergo poterit simul & semel illos producere ; quid enim impediret, si ipse Deus vellet ? nam potest Deus velle producere omne producibile, quo posito nunquid cogetur Deus producere modo centum, modo mille, modo decem millia ? quasi verò prima vice brachium Domini lassatum fuerit, vel lassari potuerit. Præterea: dicis Deum posse producere infinita, producat. En producat Deus decem, vel mille, &c. sed illud non quæro, quæro enim, ut producat infinita. Certè quidquid sic producat, finitum erit & sic frustra erit potentia, quæ nunquam poterit reduci ad actum.

Dices, exhauriretur omnipotentia diuina. Contra: in illo casu non exhauriretur omnipotentia diuina, sed magis vigeret. Deinde omnipotentia diuina non est magis infinita, quam scientia, quæ talis est ut præterea, quæ cognoscuntur actualiter illâ scientiâ non sit aliquid aliud cognoscibile ab illa ; sed illa scientia non dicitur exhauriri, nec finire ; ita nec omnipotentia finiretur producendo omne producibile. Ratio à priori est, quia non posse produci aliud præter iam producta oriretur, non ex imperfectione Dei, sed ex repugnantia obiecti, sicut non cognosci à Deo præter id quod cognoscitur, prouenit ex repugnantia

gnantia obiecti, non ex imperfectione scientiæ. Denum productis omnibus producibilibus non exhauriretur omnipotentia, quia vigent in conseruatione illorum, imò posset Deus illa omnia annihilare, & iterum producere; ergo cum possibilia non repugnent, & omnis possibilitas sit in ordine ad existentiam, omnia possibilia possunt existere etiam simul, cum nihil positium sit cum altero positiuo impossibile, vt patet in permanentibus & in successiuis, non potest esse difficultas cum nulla esse possit, & quamvis esset aliquid, illud deberet excipi ob suam intrinsecam repugnantiam.

Probatur quartò, Deus vtpote immensus vbique est & infinita spatia, quæ communiter dicuntur imaginaria replet; atqui potest Deus in quolibet puncto spatij imaginarij, producere vnum Angelum, & quidem simul & semel: nam potest ibi Deus agere, vbi est; atqui in infinitis punctis assignabilibus simul & semel est; ergo in infinitis punctis simul & semel agere potest; quid enim impedit quominus, dum in vna parte agit, agat in alia, quandoquidem vbique est, etiam in illis spatiis immensis, vt infra probabimus?

Obiicies primò, sequeretur totum non esse maius sua parte. Probatur sequela: infinita multitudo quaternariorum non potest coalescere ex finita multitudine binariorum; ergo multitudo binariorum esset infinita, adeoque pars esset æqualis toti. Respondeo: hoc argumentum quod tanquam Achilles proponitur ab aduersariis facile soluitur dicendo multitudinem binariorum esse infinitam; sed inde non sequi partem esse æqualem toti; bene tamen omnes partes simul esse æquales toti; igitur in allata hypothese vnum
infinitum

infinitarum quaternariorum contineret duo infinita binariorum.

Dices : inde sequi vnum infinitum esse maius alio, quod est absurdum. Contra : tantum abest ut illud sit absurdum ; imò sit maxime rationi consentaneum : nam ex probatis datur infinitum obiectuum, in quo tamen reperitur eadem difficultas : nam Deus dum actualiter cognoscit infinitos homines possibiles, nonne in quolibet cognoscit duos oculos, & decem digitos ? solvatur hæc difficultas prius, & ego deinde solvam obiectionem. Et quid mirum est si in infinito cognoscendo laboremus qui finitum habemus intellectum, aliqui verò dicunt in infinito non esse magis & minus, æquale vel inæquale. Verum illud dici gratis arbitror, sicut & illud quod dicunt in infinito non esse partes, quia pars debet esse proportionata toti, at finiti ad infinitum nulla datur proportio. Sed si dicatur quamlibet modietatem esse infinitam, arbitror inde nullam sequi contradictionem, repugnat tamen dari aliquam partem aliquotam finitam infiniti, verbi gratiâ, vnam tertiam, vnam quattam, &c. Sic enim aliquid finitum ter, vel quater repetitum exhauriret infinitum, quod fieri nequit. Sed dicere centum homines esse partem infinitorum hominum credo negari non posse, imò exhaurirent infinitum, si infinite repetantur. Ex his omnibus concludendum est vnum infinitum posse esse alio maius sine vlla contradictione, saltem materiali, sicut vnus circulus potest esse maior alio, & tamen in vtroque reperietur formalis circuli.

Obiicies secundo, quicquid est producibile cadit sub determinatam intentionem agentis ; sed infinitum utpote carens termino non cadit sub

determinatam intentionem agentis ; ergo. Respondeo Nego minorem, nam si Deus produceret infinitum, haberet reuera illius producendi voluntatem determinatam & directam infallibili cognitione. Deinde voluntas Dei esset determinata potius ad producendos infinitos angelos : v.g. quam lapides, illudque infinitum dirigere posset ad aliquem finem, ad suam scilicet omnipotentiam manifestandam.

Obiicies tertio, repugnat multitudinem non esse in aliqua specie numeri ; sed omnis numerus est finitus ; ergo repugnat multitudo non finita. Respondeo numerum alium esse formalem, alium materiale, siue obiectiuum. Formalis nihil est aliud quam actus intellectus ordinantis aliquam multitudinem, ipsamet vero multitudo est numerus materialis ; igitur infinita multitudo esset numerus materialis, sed infinitus, nisi sit quaestio de voce : formaliter vero talis multitudo numerari non posset, saltem totaliter ; hoc enim tantum pertinet ad multitudinem finitam ; vt enim quædam multitudo numeretur totaliter, vltima vnitas assignari debet, at in infinito non est vltima vnitas.

Obiicies quarto, si infiniti homines conspirent ad mittendos singulos lapides in aceruum, illi lapides essent infiniti, resumat vnusquisque suum lapidem, sequitur aceruum exhaustum iri, quia tot lapides fuerunt ablati quot coniecti, & non exhaustum iri, quia infinitum non habet finem, neque consumitur ablatione finiti. Respondeo, illum aceruum exhaustum iri, sed non esset ablatio finiti, sed infinitorum, ablatio autem finiti est quæ non exhaurit infinitum ; si enim ab infinito auferretur 10. 20. &c. semper remaneret infinitum ;

si

Disp. II. De corpore naturali &c. 171

si verò tollitur ipsummet infinitum, quid mirum quod nihil remaneat? & quid mirum infinitos Angelos infinitos lapides auferre posse?

Obiicies quintò, si darentur infiniti Angeli, & illi applicarent suum omnem conatum simul ad mouendum lapidem, mouerent illum infinita velocitate; ergo in instanti quod est impossibile; ergo & illud, vnde sequitur. Respondeo repugnare motum fieri in instanti, quia in sua formali ratione dicit successionem, & deberet lapis esse simul in termino à quo & in termino ad quem, quod fieri nequit per potentiam creatam, & Deus potest ponere simul & semel idem in pluribus locis in instanti; at id non fiet motu successiuo transcendo per medium.

Obiicies sextò, ex quacunque multitudine, si vel vnus lapis extrahatur, qui remanent non sunt infiniti; ergo neque antea: nam infinitum ex ablatione finiti non fit finitum. Probatur antecedens: post ablationem non sunt tot quot antea; ergo illi qui remanent non sunt infiniti; sicut enim id non est infinitum in omni genere quod non continet omnes perfectiones possibiles, ita illud non est actu infinitum in aliquo genere quod non continet omnem perfectionem illius generis. Respondeo detracto quocunque finito semper remanere infinitum, & reuera non sunt tot quot antea. Ad illud quod dicitur de infinito in omni genere, dico, vt aliquid dicatur infinitum in omni genere debere habere omnem perfectionem excogitabilem, vel formaliter, vel eminenter, vel virtualiter, non est autem necesse, vt habeat omnes in indiuiduo, verbi gratià, Deus est infinitus in omni genere, sed non continet perfectiones creaturarum in indiuiduo, ita vt perfectio quæ

est in creatura eadem numero sit in Deo ; hoc enim implicat , sed longè excellentiores habet Deus ; ita non esset necesse vt multitudo lapidum infinita omnes lapides contineret.

Obiicies sextò , infinitum categorematicum in magnitudine non repugnat. Probatum ex præcedenti conclusione ; cum enim repugnet dari infinitos lapides , si vniantur , fiet infinita moles.

Obiicies primò , omne corpus habet figuram , sed corpus infinitum non habet figuram ; ergo non est possibile. Respondeo aliquos admittere corpus infinitum posse esse figuratum , sed de hac sententia infra. Interim dico corpus quidem finitum esse figuratum , non verò infinitum , & hoc non esse necesse ad saluandam rationem corporis.

Obiicies secundò , omne corpus est mobile , sed corpus infinitum non esset mobile ; ergo non potest dari corpus infinitum. Respondeo corpus infinitum fore mobile ratione suarum partium , & hoc sufficeret , imò si possibile sit infinitum clausum terminis , posset moueri totum , quia non occuparet omne spatium. Verum sufficiat , quod argumenta conuincant possibilitatem infiniti , de modo existentie multum curandum non est ; quis enim intellectus potest naturaliter cognoscere clarè infinitum , cum ipse finitus sit.

Obiicies tertio , si esset possibile vnum corpus infinitum , essent etiam possibilia duo , at vbinam secundum poneretur ? Respondeo , primum non occuparet fortè omne spatium , vel se inuicem penetrarent.

Dico septimò , infinitum categorematicum in intensiōe non repugnat. Probatum ex præcedentibus conclusionibus ; possunt enim poni infinitæ partes ignis in eodem loco , vnde fieret calor

calor infinitè intensus, à quo tamen non fieret calefactio in instanti, quia hæc non fit, nisi motu locali.

Obiicies sequeretur posse dari visionem Dei infinitè intensam, at hoc dici non potest: nam illa visio esset illius comprehensio, quod esse nequit. Respondeo, Nego fore comprehensivam, quia cum vnum infinitum possit esse alio minus, esset quælibet visio creata, licet infinita, minor cognoscibilitate Dei, quæ à sola cognitione Dei perfecte adæquari potest.

Inferes ex his omnibus vnum è duobus necessario concedendum esse, vel Deum non posse producere infinitum syncategorematicè, atque adeo creaturas possibiles esse finitas: vel infinitum reale categorematicum non repugnare. Primum non potest dici saltem commode ad principia fidei: secundum verò sequitur necessario ex eo quod ponatur creaturas possibiles esse infinitas.

Inferes secundò, quam parum consequenter loquantur Thomistæ, qui dum sentiunt mundum potuisse esse ab æterno, negant possibilitatem infiniti: nam si mundus fuisset ab æterno, iam essent infinitæ animæ rationales. Nec dicas cum Maillat Deum, cum produxisset aliquas, debere alias destruere: quia hoc gratis dicitur & sine fundamento, quasi verò Deus non possit à nihilo omnes producere & positio vnius animæ obstaret positioni alterius.

QVÆSTIO III.

Quomodo soluenda sint reliquæ quæstiuncula circa infinitum.

Quia, vt dixi, præ debilitate intellectus nostri infinitum capere non possumus, sequentibus quæstiunculis, quasi palpando & problematice respondebo.

Quæres primò, an creatura omnium perfectissima creati possit. Suppono creaturam omnium perfectissimam secundum quid non repugnare; hoc enim est tantum secundum aliquem respectum, verbi gratiâ, maternitas Dei est omnium perfectissima, quia non potest etiam diuinitus fieri mater maioris. Quæstio igitur est de perfectissima absolute in se.

Pars negans sic probatur, quia quâcunque assignatâ potest Deus aliam perfectiorem producere: & si daretur omnium perfectissima, vnde haberemus primum Angelum non esse creaturam omnium perfectissimam, nec possemus conuincere Abaylardum & Vyclesum asserentes Deum non posse producere perfectiores creaturas quam quas produxit.

Dices, multi sancti Patres asseruerunt mundum ita esse perfectum, vt perfectior fieri nequeat. Contra: mundum non posse fieri perfectiorem secundum ordinem, quia est ordo infinitæ Sapientiæ; nec secundum finem à se intentum; poterat tamen perfectiorem producere quoad substantias creaturarum, & quoad qualitates accidentales.

Pars affirmans sic probatur. Si producerentur omnes creaturæ possibiles, vel vna esset excedens alias

Disp. II. De corpore naturali &c. 175
alias in perfectione, vel aliquæ essent æquales
quæ à nulla alia excederentur, & istæ essent per-
fectissimæ.

Quæres secundo, an possibiles sint species re-
rum perfectiores & perfectiores in infinitum: &
hoc intra duas quarum vna sit alia perfectior.
Prima pars quæstionis non habet difficultatem;
cum enim aliæ creaturæ sint possibiles, poterit es-
sentia diuina infinitis modis ab illis participari,
cum nulla sit à qua adæquatè participari possit, ex
quo secunda pars resoluitur & quidem

Pars affirmans probatur: nam sicut diuina per-
fectio potest ex parte sui infinitis modis partici-
pari, ita sumpta in ratione vitæ non repugnat
participari infinitis modis, qui cum non dicant,
nisi vitam præcisè, erunt omnes necessario infe-
riores homine, v.g. & quia dicunt vitam, sunt ne-
cessario superiores lapide.

Obicies: omnes illæ species clauduntur ter-
minis; ergo non sunt infinitæ. Respondeo clau-
duntur terminis respectu multitudinis, Nego: Res-
pectu perfectionis, Concedo

Pars negans probatur, quia sequeretur homi-
nem esse infinitæ perfectionis; consequens non
debet admitti; ergo nec antecedens. Probat per se-
quela. Gradus superior continet perfectionem in-
ferioris, sed homo esset in gradu superiori digni-
tatis; ergo contineret in sua vita omnem per-
fectionem illorum omnium viventium, sed hæc
viventia sunt infinita non solum in numero, sed
etiam in specie; ita ut vnum aliud & istud etiam
aliud, &c: excedat perfectione; ergo perfectio in-
feriorum est infinita, & infiniti excessus non pos-
sunt facere, nisi infinitam perfectionem.

Quæres tertio, an possit dari infinitum clau-

sum utrinque terminis : quaestio debet intelligi in eodem genere : nam dari infinitam lineam clausam terminis qua parte non est infinita non est dubium apud eos qui admittunt possibilitatem infiniti ; at utrum verbi gratiâ , possit dari corpus clausum terminis vndique , v.g. circulus infinitus , triangulum infinitum , &c. aliqui asserunt , vt Arriaga , Magnanus , &c. alij verò negant.

Pars affirmatiua probatur ex eo quod vnum infinitum possit seruire rationem infiniti , licet sit minus alio infinito , vt diximus , atque adeo poterit esse infinitum corpus , verbi gratiâ , licet non occupet omne spatium , sed si non occupet omne spatium , habeat terminos necesse est.

Pars negatiua probatur ; quia licet definitio infiniti importet aliquid positiuum ; connotat tamen negationem termini , sicut licet differentia bruti , scilicet irrationale , consistat in aliquo positiuo , connotat tamen essentialiter carentiam rationalis.

Deinde , si possibile esset tale infinitum , possibile esset globus infinitus ; at vbinam centrum ? Demum posset dari homo infinitus , sed ecce qualem nasum haberet.



DISPUTATIO III.

De locato.

ESS E in loco non solum conuenit corporibus , sed etiam spiritibus ; dicitur enim de Angelo esse in paradiso,

Disp. III. De corpore naturali &c. 177
paradiso, vel in terra, atque adeo in
aliquo loco. Verum cum nec Angelos
vnuquam viderimus, nec quid sit esse in
loco respectu illorum clarè nouerimus,
de loco agere tantum Philosophi solent
respectu corporum; at verò respectu
spirituum dumtaxat per transcendiam; quia
verò quæri potest num omnis locus re-
pleatur aliquo corpore, vel sit aliquis
qui nullo prorsus corpore repleatur, ideo
hic commodè de vacuo agi solet. Qua-
propter duo erunt articuli.

ARTICVLVS I.

De loco.

Locus, vt ait D. August. in libro de cogn.
veræ vitæ, c. 18. est spatium quod quodlibet
corpus occupat lōgitudine, latitudine, & altitudi-
ne mensuratum, quod sine dubio satis patet, nisi
modorum error locum tenebris repleuisset. Quid
igitur in rigore sit, inuestigandum est, tum subiun-
gemus alias quæstiones, quæ de illo fieri solent.

QVÆSTIO I.

Quid & quorūplex sit locus.

Dico primò, locus rectè definitur ab Aristote-
le continentis extremum immobile primum.

H

Explica

Explicatur. Dicitur primum, quia primò occurrit locato, sic superficies concaua, non verò conuexa dicitur esse locus liquoris quem continet. Vnde locus debet esse locato proportionatus, quomodo verò dicatur immobile, alij recurrunt ad spatia imaginaria, alij verò ad immensitatem Dei, de quibus opinionibus aliquid infra dicetur. Interim sic explico immobilitatem loci.

Immobilitas loci requiritur tantum ad motuum quantitates cognoscendas & ad rerum distantias indagandas, quia si termini non essent fixi, nulla mensura fidelis esse posset, & ad hoc non est necessaria quædam physica immobilitas, sed sufficit immobilitas per mentalem abstractionem à motu, metiri enim est opus mentis: neque necessaria est externa mensuræ applicatio, sicut in geometriâ non sunt necessariae reales lineæ, sed solum abstractæ & apprehensæ. Porro terram esse absolute immobilem, cælum verò & astra constantiam in motu & immobilitatem secundum quid habere apparet. Vnde vas quod referetur ad terræ & motus cœli determinatam partem erit immobile. Dicere itaque corpus esse in tali loco est dicere ipsum esse in corpore quod ad terram & cælum habeat talem situm, v. g. à tali monte tantum distat versus initium arietis vel ortum solis vel ad tales gradus latitudinis; hoc autem sic debere intelligi

Probat, nam ad quætionem, *ubi est*, Respondetur per illa quæ respectu nostræ cognitionis sunt immobilia, prius quidem per partes cœli, deinde per montes, flumina, vrbes, domos, arbores, tandem per parietes & fixa ad parietes, vel per minus mobilia, vt lectos, armaria, &c. Patet itaque

itaque locum esse corpus quod proxime ambit locatum prout concipitur in certo situ ad reliquum mundum, seu partes fixas mundi.

Obiicies nihil esse in mundo constans quod possit facere locum; ergo. Respondeo cum Thoma Anglo locum esse vocem significantem ad placitum, & significare rem cum quodam ordine ad intellectum; ideoque non esse quærendum aliquid quod sit immobile, sed quod appareat immobile; apparet autem etiam motus, si sit constanter idem, habere quandam immobilitatem; & sic sufficit quod sol constanter oriatur in vna parte, & occidat in alia ad determinandum locum.

Obiicies secundo, turris stante vento remanet immobilis, & tamen superficies aëris ambientis mutatur; ergo locus non est illa superficies, atque adeo neque extremum ambientis: Respondeo esse in loco habere aliquid de morali. Quare modo superficies consimilis adueniat, non dicitur mutasse locum; illa enim quæ aduenit, cum sit æquivalens priori pro eadem in ordine ad locum haberi debet.

Obiicies tercio, quando aqua est in vase & vnz cum illo aliò transfertur, mutat locum, & tamen non mutat superficiem corporis ambientis. Respondeo hanc aquam mutare locum tantum inadèquatè, locus enim non dicit solam superficiem, sed præterea respectum ad polos mundi, aut alias partes immobiles, vnde dicitur superficies immobilis, non quod ipsa de facto sit immobilis, sed dumtaxat cum consideratur cum tali relatione ad tales partes immobiles.

Dico secundo, loci diuisiones præcipuæ sunt.

Primo, in locum extrinsecum & intrinsecum.

Primum

Primum definimus conclusione præcedenti, & de hoc solo mentionem fecit Aristoteles. Secundus est modus, vt aliqui volunt totaliter distinctus ab omni substantia qui determinat mobile, vt sit hic potius quam alibi. Verum cum esse hic nihil aliud sit quam esse in isto loco, sequeretur locum determinare mobile ad locum, & quidem intrinsecum: nam si Angelus esset extra mundum, haberet locum intrinsecum, non verò extrinsecum. Dicendum est igitur locum intrinsecum esse spatium quod quælibet res replet, & sic omnibus conueniet, quod adeo clarum est, vt non egeat explicatione; norunt enim omnes quid sit spatium, & de hoc intelligi debet quod diximus, cum de quantitate ageremus in metaphysica, nihil esse extensum in ordine ad se, quin sit extensum in ordine ad locum, non verò de loco extrinsecum: nam si aliquid poneretur extra mundum, nullum sine dubio haberet locum extrinsecum.

Secundò, locus alius est communis, alius proprius. Primus est qui continet plura, vt templum: & sic aliquis dicitur esse in templo, in foro, Parisiis, &c. Proprius qui cuiuslibet soli conuenit & illi adæquatur.

Tertiò, locus alius dicitur circumscriptiuus, alius definitiuus, alius sacramentalis. Primus ad corpora, secundus ad Spiritus, tertius ad Corpus Christi Domini in Eucharistia pertinet. Verum, quia circumscribi & finiri sonant idem, idèò clariùs à Mousnerio proponuntur modi essendi in loco, vt sequitur.

Quartò, aliquid dicitur esse in loco penetrabiliter indiuisibiliter quod conuenit Deo, Angelo, & animæ rationali: Secundò, penetrabiliter diuisibiliter

Disp. III. De corpore naturali &c. 181

liter quod cōuenit corporibus sese per miraculū penetrantibus : Tertiō , impenetrabiliter diuisibiliter quod conuenit corporibus naturaliter : Quartō , impenetrabiliter indiuisibiliter quod competit puncto physico , & etiam Angelo ad libitum. Corpus verō Christi Domini est in Sacratissimo Eucharistiæ Sacramento primo modo , & ideo dicitur ibi esse ad modum spirituum.

Quintō , aliquid dicitur esse in loco penes sex differentias loci per respectum ad alias res locatas , & sic dicitur esse suprā , infrā ; dextrorsum , sinistrorsum , ante , retro.

Inferes inde , omnia esse in loco non quidem extrinseco ; neque enim omnia ambiuntur aliqua superficie corporis ; sic enim neque Deus , neque totus mundus , neque propriè ea quæ sunt alicubi penetrabiliter continentur aliqua superficie , sed in loco intrinseco , quatenus nihil est , nec esse potest quod non repleat aliquem locum intrinsecum , siue spatium. Dixi , repleat , non occupet , illa enim sunt diuersa , vt notat Titelmanus lib. 4. cap. 15. occupare enim spatium est sic illud replere , vt excludantur alia eiusdem rationis ; atque adeo pleniorē repletiā impediunt , quod pertinet ad corpora ; alia verō repleat , sic vt alia in eodem spatio admittant , quod pertinet ad Spiritus , & maxime ad Deum qui omnia replet intimè. Vnde à sancto Augustino dicitur esse vbique sine loco.

Inferes secundō , nullam creaturam posse absolui ab omni vbi , hoc est , de nulla creatura potest dici quod existat & nullibi existat ; repleat enim aliquod spatium necesse est ; atque adeo erit in loco intrinseco , & reuera non erit extra impenetrabilitatem Dei ; ergo erit illi præsens , & quidem
intimes

intimè ; sed esse præsentem dicit esse in loco & esse præsentem intimè , siue penetrari est esse in eodem ; hoc totum intellige de loco intrinseco, non verò de extrinseco ; certum enim est multa existere , & nullibi existere loquendo de loco extrinseco, Deus, scilicet, & cælum empyreum.

Dices cum Vasquesio : productio rei est prior productione vbicationis ; ergo producta re poterit, Deus abstinere à productione vbicationis. Contra : obiectio supponit vbicationem esse entitatem aliquam distinctam ab omni prorsus substantia, quod infra negabimus. Deinde distingo antecedens. Est prior productione vbicationis, si per talem productionem intelligas simplicem positionem in loco , est, inquam, prior realiter, Nego. Formaliter seu secundum nostrum modum concipiendi, Concedo. Præterea, quamvis vbicatio esset talis entitas, non sequeretur tamen intentum ab aduersario : nam vbicatio proprie non est locus, sed est illud per quod res constituitur in loco, quod quid sit infra videbimus. Demum res, siue habeat illam entitaturam, siue non, semper replebit aliquod spatium, eritque extensa in aliquo spatio, quod est esse alicubi. Confirmatur ex eo quod aliquid non possit esse & nunquam esse, ita non potest esse, & nullibi esse.

QVÆSTIO II.

Per quid locatum constituatur in loco.

Vbicatio est id per quod locatum constituitur in loco. Verum quid sit vbicatio non convenit inter authores. Varias eorum opiniones

in sequentibus conclusionibus examinabimus.

Dico primò, res non est in loco formaliter per actionem per quam est.

Probatur primò, explicatione termini vbi-ationis qui potest sumi, vel actiue, vel passiuè, siue formaliter. Igitur illa actio facit quidem, vt res sit in loco efficienter & actiue; sicut enim illa actio est positio in aliquo répoze, ita etiam est positio in aliquo loco; at verò passiuè, & formaliter non est talis actio, sed terminus illius actionis.

Probatur secundò, quando quæritur per quid est homo, non responderetur per actionem Dei, quia tunc quæritur quidditas, siue essentia hominis, non verò causa efficiens, aut modus cau-
fandi, creatio scilicet, vel generatio, similiter quando quæritur per quid est statua? Non responderetur per actionem artificis, quia scilicet quæritur in quo consistat statua, sed ad primam quæstionem responderetur, homo formaliter & quidditatiue est per animal rationale, metaphysicè, & per corpus & animam simul vnita, physicè: at verò per actionem Dei efficienter, siue est à Deo tanquam à causa efficiente; ad secundam verò sic responderetur, statua formaliter & quidditatiue est per subiectum & formam artificialem metaphysicè loquendo, & per partes materiæ taliter dispositas, physicè loquendo, at efficienter est per actionem artificis. Demum Deus non est in loco per actionem qua fiat; neque enim ipse sit. Similiter quando quæritur per quid res est in loco, siue per quid est locatum? Non responderi debet per actionem. Per quid igitur responderi debeat dicemus in vltima conclusione.

Dico secundò, res non est in loco per modum, qui sit entitas distincta ab omni prorsus substantia.

Probatur

Probatur primo argumento generali contra omnes tales entitulas; probauimus enim nullas dari, cum de modis egimus in metaphysica, & quamvis probationes ibi allatae sufficerent ad corroborandam istam conclusionem; placet tamen in particulari aliqua adducere.

Probatur secundo, res non est hic per negationem suæ entitatis; ergo per positionem suæ entitatis hic, res in hoc loco reperitur; per id enim est hic formaliter per quod tollitur negatio sui hic; per entitatem vero hæc negatio solum tollitur; ergo per solam entitatem rei locatio constituitur.

Confirmatur consimili argumento. Ista entitas esset superflua: nam sine illa possunt omnia quæ ad locum pertinent explicari; illa enim entitas daretur tantum ad tollendam indifferentiam mobilis, quod cum sit indifferens, ut sit hic, vel isthic, vel illic, debet determinari per aliquid, ut sit hic potius quam alibi; atque ad tollendam talem indifferentiam non est necessaria, quia indifferentia sufficienter tollitur per positionem illius ad quod datur indifferentia; ergo posito tali loco extrinseco cum tali mobili in tali parte spatij ponitur locatum.

Dices: non possunt omnia illa poni, nisi producat ur vbicatio. Contra: superflua esset vbicatio quæ esset entitas distincta, quandoquidem per positionem illorum trium omnis indifferentia sufficienter tollitur.

Instabis: et simul importat aliquid supra existentiam illorum trium; ergo vbicatio importat entitatem distinctam. Respondeo, distingo antecedens: supra existentiam absolute consideratam, Concedo: supra existentiam, relatiue & connotatiue

tatiue consideratam, Nego. Vbicatio enim in abstracto importat tantum aliquod ens metaphysicum; relationem, scilicet; at in concreto & physice nihil aliud importat quam mobile, prout in tali spatio, & illud prout significat relationem quæ, vt diximus, non importat entitatem distinctam ab omni prorsus substantia.

Probatur tertio, illa entitativa talis est vt illius nulla possit assignari causa: nam causa illius non potest esse mobile, quia de se est indifferens, nec locus extrinsecus propter eandem rationem: an forte dices illa duo determinari per spatium imaginarium? at spatium imaginarium nihil est, quomodo potest determinare aliquid reale positivum? Deinde si sufficeret ad determinandum, sufficeret etiam ad locandum, quidni enim?

Probatur quarto, omnis forma est in suo subiecto; atqui ubicatio, siue locus intrinsecus est forma quædam distincta ab omni substantia; ergo est in subiecto, siue locato, quod contradictorium est: nam si poneretur homo extra totum mundum, is non esset in loco, sed locus esset in ipso, & quidem penetratiue, & sic locatum contineret locum, non locus locatum. Dicendum est igitur nullum dari locum intrinsecum præter spatium, quod infra melius explicabimus.

Obiicies primò, omnis motus localis est actio; sed omnis actionis debet assignari aliquis terminus; ergo & motus localis, sed nullus terminus est assignabilis, si ubicatio non sit entitas distincta. Respondeo motum localem esse quidem actionem, sed non effectiorem, ita vt per illum non producat aliquid de nouo, sed acquiratur nouus modus, siue nouus status. Quare ubicatio non est terminus productus, sed simpliciter acquisitus.

situs. Deinde si vbicatio sit terminus productus, quotiescunque mutabitur locus, fiet noui entis productio & prioris vbicationis destructio. Vide igitur quam mira sit fecunditas digiti tui, & quam mira potentia, quandoquidem singulis momentis tot nouas producit entitates: sed iniurius pater? quandoquidem vix eas produxit cum eas destruit.

Obiicies secundò, omnis nouæ denominationis nouum debet dari fundamentum; ergo cum mobile dicitur locatum hîc, cum antea non esset hîc locatum, debet assignari aliquod fundamentum illius denominationis. Respondeo, Concedo antecedens; imò & totum argumentum: fundamentum autem quod assigno illius denominationis est coniunctio mobilis locique extrinseci in tali parte spatij; vel si non adsit locus extrinsecus, est existentia mobilis prout in tali parte spatij.

Instabis: vel illa coniunctio est entitas distincta, vel non: Si primum, habeo quod intendo: Si secundum, quotiescunque erit Petrus, locus eius extrinsecus, & pars spatij erit illa coniunctio, atque adeo locatum, quod aperte falsum est: nam cum Petrus Narbonâ migrat Tolosam, relinquitur ibi locus extrinsecus, aut saltem potest ibi conseruari eadem superficies aëris, & pars spatij & existit Petrus; ergo illa tria erunt, & tamen Petrus non erit locatus. Respondeo, quotiescunque erunt illa tria, erit coniunctio entitativè, Concedo: formaliter vt est respectus cōtinentis & contenti, Nego: vel erit coniunctio in potentia, Concedo: in actu, Nego. Quare illa coniunctio in potentia denominat in actu primo, non verò in actu secundo; ad hoc enim debet esse coniunctio

iunctio secundum formalitatem, seu secundum respectum qui non distinguitur ab extremis.

Instabis secundo, formalitas illius coniunctionis est ipsamet entitas cuius est formalitas, seu duplex entitas corporis continentis & contentis; ergo nulla solutio. Respondeo est entitas continentis & entitas contenti specificatiue, vt sunt entitates, Nego: reduplicatiue vt sunt sub mutuo respectu & sumptæ vt ex parte sui sunt obiectum reduplicationis nostræ, Concedo: sicut autem non potest sub eodem instanti existere fundamentum, & terminus quin referantur; ita etiam non possunt in eadem parte spatij existere locus hic realis, siue extrinsecus & Petrus, quin hoc ipso Petrus in hoc loco sit: daturque inter eos relatio continentis & contenti.

Dico tertio, formaliter res constituitur in loco extrinseco per coniunctionem cum illo correspondente ad talem partem spatij.

Probat, quia tota essentia vbiationis in tali coniunctione consistit & illâ positâ ponitur vbiatio, & illâ sublatâ tollitur; si enim vel vnum ex illis desit, non erit adæquare idem locatum.

Dico quarto, res constituitur formaliter in loco intrinseco per respondentiam illius tali parti spatij.

Probat, eadem ratione qua superior conclusio, & reuera esse locatum est tantum denominatione extrinseca; sicut esse visum, sicut etiam & esse contentum. Confirmatur ex eo quod differentie loci sint denominationes extrinsecæ, vt esse supra, esse infra, esse deorsum, esse remotum, &c. Quid sit autem spatium satis patet; neque enim inueniri potest vox clarius exprimens, ab aliquibus tamen definitur capacitas recipiendi

recipiendi corpora, sed hæc definitio, vt patet, valdè metaphysica est, & est magis obscura quam ipsum definitum; potest enim inquiri quid sit talis capacitas. Deinde omnis capacitas est potentia, atque adeo qualitas, sed omnis qualitas est in aliquo subiecto; ergo & talis capacitas; at in quo subiecto erit? Certè nullum assignari potest. Guillelmus Lamy part. 2. cap. 2. dicit spatium esse extensionem permeabilem, & qualibet ob-
sistentia carentem, quæ definitio optima est, modo extensio mathematicè sumatur: si enim sumatur physicè, quæri etiam potest in quo subiecto sit talis extensio. Perperam igitur cap. 28. dicit spatium non minus reale esse quam corpus, non tamen substantiam esse aut accidens, quod hæc diuissio de ente positiuo sit; non tamen, inquit, est ens negatiuum, sicut priuationes à cathedra-
riis Philosophis appellantur; cum ipsæ omnino nihil sint; analogicè tamen ad substantiam reuo-
cari debet. Verùm sic non explicatur quid sit spatium, si enim reuocatur ad substantiam, quæri potest num reuocetur ad substantiam corpoream, vel spiritualement. cui quæstioni difficile responderetur. Porro abstinui à voce ista, spatium imaginarium, & quidem iure vi patebit quæstione sequenti.

Q V A E S T I O III.

Quid sint spatia imaginaria.

Dico: spatia imaginaria nihil aliud sunt quam imaginatio spatiorum.

Explicatur: quæritur num ultra mundum qui, vt suppono, non est infinitus, vel saltè non est necessariò infinitus, sit spatium aliquod reale, sed si est reale, iam amplius non est simpliciter imaginaria

Disp. III. De corpore naturali &c. 189

imaginarium, sed erit aliquid increatum; si enim est creatum, ad mundum pertinet ut pars: nam per mundum intelligimus vniuersitatem creaturarum. Quapropter, sicut antequam Deus crearet mundum, nihil erat reale in spatio ubi est mundus præter ipsam immensitatem Dei: ita etiam extra fines mundi nihil est, sed aliqui imaginantur ibi esse aliquid reale, sed pura imaginatio est.

Probatur: sicut paries visus, physice nihil aliud est quam visio parietis: nam à parte rei harum duarum propositionum; ego video parietem, & paries videtur à me, vna nihil importat supra aliam; ergo etiam spatia imaginaria, & imaginatio spatorum erunt vnum & idem,

Dices spatia imaginaria definiri ab aliquibus, vbicatio possibilis: vel capacitas recipiendi corpora. Respondeo vbicationem possibilem de facto nihil esse; quod enim est possibile & non existit, nihil est actu; ergo illa spatia nihil sunt actu. Ad secundum respondi supra. Dicendum est igitur extra mundi terminos nihil esse, sed potest Deus ibi alios mundos collocare, sicut & istum collocauit, vnde à sancto Ambrosio epist. 31. spatium cui mundus insidet esse locum vniuersalem docetur. Itaque spatia vlttramundana nihil aliud sunt quam extensio mathematica infinita.

Quæres num Deus sit in spatiis imaginariis? Respondeo hanc quæstionem pertinere ad Theologiam; neque enim solui omnino potest, nisi prius cognoscatur quid sit immensitas Dei. Interim tamen dico Deum replere omne spatium vlttramundanum, atque adeo Deum existere in illis spatiis, ubi nihil aliud est præter ipsam essentiam Dei immensam, eodem modo quo essentia

sentia Dei erat in spatio ubi est mundus, antequam mundus crearetur. Non dico Deum coexistere illis spatiis; nam coexistentia importat duplicem existentiam realem; at illa spatia nullam realem habent existentiam. Non dico etiam Deū existere in spatiis imaginariis, cum spatia imaginaria sint tantum in capite imaginantium, quod quidem Deus replet, sed illa spatia ultramundana imaginaria dici nequeunt, nisi quatenus obiectum sunt imaginationis, sed eodem iure dici possunt spatia intelligibilia, quia intelligi possunt, suntque obiectum intellectus.

Q V Æ S T I O I V.

An diuersa corpora possint esse simul in eodem loco.

Plures spiritus esse simul in eodem loco etiam naturaliter nullum dubium est, imo & spiritum penetrare posse corpora concedunt omnes; cum omnia creata essentia diuinæ quasi innatent, superest tantum dubium de corporibus, an in eodem loco plura esse possint: cui vt satisfaciam.

Dico primò, non possunt naturaliter plura corpora esse in eodem loco simul & semel. Probatur primò, corpus omne habet suam quantitatem actualem, sed quæ habent quantitatem actualem ita se habent, vt plura in eodem loco esse nequeant; ergo naturaliter plura corpora in eodem loco esse non possunt. Probatur minor: quæ habent quantitatem actualem habent impetrationem, penetrari autem duo corpora naturaliter nequeunt, vt patet quotidiana experientia; videmus enim corpora sese mutuò pellere ex eodem loco

Disp. III. De corpore naturali &c. 191
loco, nec in eodem sese compati; sic cum infunditur aqua in aliquod vas, expellitur aër.

Obijcies: vas plenum aqua recipit multos nummos sine effusione aquæ: idē dic de sale. Similiter vas plenum cineribus multam recipit aquam; ergo naturaliter duo corpora possunt esse in eodem loco. Respondeo ad primum & ad secundum aquam non effundi quādiu labra vasis sicca erunt; tunc enim aqua eleuatur sursum in superficiem conuexam; ad tertium verò dico cineres per receptionem aquæ constipari, & aër immixtus inter illos euaporatur simul cum delicatioribus cineribus partibusque aquæ; cum enim aliquid ignis in ipsis remaneat, ignis vapores illos eleuat.

Dico secundo, plura corpora possunt virtute diuina sese penetrare, atque adeo esse in eodem loco. Probatur: repugnantia esse non potest neque ex parte loci; nam de se pluribus repleri potest, non solum successiue, sed etiam simul & semel; potest enim repleri pluribus spiritibus: neque ex parte corporum; neque enim hoc est contra eorum essentiam, quia impenetratio actualis est tantum proprietas secundaria.

Probatur secundo ex Eucharistiæ sanctissimo Sacramento; nam totum corpus christi Domini non posset esse in tam paruula hostia, nisi partes sese mutuò penetrarent. Quod si semel admittatur partes eiusdem corporis sese penetrare posse, necesse est etiam vt concedatur idem de pluribus corporibus.

Q V Æ S T I O V.

*An idem numero corpus possit esse in
diuersis locis.*

Idem posse replere plura loca inter se continua, vel vnum æquiualentem pluribus non est dubium; Angelus enim naturaliter habet sphaeram præsentia æquiualentem pluribus locis hominum, v. g. certum etiam est idem non posse esse in pluribus locis distitis naturaliter. Quæstio igitur est an potentia absoluta Dei possit constituere idem corpus in pluribus locis distitis. Negant hæretici propositionem hanc simpliciter, quia nolunt concedere Christi Domini Corpus esse in Eucharistia; Thomistæ verò distinguunt dicendo idem non posse esse in pluribus locis distitis circumscriptiue, fieri tamen posse vt idem sit in vno loco circumscriptiue & in alijs sacramentaliter; vt constat fide. Hoc posito.

Dico primò, idem numero corpus potest esse in diuersis locis etiam circumscriptiue per diuinam potentiam. Probat: hoc non repugnat ex parte corporis; nam idem est in cælo & in Eucharistia, nec ex parte loci circumscriptiui cuius ratio solum est vt corpus ita sit in loco, vt singulis partibus corporis respondeant singulæ partes loci, nec excludit existentiam in alio loco, quod probatur ex eo quod corpus Christi Domini sit circumscriptiue in cælo, & tamen reuera idem corpus sit extra.

Dices cum Complut. repugnantiam oriri ob specialem essendi modum in pluribus locis quantitatiue

Disp. III. De corpore naturali &c. 193

titativo modo & per proprias dimensiones, quia vna & eadem quantitas non potest esse ratio essendi in illis, nec possunt multiplicari effectus secundarij sine multiplicatione formæ, atque adeo nec propriæ dimensiones sine multiplicatione quantitatis quæ, si multiplicatur, iam corpus non est vnum & idem.

Contra: totum illud remanet refutatum ex eo quod statuerimus res non habere suam unitatem numericam seu individualement à quantitate quæ sit accidens realiter distinctum: & quamvis talis unitas sumeretur à quantitate, adhuc tamen non soluitur argumentum; nam potest eadem quantitas esse in pluribus locis, atque adeo eadem dimensio; quod si velit aliquis dimensionem importare respectum ad locum, ita vt mutato loco mutetur dimensio, & multiplicato multiplicetur dimensio; nec per hoc soluitur argumentum, quia tunc quantitatem distingui ab actuali dimensione dici potest, distingui inquam per locum, atque adeo per hoc quod importatur in obliquo, non verò per hoc quod importatur in recto. Vnde, posito eodem corpore in pluribus locis, non multiplicaretur dimensio in seipsa, sed tantum multiplicaretur locus.

Probatur secundò, act. 3. ait D. Petrus quem (Christum) oportet cælum suscipere usque ad tempus resurrectionis hominum. Quod etiam docet Sanctus August. relatus in decret. de Consec. dist. 2. Cap. prima quidem hæresis. Donec finiatur sæculum. Sursum est Dominus, Et tamen ipse visus est à D. Paulo, vt patet 1. Cor. 15. 8. imò etiam & à Diuo Petro, vt historia Ecclesiastica narrat.

Respondent Complut. Christum Dominum per

Physica.

I

has

has morulas reliquisse cœlum. Verum hoc non potest dici bene congruenter ad scripturam sacram quam retuli. Tutius est igitur si dicamus simul fuisse in duobus locis.

Probatur tertio, non magis est supra rationem naturalem duo corpora posse penetrari, & idem corpus habere duas qualitates contrarias etiam in summo, v.g. calorem maximum & frigus maximum; atqui hæc omnia possunt fieri in sententia Thomistarum; ergo & primum.

Objicies primò, si item corpus posset esse in duobus locis, esset diuisum à seipso, quod fieri nequit. Respondeo Nego sequel. quia omnis diuisio est vnus ab alio; sed in hoc casu non esset vnus & aliud, sed idem.

Instabis quod est Romæ diuisum est ab eo quod est Lugduni. Respondeo, ab eo quod est Lugduni si sit aliud, concedo: si sit idem, Nego; alioquin Deus qui est Lugduni diuisus esset à seipso Romæ.

Objicies secundò, esse circumscriptiue in loco dicit non esse alibi; ergo. Respondeo esse circumscriptiue in loco dicere tantum illud circumscribi, vel ambiri, vel terminari hic, ita vt quælibet pars corporis suam loci partem repleat.

Objicies tertio, si corpus esset in duobus locis, distaret à seipso, quod est impossibile. Respondeo, Nego sequelam, quia distantia est vnus ab alio, sed in hoc casu non est vnus & aliud.

Instabis: qui est Romæ distat ab eo qui est Narbonæ. Respondeo si est vnus & alter, concedo: si idem Nego.

Vrgebis: Roma & Narbona distant; ergo & qui est Narbonæ distat ab eo qui est Romæ. Respondeo ad illam instantiam & similes, concedo antecedens

Disp. I I I. De corpore naturali &c. 195

antecedens & Nego consequentiam. Si idem utrobique est : concedo, si aliud ; nisi dicatur ratione connotati distare à seipso ; sicut Petrus locatus Romæ & idem locatus Narbonæ differt à seipso ratione connotati seu ratione loci , quatenus vnus locus distat ab alio , propriè tamen non debet dici distare à seipso.

Objicies quarto , si idem corpus posset esse in diuersis locis , posset esse in omni ; ergo esse immensum , quod repugnat ; immensitas enim est propria soli Deo. Respondeo , esto , totum illud sequatur , non tamen repugnat ; nam immensitas quidem independens est solius Dei , non verò immensitas dependens : corpus autem illud esset immensum dependenter à Deo.

Objicies quinto , idem corpus posset moueri & non moueri , esse gratum Deo & non esse gratum Deo , esse viuum & mortuum , & similia quæ repugnant. Respondeo plus potest Deus facere quam intellectus humanus capere , inquit D. Bon. atque adeo si habeamus rationes quibus probetur posse fieri à Deo vt idem corpus sit in duobus locis , de modo prouidebit Deus. Attamen ad obiectionem respondeo corpus quod esset in diuersis locis non habere quidem easdem denominationes extrinsecas sicut sedere , iacere , ambulare , &c. quia hæc accidentia affixa sunt locis : at haberet easdem denominationes intrinsecas , vt calefieri , frigefieri , &c. quia cum hæc accidentia afficiant intrinsecè subiectum vbicumque est , subiectum illa habeat necesse est. Vnde si corpus Romæ poneretur in medio glaciei , & Narbonæ in medio ignis , actio ignis temperaret actionem glaciei , & si in vno loco cibum sumeret , in alio nutrireretur , & si quis in vno loco peccaret

mortaliter, atque adeo ibi fieret ingratus Deo, in alio etiam loco esset ingratus Deo, & si in vno loco moreretur, in alio quoque moreretur, & si in vno loco ægrotaret, in alio ægrotaret. Si verò aliquis his responsionibus nolit esse contentus, soluat mihi quomodo possit fieri vt de Christo Domino simul & semel verificetur videre & non videre, moueri & non moueri, esse splendidum & non esse splendidum, loqui & non loqui &c. nam prout est in cælo videt, mouetur, splendet, loquitur, &c. at prout in Eucharistia non videt, non mouet sese, saltem semper; non splendet, non audit, & solutionem quam mihi dederit objectioni sine dubio applicabo.

ARTICVLVS II.

De Vacuo.

Vacuum propriè nihil est aliud quam locus omni corpore incluso destitutus: vel melius, est superficies corporis concava nullum aliud corpus ambientis, qualis esset superficies concava cubiculi, si annihilato omni aëre, nihil succederet; vnde vides vacuum non sumi pro inani simpliciter, quale est extra mundi termines: nec etiam sumi pro eo quod caret iis quibus repleti solet, vt dolium dicitur vacuum, quando non est vino plenum, licet repletum sit aëre, & anima dicitur vacua scientia & virtute. De vacuo igitur propriè sumpto quæstio est num sit vel esse possit, & supposito quod esse possit, quomodo se haberet motus in illo; quibus vt satisfaciam, quæstiones sequentes instituo.

Q V Æ S T I O I.

An detur vel possit dari vacuum.

A Vthores aliqui inter quos est Thomas Anglus & Digbæus & Cartesius docent nullo modo posse dari vacuum etiam supernaturaliter, siue virtute diuina, & licet Cartesius tom. 2. epist. 6. asserat se non disputare de omnipotentia diuina, attamen, dum dicit vacuum implicare contradictionem, sufficienter explicat suam mentem esse, vacuum esse omnino impossibile. Alij, vt Gassendus & Magnanus, dicunt non dari quidem magnum vacuum, sed dari vacua disseminata, sed paruula, sicut pori in corpore, magnum verò posse dari, licet difficulter. Demum alij censent nulla vi naturali induci posse vacuum, siue magnum, siue paruum, bene tamen supernaturali.

Dico primò, dari potest vacuum virtute diuina. Probatur primò, qui ordinauit vniuersum potest mutare ordinem vniuersi; at Deus ordinauit; ergo potest mutare ordinem vniuersi; sicut enim potuit facere mundum, ita vt esset orbis, non globus, ita & nunc posset sic ordinare mundum; si enim Deus destrueret omnia corpora, quæ sunt intra cælum empyreum, solum cælum empyreum conseruando, tunc superficies illius concava nullum corpus contineret, sicque daretur vacuum. Illud autem posse à Deo fieri probatur, quia Deus potest annihilare quodlibet alio realiter distincto conseruato, verbi gratiâ, potest Deus annihilare Paulum conseruato Petro; est enim liberrimus in suis operationibus; ergo potest Deus destruere omnia corpora solo empyreo conseruato, & à

fortiori aërem istius cubiculi conseruatis parietibus, & impediendo ne aliud corpus succedat.

Obiicias, cum Cartesio epist. rom. 2. ep. 4. quod vocatur vaeuitas cubiculi est reuera corpus; habet enim longitudinem, latitudinem, & profunditatem. Respondeo ibi esse reuera corpus mathematicum, non verò physicum. Mathematici autem etiam in spatiis vltiramundanis sua triangula & quadrangula & circulos designare possunt.

Instabis primò, cum Thom. Anglo non posse intelligi cubiculi cubici deperire reale interuallum, aërem, absque eo quod connexerint eo ipso parietes: nam in situ tollere distantiam; idem est quod in qualitate tollere dissimilitudinem, in quantitate tollere inaequalitatem, sed tollere dissimilitudinem est ponere similitudinem; ergo tollere interuallum & distantiam est ponere conjunctionem. Respondeo equiuocationem esse in vocabulo, interuallum; nam distantia potest esse realis absque eo quod medium sit reale; ad hoc enim sufficit, si termini sint reales. Vnde sublato & annihilato aëre cubiculi, non ideo tolleretur interuallum, seu distantia parietum, atque adeo nec fieret coniunctio: & reuera, si aër esset interuallum, sequeretur quoticumque pro aëre substitueretur aqua, vel terra, vel lapides, vel quid aliud, toties mutari interuallum, & distantiam, quod est absurdum; remanet enim distantia eadem, & si velis credere, sume vnam & metire: distantia igitur est spatium quod est inter duo corpora, metiri que potest, absque eo quod in medio sit aliquid reale: & quid impedit quominus Deus creet duos homines in spatiis vltiramundanis longè supra mundum, ita tamen vt vnus respondeat polo arctico, alius verò polo antarctico,

co, an credis quod propterea possint sese mutuò amplecti? Certe longiores deberent habere manus. Demum Antichristus, neque dissimilis, neque similis est Petro existenti, quia non existit.

Instabis secundo, cum eodem si hypothesis supradicta admittatur, sequeretur quantitatem esse in corpore absque eo quod partes hæerent inuicem & essent immediatæ, & sic tolleretur unitas & continuitas mundi. Respondeo, Nego consequentiam; quantitas enim continua continuitatem requirit, ut patet ex ipsis terminis; at quis diceret spongiam non esse unum continuum, similiter & corpus humanum non esse unum continuum ex eo quod habeant poros? Porro inter illos duos homines constitutos in spatiis ultramundanis non esset quantitas physica, sed mathematica.

Instabis tertio cum eodem; si detur vacuum, spatium illud quod interiicitur lateribus loci haberet aliquas partes; sed nihil absurdius est quam ponere non ens (quale dicitur hoc spatium esse) habere partes, cum habere partes sit esse quantum, quod est entis affectio. Respondeo spatium illud habere partes eo modo quo dici potest corpus; atqui mathematicè tantum, non physicè dici potest corpus; ergo habet tantum partes mathematicas, non physicas, scilicet potest assignari medietas illius spatij, vel alia portio, sed non ideo ibi est aliquid reale actu.

Instabis quarto, ponatur in illo vacuo corpus aliquod paruum, & modò accedat ad unum parietem, modò ad alium absque eo quod tangat aliquod latus, necesse est contedatur factam fuisse aliquam mutationem, at qualis sit intelligi nequit; neque enim intrinseca est, cum tantum po-

natur mutatum ratione alicuius extrinseci, nempe loci; neque extrinseca erit, cum extrinseca mutatio absque intrinseca, vel in eodem, vel in alio corpore, qualis hic nulla interuenit, non possit reperiri. Respondeo esse mutatum extrinsecè, negatur autem quod additur mutationem extrinsecam debere esse alicui intrinsecam; gratis enim dicitur: quia mutatio loci est denominatio purè extrinseca, sicut lapis qui est primus potest esse ultimus per transpositionem, quæ nihil ponit in re nouum, & maxime dicendum, hoc est si talis transpositio fieret in spatiis vlttamundanis.

Dico secundo, vis naturæ impediens vacuum notabile, non est tanta quanta vinci nequeat ab agentibus naturalibus. Probat: potest quilibet Angelus transferre partes terræ in spatia vlttamundana. Idem dico de aqua, & de aëre; ergo virtute Angelica naturali potest dari vacuum.

Dices posse quidem Angelos hoc facere secundum suas vires intrinsecas, sed non posito Dei decreto secundum quod, vt ait D. Paul. Heb. c. 2. *Non illis subiecit Deus orbem terra.*

Contra: Manet tota vis argumenti: nam decretum illud est extrinsecum viribus naturæ, atque adeo manent vires naturales Angelorum sufficientes ad inducendum vacuum, licet de facto nunquam illud inducturi sint. Ad illud Apostoli dico sic esse; *Non enim Deus subiecit Angelis orbem terra futurum*, per quod quid intelligatur variè explicant auctores: aliqui intelligunt de Ecclesia: alij de gloria: alij de mundo post resurrectionem; vnde ex illo aliquid concludi efficaciter non potest contra conclusionem suprapositam.

Probatur

Probatur secundò, naturæ vis non est infinita; ergo vinci poterit.

Dices naturæ quidem vim esse finitam, sed virtutem Dei quæ naturæ vires dirigit esse infinitam. Contra: Deus agit tantum naturaliter, seu secundum exigentiam causarum secundarum; atqui illa exigentia est finita; ergo & Deus suam virtutem applicat tantum finitè. Deinde si induceretur vacuum, hoc non fieret, nisi per virtutem naturalem attrahendo aërem, verbi gratiâ, è vase quod in tali circumstantia exigeretur à natura, sicut in fontibus artificialibus ascendit aqua exigente natura.

Obiicies: illud à quo maximè abhorret natura quodque metuit non potest dari naturaliter; atqui natura maximè abhorret & metuit vacuum, ut constat experientia: nam hac de causa ascendunt grauiâ, & descendunt leuiâ; ergo non datur vacuum naturaliter.

Respondeo: cum dicitur naturam abhorre-
re à vacuo, hoc dicitur per metaphoram; abhorre-
re enim & metuere pertinet ad ea quæ prædita sunt
cognitione, aut saltem sensatione. Si dicas per
naturam te intelligere authorem naturæ. Respon-
deo adhuc ibi esse metaphoram; neque enim
Deus capax est metus. Certè si uti necesse sit me-
taphoris, melius diceretur naturam amare pleni-
tudinem, quam abhorre-
re à vacuo. Ad probatio-
nem minoris respondeo omnes illos motus pro-
uenire à gravitate, quatenus omnia corpora gra-
uitant, & petunt centrum mundi, & ad illud sen-
dunt quantum possunt, cum hac tamen differen-
tia, ut quæ sunt magis grauiâ proximè accedant
ad centrum, quia pellunt minus grauiâ, ut vide-
mus lapides mergi in profundum; aquam verò
I attolli

attolli sursum : spacia quæ inter corpora dura relinquuntur replentur alio tenuiori corpore quod se per illa foramina ingerit, vt si repleatur fossa lapidibus, spacia quæ inter lapides relinquuntur replentur arenulis & spacia quæ inter arenulas relinquuntur replentur aëre, non quidem obmetum quendam phantasticum vacui, sed ob innatam gravitatem, quæ ab agentibus naturalibus vinci non implicat. Deinde talis metus nulla datur causa; ergo admitti nequit.

Dices causam finalem esse commodum vniuersi; si enim daretur vacuum, non possent communicari influentiæ cœlestes, quibus tamen indigent corpora inferiora. Contra: potest dari motus in vacuo, atque adeo cum influentiæ cœlestes sint corpuscula quædam; per medium vacuum pertransire possunt. Deinde esto, quod tales influentiæ non communicarentur per lineam rectam, possent communicari per lineam refractam, sicut patet de luce. Demum cum cœli non indigeant influentiis terræ, poterit in cœlis dari vacuum.

Dico tertio, licet dari possit vacuum notabile viribus naturæ, difficillimum tamen est. Probat, quia cum in omnibus disseminati sint pori, in ipso etiam vitro, quod compertum est argentum viuum transpiratione exudauisse, imò si in longiorem tubum rectum producatur insecti, recedente corpore, quod replentur vasa quæ ad talem experientiam adhibentur, succedent corpuscula quæ sunt intra poros, non metu vacui, sed innato pondere, porosque lux, aut aer subtilissimus peruadet; illud tamen minus difficile fieret in vasis quorum latera essent valde compacta, & valde spissa, & opaca propter pororum implicantium. Hinc famosa Valeriani Magni experientia, quæ

quæ in rubo vitreo hermeticè vna parte occluso plenòque argento viuo peragitur, non conuincere videtur, dum enim in aquam argentum viuum descendit, rubique medietatem ad sensum vacuum relinquit, illi succedit lux per poros vitri ingressa, sicque medietas illa non est reuera vacua, licet sic appareat.

Dico quarto, in omni corpore quamplurima vacua sunt disseminata. Probatum ex compositione continui; atomi enim propter figuram irregularem non ita bene copulantur, quin poros relinquant, ut patet maximè in viuientibus, quæ aliquin non crescerent per intus susceptionem defectu meatuum; imò & in corporibus etiam densissimis; aurum enim hydrargyro saturatur, & in cæteris etiam metallis inflexio, diductio, & contractio cernuntur.

Dices: aliqua non videntur pati inflexionem. Contra: patiuntur de facto, sed propter exiguum partium distractionem talis inflexio non est sensibilis. Constituatur virga ex tali materia, & ad eam infringendam requirantur octo gradus conatus; quæro: an à septem conatibus gradibus vini aliquam passa sit illa virga, vel non: si secundum, non frangeretur octauo, septem enim nihil in eam potuerunt, multò minus vnus qui superest: si verò vini aliquam passa est; ergo per singulos gradus paulatim labefactabatur per maiorem, & maiorem partium diductionem; donec tandem per octauum gradum nexu omnino soluto frangitur; prius enim res inflecti debet; poros igitur ligni, verbi gratiâ, replet aër, aëris poros ather, si detur ather, atheris lux: luce autem recedente remanent pori vacui; neque enim datur progressus in infinitum; etsi igitur admitteretur natu-
rana

ram abhorrere à magno vacuo, non tamen à paruo, sicut viuens abhorret à magno vulnere, non tamen à poris, imò habet eos necessarios; sic enim omnia corpora illis egent ad recipiendos influxus cœlorum qui sunt minutissima corpuscula.

Probatur tertio, specialiter contra Cartesium: antequam communis illa totius vniuersi materies tanta pernecitate moueretur, vel partes vnitæ inter se, & omnino continuas habebat, vel non: si secundum; ergo inter partes erant spatiola vacua: si primum, quomodo distractæ sunt à se inuicem, & circumactæ sunt absque eo quod vllum inane spatium admiserint?

Dices, poros qui inter particulas intercedunt repleri tenuissimi pulueris granulis. Contra: vel illa granula sunt flexibilia, vel non: si sunt flexibilia; ergo poros habent, at quo replebuntur pori illorum? si non sint: flexibilia non poterunt ita sese contingere quin speciosa vacua relinquant.

Confirmatur ex aëre vi in phialam intruso; primus replebat totam; qui ergo vi intruditur, vel priorem penetrat, vel occupat vacua quæ ibi antea erant.

Confirmatur secundo, ex rarefactione & condensatione, quæ sine dubio clarius, atque facilius explicantur, si admittantur vacua illa inter particulas primas, ut infra patebit.

Obiicies: vacuum esset pars mundi. Respondeo: non magis esse partem quam tenebras, & cæcitatem. Opponuntur nobis multæ experientiæ: sed ne in longum nimis ista quaestio protrahatur, sit

Q V Æ S T I O II.

*Quomodo respondendum sit experientiis,
quæ afferuntur à negantibus vacuum.*

Prima experientia est cucurbitularum medicorum in quibus videmus carnem assurgere. Respondent aduersarij talem effectum prouenire ex eo quod aer à calore flammæ rarefactus condenseretur, cum extinguntur candelæ, & cum condensatur, minorem locum occupet necesse est, & sic assurgit caro propter metum vacui.

Contra primò, obseruauì carnem assurgere antequam candelæ extinguantur, atque adeo antequam condenseretur aer, imò dum magis calefit. Secundo, momento quo cucurbitula imponitur statim expellatur aer rarefactus, ascendit eodem modo caro. Tertiò, impleatur cucurbitula fumo spisso, vel vngatur oleo coagulato, aut pinguedine, apponatur intus linteamen madidum, vt attollantur vapores, & sic repleatur quod per condensationem posset relinquere vacuum; sed semper eodem modo assurgit caro, & tamen ibi non est timendum vacuum. Si hoc proueniret ob metum vacui, deberet idem effectus cerni, si cucurbitulæ applicarentur ligno. Deinde aliquando fiunt tumores in vultu similes illis, non certe ad impediendum vacuum, vt patet. Demum deberet cessare tumor statim amoris cucurbitulis, quia tunc cessaret metus vacui.

Respondet Pascalius hunc effectum prouenire ex eo quod aer circumstans cucurbitulam premat carnem & cogat assurgere, dum condensatur aer
per

per extinctionem candelarum : sed eodem modo refuatur. Præterea , si hoc proueniat ex solo pondere, quare non assurgit caro in cucurbitulis cruri hominis applicatis sine igne ; cum tamen (omnia munda mundis) vt à quodam peritissimo & eruditissimo medicinæ professore didici , assurgat caro fœminæ quodam morbo fœmineo ægrotantis , dum cucurbitulæ applicantur etiam sine igne. Non diffiteor tamen talem pressionem aliquid iuuare.

Dico igitur carnem assurgere ex eo quod aer calefactus ingrediatur in carnem ; calore enim aperiuntur pori & inflatur pellis quam propter unionem sequitur caro , & protiratur sanguis vt affluat : assurgit autem in fœminis, quia dum tali morbo ægrotant , exhalant malignos vapores calidos qui per vitrum aut aliud vas applicatum parti, vbi magis dolor vrget, reflectuntur & pellem calefaciunt & ingrediuntur , & sic inflant.

Secunda experientia : è dolio non egreditur vinum nisi fiat aliud foramen aut desuper aut in summitate.

Respondent aduersarij hoc fieri propter metum vacui, quia nisi fieret aliud foramen , relinqueretur aliquod spatium vacuum à quo natura abhorret.

Contra : si impleatur dolium aqua, non experiemur eandem difficultatem , vt refert Sorel ; & quomodo potest timeri vacuum in dolio, cum vinum vnus dolij tot vapores emittere possit quot sufficerent ad implenda plura dōlia. Demum , cum aliquæ mensuræ vini extractæ sunt , non est amplius recurrendum ad foramen. Dices fortè aerem tunc rarefieri : at nunquid antea vinum rarefieri poterat.

Respon

Disp. III. De corpore naturali &c. 207

Respondent Cartesiani hoc prouenire ex eo quod corpuscula, quaquaversum magno impetu vorantia ante foramen impediunt vinum ne egrediatur, at si fiat desuper per illud sese immiscent & vrgent vinum.

Contra : si foramen non fiat desuper, sed tantum in superiori parte eiusdem faciei dolij, egreditur vinum quod tamen poterat impetus corpusculorum impedire & quasi obturare duo foramina tam bene quam vnam, quandoquidem sunt in eadem fronte.

Respondet Magnanus vinum effluere quando factum est foramen desuper, quia aer grauitat desuper & aërem pellit qui impediēbat egressum vini. Fateor hanc responsionem mihi multum placere & reuera concedo pondus aëris desuper non parum iuuare, attamen non omnino soluitur difficultas;

Contra enim : cur, quando aliquæ mensuræ vini fluxerunt, non sentitur talis difficultas; licet enim nullum fiat foramen desuper, libere fluit vinum? an forte diceres, quia aer iam inelusus grauitat supra vinum, at nonne vinum quod antea ibi erat magis grauitabat? certe vinum grauius est aëre, deinde & hoc est etiam contra omnes alios, fiat foramen paulò maius, cuius diameter sit transversum digiti &, quantumvis plenum sit dolium, nulla sentietur difficultas. Nec dices ob magnitudinem foraminis ingredi aërem; nam contra: toto foramine & cum magno impetu egreditur vinum.

Dico ergo non egredi vinum, quia partes vini sese inuicem comprimunt, vnde non effluit vinum nisi festuca vel alio intruso prorites & guttam aliquam diripias quæ quasi facto impetu plurimas alias

aliis eadem eruptione fluentes ponè se trahat & quandiu palea per foramen in dolio remanebit, tandiu vinum effluet: sit autem foramen aliud vt fumosi vapores egrediantur, qui nimis vinum comprimebant tenaciusque reddebant; adde quod aer si ingrediatur iuuat diuisionem.

Tertia experientia: in vase hortensi subrus in modum cribri pertuso aqua tenetur suspensa, quandiu foramen superius obturatur, & fluit statim atque aperitur illud foramen.

Respondent aduersarij hoc euenire, quia si flueret aqua, daretur vacuum, cum nihil substitueretur loco illius.

Contra: cur non respondent consequenter ad superiorem experientiam, quod sicut factis duobus foraminibus in fronte dolij, per vnum ingreditur aer & per aliud egreditur vinum, ita etiam cum multa sint foramina in fundo illius vasis, per vnum posset aer assurgere, dum per alia effunderetur aqua? Deinde fiat foramen in aliqua pelle aëri expansa & eadem erit difficultas, vt refert Sorel. Præterea eandem difficultatem experimur in phiala plena omnino euerfa, si collum sit angustius & quidem non propter metum vacui; quando enim phiala est tantum semiplena, idem non euenit, licet sit idem periculum vacui, si dicas in isto casu egrediente aqua rarefieri aërem: contra: quando phiala plena est egrediente vna parte aquæ poterat alia rarefieri & par est ratio; & reuera si author naturæ instituisse vt nullam naturā creatā admitteret vacuum, non est dubium quin faciliiori & simpliciiori modo vsus fuisset ad vitandum huiusmodi vacuum; nam sapientiz Dei est ita procedere, & ad hoc reuocatur illud axioma, frustra sit per plura quod fieri potest

Disp. III. De corpore naturali &c. 209

potest per pauciora, & frustra fit per difficultia media, quod potest fieri per facilia; atque adeo cum facilius & simplicius impediretur vacuum per rarefactionem aquæ, non est cur hoc fieret per suspensionem aquæ quam tota natura stupens miratur.

Respondet Maignanus, vt vera causa cognoscatur, sumi debere vnicum foramen; sic enim dicendum erit de reliquis. Illi igitur imminet cylindrus aquæ qui bene sustineri potest ab aëre circumpellente, præsertim cum sit tantum palmaris aut paulo amplius; si enim longior esset, paululum efflueret; adde quod aër & aqua non consentiunt ire filatim sed bullatim & guttatim ire tentant, ostium verò est valde exiguum; itaque aperto superiori spiraculo fuit propter aërem cylindro aqueo insistentem, & propter eandem rationem non effluit aqua ex phiala omnino euerfa; bene tamen ex inclinata, quia tunc oblique incurrunt in se inuicem aqua & aër & propter angulum facilius illa inguttas, hic in bullas diuiditur.

Contra: si hoc proueniret à vi aëris circumpellentis & sustentis, idem euenire deberet, si foramina essent latiora, quod tamen falsum est, & à fortiori sustineri deberet aqua phialæ tantum semiplenæ, & tamen tota effluit, vt dixi supra.

Dico igitur rationem esse, quia aqua diuisioni resistit, quæ resistentia prouenit tum ob naturalem vnionem partium, tum verò maxime quia partes aquæ quæ sunt ad latera A. & B. vide fig. 1. propter decliuitatem laterum premunt eas quæ sunt in medio, & quia angusta sunt foramina impediunt diuisionem aquæ: aperto autem superiori spiraculo vasis fuit aqua, quia pondus aëris insistentis in foramine C, additum ponderi aquæ D D D D superat

superat pondus aquæ quæ est in A. & B. atque adeo eius compressionem. Vnde arbitror quod si latera essent recta vt in K non suspenderetur aqua, nisi forte adeo minuta essent foramina, vt sequi non posset diuisio aquæ, vt non sequitur in vitro, licet certum sit in eo esse poros. Arbitror etiam quod si vas hortense transferretur plenum in spatiis vltimundanis, non fluere aqua quantumvis aperto spiraculo, quia scilicet nihil adueniret cuius auxilio aqua D D D D vinceret & propriam unionem & compressionem laterum, è phiala verò semiplena eversa effluit aqua, quia partes aquæ A & B non multum comprimunt medias partes, quando verò foramina sunt maiora, compressio non habet vim impediendi, imò egressum accelerat. Confirmatur: in horologio è puluere non sistit puluis, licet videatur esse periculum vacui, quia scilicet pulueris granula non sunt vnita & in medio sit circularis fossula, quia puluis qui est in medio decidit ante eum qui ad latera est.

Quarta experientia: aptetur lamina ferrea ita læuigata vt marmori vel alicui alteri plano subiecto immobili perfecte congruat, attolli non potest nisi ex altera parte prius eleuetur & inclinetur, cum tamen antequam applicaretur, facile gestaretur.

Respondent aduersarij hoc euenire ad vitandum vacuum; si enim lamina simul aequaliter eleuaretur, cum aër non posset esse simul & tam citò in medio quam in extremis laminæ, esset vacuum in medio à quo natura abhorret.

Contra: quodnam magnum inconueniens esset dari vacuum per vnum vel alterum momentum? Num totus rueret orbis? miror naturam velle & causare eclipses solares quæ tantum nocent mundo,

Disp. III. De corpore naturali &c. 215

mundo, cum tamen adeo sit sollicita impediendi vacui duraturi per tam breue tempus, quod cui nociturum foret non patet. Deinde planum matremum affigatur laqueari, tum illi applicetur lamina, an credis non casuram? vellesne subtus immobilis permanere, itavt capiti tuo lamina immineret? caderet sine dubio, quia vi sui ponderis resistentiam aeris vinceret.

Dico igitur cum Magnano non totam laminam pondus ferre eum qui illam manu gestat, quia portionem ponderis eius aliquam fert aer; quod patet ex eo quod gravitationis lamina multum auferat aqua, totam vero mercurius quoad sensum scilicet: magis autem grauitat lamina supra planum posita quam in manu, quia dum manus reuulsionem tentat, nihil est quod succedat vt sustineat illam gravitationis portionem quam sustinebat aer, dum lamina esset ip aere libera; adde quod ex alio capite magis grauitat ob aerem perpendiculariter insistentem. Quare manus reuellens deberet sustinere non solum totum omnino laminam pondus, sed etiam columnam illam aeris. Imo non posses tuam sustentare manum sub aere superiori nisi iauante inferiori; posset autem determinari vis ad eleuandam e plano laminam sufficiens; neque enim pondus habet infinitum, si ansa arriperetur vncio statera, addereturque pondus examinis sufficiens. Porro lamina facile potest moueri horizontaliter, quia grauitas vt sic non resistit motui qui est circa centrum, sed tantum motui a centro.

Dicunt aliqui subiectum planum aliquando eleuari quod Magnanus ad vim quandam magneticam refert. Verum illam inter ferrum & magnetem nondum nouimus. Dico igitur, si illud acciderit

acciderit accidisse ex eo quod dum tentaretur lamina superposita attolli, motum fuerit subiectum planum; & ex aliqua parte ingressui aëris subitus locum dedisse, sicque repente aër succedens impetum impressit.

Quinta experientia: folles oclusis omnibus foraminibus non possunt aperiri.

Respondent aduersarij hoc euenire propter metum vacui; si enim aperirentur, cum nihil succedere possit, daretur vacuum à quo natura abhorret. Verum, si hæc responsio valeret, sacci pellicei strictissime oclusi; potius disrumperentur quam dilatarentur, quod est contra experientiam.

Dico igitur hoc euenire partim ob variam dispositionem circularum & postium qui firmitus hærent, cum aër non ingreditur: partim etiam quia, cum nihil succedat, nihil etiam iduat manum ad attollendos postes columnasque aëris imminuentis subleuandas & ad eius resistentiam superandam.

Sexta experientia: attracto per calamum aëre ascendit aqua vel vinum.

Respondent aduersarij hoc euenire ut impediat vacuum.

Contra: si ponatur aliqua massa paruula plumbi aut alicuius alterius in calamo, attrahetur halitu cum aëre qui eam ambebat; at certe non propter metum vacui, imò propter talem metum ascendere non debuërat. Deinde eadem attractio fit in aëre aperto, attrahitur papyrus &c. attractio tamen non est adeo valida, respirationis enim vis in maiori spatio retunditur.

Dico igitur omnia hæc euenire ob vnionem aëris cum aqua vel aliquo liquore; cum enim repente

pente attrahitur aër, subiectus liquor sequitur; quia cum illo quasi concatenatur. Similiter ascendit massa in calamo tum ob illam vnionem, tum ob imperum ab aëre attracto impressum. Confirmatur: quia, si desistas ab attrahendo, decedit aqua. Deinde si tubum ad aliquod solidum applicueris & attrahas aërem, non ideo attrahetur lignum aut marmor aut aliud simile, & tamen attractionem aëris eodem modo fieri experimur. Omnes igitur tales consimilesque motus fiunt attractione aut impulsu. Reliquarum experientiarum passim reddetur ratio in toto decursu philosophiæ.

Q V Æ S T I O V.

An & qualis daretur motus in vacuo.

Hic quæstioni locum dedit Aristoteles qui, vt negaret vacuum contra philosophos antiquos dicentes sine vacuo non posse dari motum, dicit vacuum officere motui, neque possibilem esse motum in vacuo, quia motus in vacuo esset instantaneus.

Dico primò, inducto vacuo, posset naturaliter dari motus in illo.

Probatur: si homo collocaretur supra extimam cœli empyrei superficiem, posset in ea moueri, siquidem haberet in se principium talis motus & à nulla re impediretur quominus se pro libito mouere posset, nec deesset terminus ad quem posset tendere, scilicet altera pars cœli empyrei; in medio enim vacui essent etiam termini; quia tales terminos esse aliquod reale non est necesse; & quantum est repugnantia? Cur non posset ibi constitutus vibrare sagittam.

Obijcies:

Obiicies : omnis motus lationis est ad aliquem locum, & sicut, si nulla esset qualitas producibilis, non daretur motus alterationis; ita, si nullus sit locus acquisibilis, nullus erit motus lationis; atqui in vacuo nullus est locus; ergo neque motus lationis.

Respondgo omnem motum lationis esse quidem ad aliquem locum intrinsecum eo modo intellectum quo nos explicuimus; at non semper ad aliquem locum extrinsecum, neque hoc ad rationem motus requiritur.

Instabis primò, omnis motus realis debet terminus esse realis; atqui in vacuo non posset dari terminus realis; ergo nec motus.

Respondeo taliter posse disponi motum, ut latera sint termini motus, & tunc termini essent reales, ut patet. Deinde talis motus qui fieret in vacuo dici posset realis ex parte mobiliis, licet non esset realis respectu loci. & nihil inde sequeretur incommodi.

Instabis secundò, omnis motus fit ad dexteram, vel ad sinistram; at in vacuo neque est dexterum, neque sinistrum.

Respondeo dexterum & sinistrum esse denominationes extrinsecas, atque adeo vacuum dici posset habere dextrum & sinistrum respectu nostri, vel respectu partium mundi. Demum, si negetur maior, quis eam probabit?

Dico secundò, motus qui fieret in vacuo non esset instantaneus.

Probatum quia, ut infra ostendemus, non datur motus sine successione, & successio non potest esse in instanti, ut notum est ex terminis; ergo neque motus fieret in vacuo in instanti.

Contra: si esset columna excessiva usque ad concavum


cauum Lunæ, & statim destrueretur aër omneque aliud corpus ambiens, nunquid lapis qui è fastigio proiceretur totam columnam in instanti percurreret? hoc sine dubio concipi nequit; debet enim prius esse in medio quam in imo, sed vbi est prius & posterius, ibi non est vnicum instans. Debere autem prius esse in medio quam in imo fatendum est, alioquin lapis esset simul & semel in omnibus partibus turris.

Obiicies; vbi nulla est resistentia & nulla distantia, ibi motus est instantaneus; at in vacuo nulla est resistentia, nec distantia, in vacuo enim nihil est quod possit resistere, cum in eo nullum sit corpus. Deinde distantia oritur ex quantitate reali & magnitudine; at in vacuo nulla est quantitas realis, ergo nulla distantia; at vbi non est distantia, mobile non habet partes quas transeat, ita vt vnam post aliam transeat.

Respondeo successionem motus non provenire ex sola resistentia, sed à distantia loci, quæ distantia non debet esse necessariò aliquod corpus interceptum, sed sufficit si termini à quo & ad quem non sint vnus & idem, neque enim distantia sonat aliquod corpus reale, vt diximus supra; adde quod habet etiam suas partes mathematicas.

Instabis: mobile eò velocius fertur per spatium, quò medium per quod transit est subtilius, ergo, si nullum sit medium, nullo opus erit tempore.

Respondeo non à sola subtilitate medij provenire velocitatem, sed etiam à causa motrice, vt patet in motibus qui fiunt per impulsu, & in æquali medio, motus eò citius perficitur quò terminus est minus remotus.



DISPVATIO IV.

De motu.

MOTVS consideratio maximi momenti est, idè non vno in loco de illo tractatur: hic autem generaliter quæ de illo institui solent, quæstiones discutiemus.

ARTICVLVS I.

De motu generaliter sumpto.

IN isto articulo de motu generaliter sumpto, & de eius opposito, nempe de quiete differemus relinquentes motus localis tractationem pro articulo secundo.

QVÆSTIO I.

Quid sit motus & quatuorplex.

Dico primò, motus rectè definitur actus entis in potentiâ prout in potentiâ.

Explicatur: ista definitio est motus generaliter sumpti pro omni mutatione, & dicitur actus, quia cum omni potentiâ actus respondeat, & cum posse moueri dicat potentiam, eius actus non potest

Disp. IV. De corpore naturali &c. 217

potest esse alius quam motus, quia ab eo quod est moueri posse transit ad ipsum moueri; vocetur autem illa potentia, mobilitas, & ipsius actus, motus: dicitur actus entis in potentia, siue entis cui mobilitas inest, siue entis mobilis, & quidem in potentia passiuæ: dicitur actus entis in potentia prout in potentia, quæ vocabula mirè torserunt animos eorum qui potius verborum sensum perscrutantur, quam veritatem rei. Sed sic illa explico cum Mousnerio, motus non est quilibet actus illius entis quod est in potentia, verbi gratiâ, non est actus corporis viuientis indifferenter, sed est actus qui tantum huic potentiæ responderet, verbi gratiâ, sanatio est actus corporis sanabilis, vt sanabile est; non quatenus est corpus viuens, &c. calefactio est actus corporis calefactibilis, vt calefactibile est, non quatenus est durum, densum, &c. vel sic intellige illa verba actus entis in potentia, seu mobilis quatenus est adhuc mobile, necdum esse motum intelligitur, sed tantum moueri; nempe motus est quidam transitus mobilis à termino à quo ad terminum ad quem, quædam via, quædam tendentia ab vno ad aliud, verbi gratiâ, calefactio est tendentia & via & transitus ad calorem.

Obiicies, quod est actus non relinquit subiectum in potentia; at motus relinquit subiectum in potentia; ergo non est actus.

Respondeo, distingo maiorem: actus non relinquit subiectum in potentia respectu sui, Concedo: si sit actus imperfectus, respectu vltioris & perfectioris, Nego.

Dico secundò, datur motus ad quantitatem, qualitatem, & vbi.

Probatur prima pars: viuens augetur; sed tale

Physica.

K

augmen

augmentum fit à minori ad maiorem quantitatem; ergo datur transitus à minori quantitate ad maiorem, atque adeo motus.

Obiicies: motus est inter terminos contrarios; at magnum & paruum qui sunt termini motus ad quantitatem, non sunt termini contrarij; ergo ad quantitatem non datur motus.

Respondeo, Nego maiorem, si intelligatur de contrarietate rigorosa; sufficit enim si termini sint oppositi & impossibiles ea ratione quâ sunt termini; at paruum & magnum sunt eo modo contrarij, siue oppositi; licet enim adueniente noua quantitate prior maneat realiter, non tamen sub ratione parvæ, quam ante habebat, & à qua incipit motus. Demum paruum & magnum sunt relata; atque adeo impossibilia sub eodem respectu: nam homo, verbi gratiâ, dicitur paruus respectu montis Olympi, & magnus respectu formicæ.

Probatur secunda pars ipsamet experientia; manus enim prope ignem admota paulatim & successiue acquirit alios & alios gradus caloris. Ratio est, quia cum manus è frigida fit calida, ibi est oppositio inter terminum à quo & terminum ad quem, seu inter frigus & calorem. Quare cum calor nequeat vnico instanti superare totam resistantiam frigoris, non nisi per gradus & paulatim illud expellit, adeoque successiue in locum illius introducit.

Probatur tertia pars, quia cum per motum localem transeundum sit spatium cui mobile simul æquari non potest, hinc necessario sequitur illud successiue percurrendum esse. Conclusionem superiorem tenent omnes communiter, & simul negant dari motum ad reliqua prædicamēta, attamen
Dico

Disp. IV. De corpore naturali &c. 219

Dico tertio, datur motus ad substantiam.

Probat: generatio corporum est verus motus; ergo datur motus ad substantiam. Probat antecedens: transitus ab vno termino ad alium terminum oppositum est motus; atqui generatio est talis; ergo est verus motus. Maior mihi videtur clara & coincidere cum definitione motus; minor etiam patet: nam generatio est transitus à priuatione formæ ad formam, & si fortè repariatur quædam difficultas quoad generationem, certè nulla erit quoad conuersionem, quæ est transitus à forma ad aliam formam, vt cum lignum conuertitur in flammam, fit transitus à forma ligni ad formam flammæ.

Dices talem transitum fieri in instanti, quia omnia quæ præcedunt introductionem formæ sunt tantum dispositiones quibus completis educitur forma substantialis in instanti.

Contra: hoc argumentum habet quidem aliquod pondus contra eos qui tenent formas substantiales esse substantias totaliter & adæquatè distinctas, at nihil efficit contra nos; cum enim forma substantialis secundum nos consistat in harmonia & contemperatione, talis harmonia, talisque contemperatio & dispositio partium non fit nisi successiue, atque adeo per generationem res non transit à non esse ad esse simpliciter; hoc enim pertinet tantum ad creationem, & sic non est necesse vt forma simul tota fiat.

Oiicies primò, illud ad quod datur motus, producit, atqui forma non producit; ergo ad formam non datur motus.

Respondeo, distingo maiorem: illud ad quod datur motus, producit secundum esse simpliciter, Nego: secundum esse taliter, Concedo, &

hoc sufficit. Deinde distinguo, minorem : forma non producitur secundum suum esse simpliciter & materialiter, Concedo : formaliter & taliter, Nego ; siue agentia creata non producant materiam ex qua fit forma, atque adeo non producant formam secundum suum esse ; sic enim crearent, sed producant formam secundum talitatem, siue taliter disponant materiam, & vt loquar cum D. Bonauent. *Entem sub vna dispositione faciunt esse sub alia.* Deinde secundum aduersarios, datur motus ad quantitatem ; sed quantitas non fit, est enim cœua materiæ ; ergo non valet eorum argumentatio.

Objicies secundò, motus est à contrario in contrarium ; at substantiæ nihil est contrarium ; ergo ad substantiam non datur motus.

Respondeo ex ipsis etiam aduersariis sufficere aliquam oppositionem : nam nihil quantitati contrarium est, & reuera forma ligni & forma flammæ inter se oppositæ sunt & impossibiles.

Dices formam ligni se habere per accidens ad formam flammæ : nam forma flammæ ex alio subiecto generari potest. Contra : esto, se habeat per accidens : nunquid ideo dicendum est ibi non esse motum : certè Narbonam iri potest per varia itinera, sed nunquid negandum esset moueri eum qui Carcassona venit Narbonam, ex eo quod Biterris Narbonam iri potest.

Objicies tertio, in productione substantiæ non est decurrenda aliqua latitudo, siue extensionis, siue intensionis, siue spatij, adeoque ex nullo capite terminari potest motus ad illam.

Respondeo primò, Concedo ant. Nego conf. & idem argumentū fieri potest circa quantitatem ; quæ
secundum

Disp. IV. De corpore naturali &c. 221

secundum se non habet extensionem actualem, vt patet ex mysterio adorando Eucharistiæ, vbi corpus Christi habet propriam quantitatem, non tamen extensionem actualem. Secundò, Nego, quia datur latitudo extensionis ad substantiam, corpus enim è minori fit maius additione nouæ partis substantiæ.

Dices motum terminari per accidens ad substantiam; at verò per se ad quantitatem.

Respondeo quantitatem non distingui realiter à substantia, atque adeo nil instantia facit contra nos: & quamvis distingueretur realiter, adhuc tamen daretur motus per se ad substantiam; quia ad illud datur motus per se, quod per se & primariò intenditur; atqui quando nutritur animal, intenditur primariò acquisitio substantiæ, vt per illam resarciatur quod depèditum est. Demum sicut datur motus ad quantitatem, quia fit transitus à minori ad maiorem, ita dabitur motus ad substantiam, quia fit transitus ab eo quod est habere minus substantiæ ad illud quod est habere plus substantiæ, quod verificatur quamvis substantia denudata quantitate deberet confluere in punctum.

Quoad alia prædicamenta, vt respondeam, animaduerto motum & passionem esse vnum & idem: nam actus entis in potentia p̄fuit in potentia; & actus patientis vt patiens est sunt vnum & idem, atque adeo cum non detur motus ad motum non datur etiam ad passionem; neque etiam ad actionem: nam actio & passio realiter sunt vnum & idem: neque etiam ad relationem, quia acquiritur à me noua relatio sine vlla mutatione in me. Demum neque ad reliqua vt consideranti patebit..

Inferes non esse tantum triplicem motum accretionis, alterationis, lationis, sed quadruplicem, quia aliquid moueri potest substantialiter, extensiuè, alteratiuè, localiter: verum aduerte ceteros omnes motus semper motu locali perfici, & hoc inductione patet. Primò, quoad motum ad quantitatem, augetur aliquid, quia noua corpuscula adueniunt, minuitur verò, quia separantur, & quidem accretio quæ dicitur per iuxtapositionem fit per motum localem, neque enim alio modo noua materia priori aduenit, sic augetur globus niueus, & in plurimis exhalatio ad superficiem adueniens, ibi detenta concrefcit. Similiter etiam accretio quæ dicitur per intussusceptionem fit per motum localem, partes enim substantiæ de nouo aduenientis in poros sat motus habent, vt alias diuellant, sed ipsæ implicantur & remanent, sicut sagitta in sagittarum fasciculum emissâ aliam pelleret, sed ipsa cum aliis implicaretur, atque detineretur. Denique plantæ decrefcunt, quia succi per radices ascendentes per totam plantam diffunduntur. Quoad motum alterationis, alteratur subiectum, cum particula intra poros positæ vario modo mouentur, sic panis alteratur, cum aqua imbibitur; alteratur corpus nostrum calore febris, dum spiritus modo contra naturam mouentur, humoresque perturbantur. Quoad motum generationis & corruptionis: talis motus nihil est aliud quam motus alterationis perfectæ, & patet: nam è frumento fit farina motu, è farina fit panis, tum panis editur, in ventrè deicitur, ibi per quandam succum veluti per aquam fortem dissoluitur, fitque liquor albus cuius quod delicatius est per Pequeti canalem deducitur; denique omnia motu peraguntur.

QVÆSTIO III.

*Quomodo soluenda alia difficultates quæ
de motu in genere proponi solent.*

QUæres primò, vnde sumatur vnitas motus
tum specifica, tum numerica; imò & con-
trarietas.

Respondeo: hæc quæstio lōgo stilo tractari solet
à multis ex eo quod asserant motum esse entita-
tulam quandam ab omni prorsus substantia di-
stinctam, at illas entitaturas admitti non debe-
re pluries ostendimus: consistit autem motus
proprie ex mobili, termino ad quem, termino
à quo, & motore cum connotatione temporis,
atque adeo quandiu erunt ea omnia eadem, tan-
diu erit idem motus, si verò vel vnum mutetur,
non erit omnino idem, sicut diximus de actione
eam physice constare ex agente, passo, & ter-
mino; quod si vnum desit, mutatur actio. Porro
cum terminus ad quem sit illud quod est magis
perpensum à nobis, ideo dicitur communiter spe-
cificatio ab ipso sumi & quia oppositio sequitur
speciem motuum, contrarietas ex eodem princi-
pio desumetur ac specificatio.

Quæres secundo, num successio sit de essentia
motus vt sic.

Respondeo negatiuè, si de motu generalissimè
sumpto pro quacumque mutatione; nam genera-
tio hominis est motus; sed illa fit in instanti; ani-
ma enim creatur, & sic corpus ex non homine
fit homo per aduentum animæ: dixi generatio
hominis; nam generatio corporis humani suc-
cessiua est.

QVÆSTIO IV.

Quid sit quies.

Dico : quies generaliter dicitur carentia motus, quæ definitio vt patet, conuenit & quieti creaturæ, & immobilitati Dei. Et quia motus est actus entis in potentia prout in potentia, siue acquisitio perfectionis vel tendentia ad aliquam perfectionem, rectè eius oppositum siue quies dicetur carentia talis tendentiæ ; atque adeo carentia motus.

Dico secundo, duplex assignatur communiter. Alia dicitur negatiua & alia positiua. Prima est persistencia in carentia formæ, vt quam voluntas habet, dum est sine amore aut sine odio. Secunda est possessio formæ positiuæ, siue possessio perfectionis, vel termini, sic quies in loco est possessio, siue occupatio talis loci. Possessio aliquius qualitatis corporeæ est quies in qualitate &c. Summa quies Dei est summa ipsius omnium perfectionum possessio, & nostra quies perfecta nullibi reperietur, nisi in perfecta possessione Dei.

ARTICVLVS II.

De Motu locali.

Plura de motu locali inquiri possunt quam vt vno articulo soluantur : hîc agemus de illo tantum in genere explicando quid sit, quomodo
fc

Disp. I V. De corpore naturali &c. 225
se habeat respectu loci & temporis & quomodo
velox aut tardus dici debeat.

Q V Æ S T I O I.

Quid sit Motus localis.

Dico primò, motus localis rectè definitur
transitus de loco in locum, quæ definitio adeò
clara est, vt nulla indigeat explicatione.

Obijciens: motus circuli circa centrum est verus
motus localis; sed non est transitus de loco in
locum; nam circulus remanet semper in eodem
loco, ergo motus non est transitus de loco in
locum.

Respondeo circulum non moueri secundum se
totum, siue secundum suas omnes partes collec-
tè sumptas, sed secundum singulas sui partes
distributiue sumptas, nulla enim est pars quæ non
mouetur loco, cum modò sit versùs orientem &
modò versùs occidentem.

Instabis, si angelus vel punctum physicum
mouerentur circulariter; esset verus motus; sed
non habent partes; ergo non transitur de loco in
locum, etiam secundum partes.

Respondeo in angelo & puncto physico non
esse quidem partes realiter, esse tamen æquiu-
alenter, quatenus nihil est tam indiuisibile quin
in eo possint assignari plura, imò infinita puncta
mathematica, ratione quorum moueri dici po-
terit, quatenus quodlibet punctum mathemati-
cum ex vno puncto spatij ad aliud punctum trāsit.

Dico secundò, motus physice sumptus non
est entitativa quædam distincta ab omni prorsus
substantia.

K. 5.

Probatur.

Probatur: motus actiue sumptus est actio mouentis, passiue verò sumptus est passio mobilis; atqui actio & passio non distinguuntur à motore vt agit, & à mobili vt agitur seu acquirit nouum esse, non quidem simpliciter, sed secundum quid, nempe esse in nouo loco; esse autem in loco non distinguitur à loco & locato, vt supra probauimus; ergo motus non est entitas distincta.

Obijcies: inde sequeretur eundem esse motum toties, quoties idem mobile eandem viam vt prius percurreret; at sequela non est admittenda.

Respondeo, sequeretur esse eundem motum physice siue quoad id quod intrinsecum est ipsi morui, Concedo, quoad mensuram, siue illud quod est illi extrinsecum, Nego; tempus enim erit diuersum.

Dico tertio, motus constituitur physice per motorem, mobile, terminumque à quo seu locum relictum, terminum ad quem siue locum immediatum primo acquisitum, cum connotatione temporis.

Probatur: illa sunt principia intrinseca alicuius siue quibus res nec esse, nec concipi potest; atqui siue illis omnibus nec est, nec concipi potest motus; ergo illa omnia constituunt motum.

Obijcies primo, lapis proiectus sursum mouetur; atqui ibi non est motor: similiter nec quando descendit lapis.

Respondeo, ibi esse motorem, vel aliquid tenens locum motoris qui proiecit, quid autem sit illud infra videbimus, cum agemus de motu projectorum.

Obijcies secundo, posset Deus reproducere mobile in loco immediato; atqui tunc essent omnia superius enumerata, & tamen non esset motus.

Respon

Respondeo, in illo casu vel desineret esse in priori loco ibique destrueretur, & sic reuera non esset morus, quia illud mobile vt reproductum non transisset de loco in locum, quia vt reproductum nunquam fuit in priori loco; ergo deest aliquid, scilicet terminus à quo: vel remaneret in priori & propter eandem rationem deest terminus à quo respectu reproducti, & respectu remanentis deest terminus ad quem.

Instabis, reproductum & remanens est vnum & idem.

Respondeo, vnum & idem realiter, Concedo, formaliter vt reproductum est, Nego; sic enim inuoluit principium reproducens, qui non potest dici motor, quia non facit transire de loco in locum, sed tantum productor, atque adeo deest vnum ex necessariis, scilicet motor.

Inferes inde motum distingui realiter inadæquate, siue distinctione includentis ab incluso, à mobili, scilicet per reliqua quæ includit & idem de reliquorum quolibet seorsum sumpto dicendū.

Q V Æ S T I O II.

Quomodo se habeat motus respectu termini.

Terminus qui per motū acquiritur est vbi, est enim transitus de loco in locum, sed quoad hoc duplex distinguitur vbi, siue vbicatio, vbi fluens & vbi fixum: vbi fluens est illud omne spatium quod percurrit mobile non quiescendo in eo, fixum verò est illud spatium in quo quiescit mobile. Vnde patet esse tantum denominationes extrinsecas; idem enim qui dicitur fluens fuisset fixum, si ibi mansisset mobile.

Nota

Nota etiam duplicem esse vicationem secundum aliam considerationem; alia est participans, alia verò non participans, ad cuius intelligentiam reuoca in memoriam punctum physicum habere quandam extensionem, & licet in se sit physice indiuisibile, attamen mathematicè est diuisibile in infinitum. Igitur quod primò occupat spatium A. B. vide fig. 3. quando deinde occupat E F occupat locum participantem; ac demum quando occupat B. C. occupat locum non participantem, quia nullo modo participat cum A. B. Hoc posito circa terminum tria quærentur, scilicet num acquiri successiue terminus necessariò debeat, siue pars post partem: & num locus potest acquiri possit non transeundo per medium; demum an motibus contrariis idem moueri possit.

Dico primò, motus non est necessariò successiue physice, bene tamen mathematicè.

Probatur prima pars, quia tunc motus est successiue respectu loci, quando vnus locus acquiritur necessariò post alium; atqui physice res non ita se habet; nam cum punctum physicum quandam habeat extensionem, poterit vnum punctum moueri ex A. in B. quæ, vt suppono, sunt puncta physica, atque adeo physice indiuisibilia; vnde non potest ibi esse successiua acquisitio partium, cum non sint partes, atque adeo cum illud punctum relinquit signum. 1. puncti A, acquirit signum. 1. puncti, B. & cum relinquit signum 2. puncti A, acquirit signum 2. puncti B; sed tunc, vt patet, partes non acquiruntur post partes, quia punctum B non habet partes. Inde probatur secunda pars, quia mobile non potest in vnico instanti mathematico percurrere totum B; atque adeo, vt diximus, illud occupabit per vicationes

nes

nes participaras, & inde etiam patet resolutio secundæ difficultatis. Quare.

Dico secundò, non potest locus procul acquiri per motum, nisi transiendo per medium.

Probatur quia motus dicit transitum à loco in locum, atque adeo continuum fluxum, neque potest concipi motus puncti, nisi describat lineam.

Probatur secundò, si mobile posset migrare è loco in locum sine transitu per medium, v. g. angelus qui est in A. posset migrare in D sine transitu per B. C. ad quamcunque distantiam locum acquirere posset, cur enim potius ad vnâ quam ad aliam.

Obicies: potest Deus corpus quod est in vno loco ponere in alio distante in instanti, atqui tunc non erit transitus per medium.

Respondeo, potest Deus ponere per motum Nego: per reproductionem, Concedo.

Dico tertio, idem mobile non reproductum non potest simul moueri adæquate in partes contrarias seu diuersas.

Probatur, quia simul poneretur in duobus locis adæquatis, haberet enim duos terminos diuersos; sed idem non potest esse naturaliter in duobus locis adæquatis.

Dixi non reproductum, quia, cum per reproductionem ponatur in diuersis locis, in illis motus contrarios habere non repugnat.

Dixi etiam adæquate; nam idem mobile quantumvis indiuisibile moueri potest inadæquate motibus etiam contrariis; angelus enim dum se explicat, in partes contrarias moueri potest; imò in orbem. Deinde etiam cum anima secundum sententiam communissimam extensa sit per totum corpus, ita vt sit omnibus partibus præsens, dum
mouetur

mouetur brachium versùs orientem & aliud versùs occidentem, mouetur etiam anima ad partes oppositas, sed inadæquatè.

Obijcies: homo qui in naui tendit versùs orientem, mouetur versùs occidentem duos habet motus contrarios.

Respondeo illum per se moueri tantum versùs occidentem & per accidens versùs orientem.

Obijcies: globus emissus è tormento tendit & versùs centrum & versùs aliam partem.

Respondeo conclusionem intelligi debere de motu simplici, non verò de motu composito qui est cum pro rata de pluribus participat.

Q V Æ S T I O I I I.

*Quomodo se habeat motus respectu
temporis.*

Suppono velocitatem & tarditatem esse denominationes relatiuas, nam idem motus A cum motu B comparatus dicitur tardus, at verò comparatus cum motu C. dicitur velox; sicut in quâto magnum & paruum dicuntur respectiue; atque adeo nullus est motus quantūvis velox qui tardus dici non possit, si cum velociore compareretur & nullus quantūvis tardus qui velox non dicatur; si compareretur cum tardiore. Porro velocior motus dicitur vel æquale tempus, sed maius spatium, vel æquale spatium, sed minus tempus; & sic velocitas motus respicit & locum & tempus. Hoc posito.

Dico primò, omnis motus fit in tempore.

Probat: res eodem instanti in duobus locis adæquatis esse non potest; at motus est transitus de loco in locum; ergo dicitur plura loca, vnus enim locus relinquitur & alius acquiritur; ergo
dicit

Disp. IV. De corpore naturali &c. 231

dicit plura instantia, aliàs simul esset in termino à quo & in termino ad quem & in medio, quod implicat.

Objicies, sicut dantur puncta physica, ita dantur instantia physica habentia quandam extensionem & intra illam extensionem poterit moveri punctum physicum.

Respondeo, Nego dari instantia physica, & quamvis darentur, adhuc tamen vera esset propositio. de tempore mathematicè considerato quod est in infinitum diuisibile.

Dico secundo, in motu veloci non sunt saltus, & in tardo non sunt morulae.

Probaturs prima pars: non fit motus nisi transeundo per medium; atqui sequeretur fieri motum non transeundo per medium; ergo in motu veloci non sunt saltus, nam saltus esset cum v. g. mobile puncto A. relicto, immediate post occurreret punctum C. quod fieri nequit nisi per reproductionem, quæ non est motus localis.

Probaturs secunda pars: primo ad motum tardum sufficit minus concitata, continua tamen & immediata singularum partium motus per singulas successio, ergo non sunt admittendæ morulae.

Probaturs secundo, ex motu ingentis rotæ in qua puncta A. B. C. ad idem spatij punctum redeunt, licet circulus C. E. F. longè velocius quam circulus A. I. K. voluatur; conficit enim longè maius spatium, & tamen nulla est morula in circulo A. I. K. nam radius D. C. manet semper rectus. Vide fig. 3.

Objicies: mobile quiescit vno instanti in primo puncto, alio instanti in puncto secundo, sed quies est morula, ergo dantur totidem morulae.

Respondeo, non dari instantia physica extensa,

ut iam monui; adde quod esse per vnum instans in vno loco non est quiescere; quies enim dicitur saltem duo instantia, vnum quo occupet locum, & aliud quo ibi persistat; nam eo instanti quo primo acquirit B est motus, itemque illo quo primo acquirit C. &c. ergo in B. C. D. est motus, ergo nulla morula.

Dico tertio, *velocitas & tarditas non habent suum maximum, quod sic absolute loquendo*

Probat: nullus est motus assignabilis adeo velox quo non possit effici velocior; nam in figura superiori tres circuli circulationem faciunt vno quadrante, v. g. si fieret alius circulus supra, eodem quadrante conficeret suam circulationem, sed multo velocius, & sic de reliquis, sed quo punctum C. conficeret suam circulationem velocius, eo tardius eam conficit punctum A.

Dixi absolute, quia attenta virtute naturali datur velocitatis maximum quod sic etiam seclusa resistantia medij, quia virtus nunquam superatur a suo effectu, virtus autem creaturæ est limitata & determinata, vel quoad se vel quoad sui applicationem vel quoad vtrumque; diuina verò virtus, utpote omnino illimitata potest se magis ac magis applicare.

Colligi inde potest mouens quantumlibet exiguum virium, si cum velocitate moueat, superare quantamcumque resistantiam mobilis ratione mouendi, dummodo sit maior proportio velocitatis ad tarditatem quam resistantiæ ad vires exiguas.

Dico quarto, respectu eiusdem medij physici & realis tres sunt conditiones in mobili corpore quæ faciunt motum velociorem, magnitudo, densitas & figura.

Probationi

Disp. IV. De corpore naturali &c. 233

Probationi præmitto res alias esse facilius diuisibiles, alias verò difficilius; vnde si causa motus difficilius diuisibile contra facilius diuisibile impellat, necesse est facilius diuisibile scindi & inter partes suas admittere difficilius diuisibile; & diuisio facta erit & etiam motus localis, si cætera requisita concurrant; nam difficilius diuisibile mutauerit locum. Porro densum est difficilius diuisibile quam rarum cæteris paribus: hoc est si habeant eandem partium tenacitatem.

Probatum igitur: rarum respectu densi est diuisibile, & densum è conuerso diuisuum; ergo quo maior erit proportio densitatis in diuidente ad raritatem diuisi, eò necesse est diuisionem esse expeditiorem & motum velociorem.

Eodem modo res se habet de figura; quoniam enim vna figura est aptior ad diuidendum quam alia; videmus enim artifices figuras acuminatas ad secundum eligere, quò figura aptior est, cæteris paribus, eò motus etiam velocior erit.

Tandem quia in densis eiusdem figuræ, comparatio densitatis ad figuram est maior in maioribus, cæteris paribus corpora similia maiora velocius quam minora mouentur.

DISPVATIO V.

De Duratione.

NEXTRICABILES omnino & ferè insuperabiles quæstiones ortæ sunt circa durationem, sicut etiam & circa

circa tempus, ex eo quod modi ponantur esse entitates distinctæ ab omni prorsus substantia, quas cum nos non admittamus etiam à quæstionibus illis liberi sumus. Tamen ut expeditius respondeamus, eas quæ necessariæ sunt, attingam sufficienter; quia verò paucae sunt, ideo hanc disputationem immediate in quæstiones diuido.

Q V A E S T I O I.

Quid & quotuplex sit Duratio.

Dico primò, duratio est permanentia in esse. Illa definitio mihi videtur adeo clara, ut nulla indigeat explicatione; permanentia enim in esse, seu perseuerantia in existentia nihil est aliud quam existentia continuata & in abstracto continuatio existentiae.

Dico secundò, durationis species hæ communiter traduntur.

Æternitas quæ proprie soli Regi sæculorum immortalis conuenit, & à Boëtio lib. 5. de consol. philos. prof. 6. æternitas dicitur interminabilis vitæ tota simul & perfecta possessio, siue duratio omnino inuariabilis & independens; sicut enim Deus existit independenter à quocumque, ita etiam persistit in existentia independenter etiam à quocumque; sunt tamen quædam quæ in æternum duratura sunt, suntque ordinis supernaturalis, ut visio beatifica, & beatifica dilectio, & dicuntur habere æternitatem participatam.

Æuum

Disp. V. De corpore naturali &c. 235

Æuum est duratio entis creati naturalis stabiliter, ac perenniter sese habentis, ita vt corrumpi non possit, talisque duratio conuenit Angelis, quos nulla vis naturalis destruere potest, solus Deus eos annihilare potest eadē facilitate qua eos creauit.

Tempus propriè non est duratio, sed mensura durationis, attamen communiter accipitur pro duratione rerum corruptibilium, & quando plures corruptibiles res durare considerantur vna post aliam, ita tamen vt earum duratio deinde simul sumatur, talis duratio tempus discretum, v.g. Primus homo duret 25. annis. Secundus, item viginti quinque. Tertius, item viginti quinque. Quartus similiter. Duratio 100. annorum est tempus discretum, & duratio cuiuslibet dicitur instans temporis discreti.

Porro, sicut geometræ locum aliquem imaginarium excogitarunt, vt distantias secure mensurare possent, ita etiam tempus aliquod imaginarium excogitarunt, vt durationes mensurare possent, & ab aliquibus dicitur mensuratio possibilis. Ad maiorem intelligentiam consule quæ diximus de spatiis imaginariis.

Q V Æ S T I O. II.

An Duratio sit distincta à re durante.

DIco: duratio non est entitas distincta ab omni prorsus substantia, sed est ipsamet res durans cum relatione ad mensuram.

Probatur: in Deo est vera duratio, Deus enim durauit, durat, durabit per totam æternitatem; atqui duratio Dei non est talis entitas distincta à substantia

substantia Dei ; inde consequentia deducitur ad cæteras omnes durationes ; quia non sunt multiplicanda entia sine necessitate ; atqui sine tali entitate possumus reddere rationem eorum omnium, quæ de duratione quærentur.

Obiicies primò , Deus erat ante mundi constitutionem ; sed tunc nulla erat mensura ; ergo duratio non dicit respectum ad mensuram.

Respondeo , distinguo minorem : nulla erat mensura actualis, Concedo : possibilis, Nego.

Instabis primò , atqui neque possibilis ; ergo nulla solutio. Probat : infinitum mensurari non potest , sed esse Dei est infinitum, est enim æternum, ergo mensurari non potest ; ergo si mensurari nequeat, non erit possibilis mensura respectu illius.

Respondeo, distinguo maiorem : infinitum mensurari non potest adæquatè, Concedo : inadæquatè, Nego : Deus igitur mensurari potest inadæquatè, quia possumus dicere tandiu duravit Deus ; quandiu duravit mundus : non quod excludamus diuturniorem durationem , sed limitatio se tenet ex parte intellectus nostri qui ob debilitatem suam totam æternitatem capere non potest. Duravit igitur Deus ante mundi constitutionum tot sæculis , quot assignare poteris , & adhuc ultra infinities.

Instabis secundò, cum Arriaga dist. 15. physic. sect. 1. subsect. 3. non valet consequentia à Deo ad creaturas , quia à creatura separari potest hoc quod est durare hodie & cras , non autem à Deo, vnde non est mirum si ab illa distinguatur duratio hodierna, non verò à Deo.

Respondeo à Deo etiam separatur hoc quod est durare hodie : nam heri existerat totus Deus,

&

Disp. V. De corpore naturali &c. 237

& non durabat hodie, quia hodie nondum erat.

Instabis teritiò, quando diximus Deum hodie non durare cras, nil aliud à nobis intelligitur, quam hodie non existere ipsum cras, etiamsi hodie existat in Deo tota ratio qua cras existet; atque adeo inde præcisè infertur hodie & cras non coexistere sibi, at creaturæ quæ hodie durant non exigunt ex sua essentia durare cras.

Respondeo eodem modo: ratio cur hodie & cras separantur à creatura, si tamen separari dici debeant, est quia hodie & cras sunt impossibilia: nam quantum est ex parte creaturæ, illa habet etiam rationem existendi cras, dummodo Deus velit eam conservare; conservatio autem Dei est aliquid extrinsecum, conservatio est actio quæ, ut alibi probabimus, non est entitas distincta ab omni prorsus substantia: nec tamen dicenda est duratio consistere formaliter in actione, sed in termino actionis. Demum in hoc hallucinatur Arriaga: nam hodie & cras sonant tempus reale, atque adeo addunt aliquid supra simplicem durationem, scilicet mensuram actualem, ut infra explicabimus.

Confirmatur: priuationes & negationes durant in sententia aduersariorum, sed nunquid durant per entitatem distinctam & per aliquid positiuum? sine dubio hoc est maxime absurdum.

Quæres quomodo res incipiant & desinant.

Respondeo res incipere per primum sui esse, & desinere per ultimum sui esse, nec ibi tantum mysterium deprehendo, ut quæstiuncula egeat disputatione prolixiori.

QVÆSTIO III.

Quid sit Tempus.

Aristoteles definit tempus sic, numerus motus secundum prius & posterius. Numerus, scilicet numeratus, non verò numerus numerans, siue numerus sumptus pro motu sumpto ab intellectu attendente partes eius, ut ipsas habet non simul & permanenter, sed successiue, non verò ipsamet operatio intellectus: verum præterquamquod diffiteri non possumus definitionem illam esse obscuram, videtur non esse legitimam: nam tempus est quantitas continua, sed discreta; ergo tempus non est numerus. Deinde tam bene metimur quietem quam motum; ergo definitio illa non videtur esse sufficiens: verum quidquid de illa sit,

Dico: tempus rectè definitur sic, mensura durationis.

Explicatur: cum mensura actiua & passiuæ debeant esse similes; quis enim vellet metiri durationem vlnâ & pendere latitudinem huius parietis? ideo ad metiendos motus, homines semper aliquem motum notissimum elegerunt, talémque mensuram non solum motibus, sed omnibus durationibus applicuere; quia verò inter motus constantior, notior & æquabilior est motus Solis & Lunæ, illum elegerunt, ut durationes mensurarent. Quapropter duplex est tempus, vnum est naturale & est motus Solis, aliud artificiale ut motus horologij, verbi gratiâ, & ad hoc posuit Deus Solem in cælo, ut esset in tempora, dies & annos.

Disp. V. De corpore naturali &c. 239

annos. Tempus igitur est Sol non simpliciter, sed vt respondet successiue, & regulariter diuersis cœli partibus per motum constantem per quem nationes omnes possunt commodè metiri durationes rerum omnium. Dies est spatium quo Sol circum mundi perficit. Mensis quo trigesses. Demum esse in tempore importat aliquid supra id quod est durare; importat enim correspondentiam & coexistentiam cum tali motu ab hominibus assumpto in mensuram.

Obiicies primò, si Deus destrueret omnia præter cœlum Solis, & Sol semper suas circulationes perageret, tunc reuera esset tempus, & tamen non esset mensura, nihil enim esset quod mensuraretur; ergo tempus non est mensura.

Respondeo in hoc casu fore tempus sicuti foret mensura & vice versa, & reuera tunc nihil mensuraretur, atque adeo non esset mensura actualis, sed potentialis, ita etiam non esset tempus actuale, sed potentiale; tempus enim inuoluit vtrumque, est enim duratio respondens tali motui.

Obiicies secundò, ante constitutionem mundi erat tempus; atqui tunc non erat motus Solis, aut aliqua alia mensura.

Respondeo, Nego maiorem de tempore reali, erat tantum tempus mathematicum, vel melius erat tunc dumtaxat æternitas diuina.

Obiicies tertio, ex D. August. tempore Iosue Sol stabat & tempus ibat.

Respondeo, non erat tunc tempus sicut nunc, siue commune omnibus populis, sed erat tempus particulare horologiorum: nisi fortè dicatur tunc fuisse tempus commune, si aliud astrum ad mensurandas durationes fuerit assumptum.

Obiicies

Obiicies quartò , motus Solis habet suam durationem; ergo dabitur tempus temporis.

Respondeo motum Solis posse comparari ad seipsum, sic Solem durare per annum est Solem existere per 365. reuolutiones, vel potest comparari motus vnus astri cum motu alterius.

Aduerte tempus non importare entitatem distinctam ab omni prorsus substantia; est enim tantum coexistentia cum tali motu; neque datur instans reale physicum, sed tantum mathematicum, nisi forte dicas instans physicum esse motum quo Sol percurrit vnum punctum physicum sui cœli, cui non repugnabo.

